

Universitätsbibliothek Wuppertal

Titi Livii Patavini Historiarvm Libri Qvi Svpersvnt Omnes


Livius, Titus


Mannhemii, 1780

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1309](#)





m com
trufcan
arthagi
hil fer
ilentia
osque:
orbum
ciniae
aram
n ab
teris

TITI LIVII
PATAVINI
HISTORIARUM LIBRI
QUI SUPERSUNT OMNES

TOMUS SEPTIMUS



MANNHEMII
Cura & Sumptibus Societatis literatae
M DCC LXXX

IN LIBRARY

UNIVERSITY OF TORONTO LIBRARIES

1924 LIBRARY

UNIVERSITY OF TORONTO LIBRARIES

1924 LIBRARY



TITI LIVII PATAVINI
HISTORIARUM
AB URBE CONDITA
LIBER XXIX

EPITOME

Ex Sicilia C. Lælius in Africam a Scipione missus ingentem prædam reportavit, & mandata Masinissæ Scipioni exposuit, conquerentis, quod nondum exercitum in Africam trajecisset. Bellum in Hispania finitum, viçtore Romano, quod Indibilis excitaverat; ipse in acie occisus. Mandonius exoscenibus Romanis a suis deditus est. Magoni, qui in Gallia & Liguribus erat, ex Africa & militum ampla manus missa, & pecuniae, quibus auxilia conduceret: præceptumque, ut se Hannibali jungeret. Scipio a Syracusis in

411 EPITOME

Bruttios trajecit, Locros, pulso Punico
præsidio, fugatoque Hannibale, recepit.
Pax cum Philippo facta est. Idæa mater
deportata est Rotnam a Pessinunte oppido
Phrygiæ, carmine in libris Sibyllinis in-
vento, pelli Italia alienigenam hostem
posse, si mater Idæa deportata Ro-
mam esset. Tradita autem est Romanis
per Attalum regem Asie. Lapis erat, quem
matrem Deum incolæ dicebant. Excepit
P. Scipio Nasica Cn. filius, ejus, qui in
Hispania perierat, vir optimus a sénatu
judicatus, adolescens nondum quæstorius,
quoniam ita responsum jubebat: ut nu-
men id ab optimo viro reciperetur
consecrareturque. Locrenses legatos Ro-
mam miserunt, qui de inpotentia Q. Ple-
minii legati quererentur, quod pecuniam
Proserpinæ abstulerat, & liberos eorum ac
conjuges stupraverat. Pleminius, in cate-
nis Romam perductus, in carcere mortuus

E P I T O M E 5

est. Quum falsus rumor de P. Scipione proconsule, qui in Sicilia erat, in urbem perlatus esset, tamquam is luxuriaretur; missis ob hoc legatis a senatu, qui explorarent, an ea vera essent, purgatus infamia Scipio in Africam trajecit, senatus permisso. Syphax, accepta in matrimonium filia Hasdrubalis Gisgonis, amicitiae, quam cum Scipione ipse junxerat, renunciavit. Masinissa, rex Massyliorum, dum pro Carthaginiensibus in Hispania militat, amissso patre Gala, de regno excederat. Quo per bellum saepe repetito, aliquot praeliis a Syphace rege Numidarum victus, in totum privatus est: & cum ducentis equitibus exsul Scipioni se junxit: & cum eo primo statim bello Hannonem Hamilcaris filium cum ampla manu interemit. Scipio, adveniu Hasdrubalis & Syphacis, qui prope cum centum millibus armatorum venerant, ab obsidione Utica

6 E P I T O M E

depulsus, hiberna communivit. Sempronius consul in agro Crotoniensi prospere adversus Hannibalem pugnavit. Lustrum a censoribus conditum est. Censa sunt ci-vium capita ducenta quatuordecim millia. Inter censores, M. Livium & Claudium Neronem, notabilis discordia fuit. Nam & Claudius Livio collegæ equum ademit, quod a populo damnatus actusque in ex-silium fuerat; & Livius Claudio, quod falsum in se testimonium dixisset, & quod non bona fide secum in gratiam redisset. Idem omnes tribus, extra unam, ærarias reliquit, quod & innocentem se damnassent, & postea consulem censemque fecissent.

LIBER XXIX

L

SCIPIO, postquam in Siciliam venit, vo- U. c. 547^a
a. C. 205^a
luntarios milites ordinavit centuriavitque : ex iis trecentos juvenes, florentes ætate & virium robore, inermes circa se habebat, ignorantes, quem ad usum, neque centuriati, neque armati, servarentur. Tum ex totius Siciliæ juniorum numero principes genere & fortuna trecentos equites, qui secum in Africam trajicerent, legit: diemque iis, qua equis armisque instructi atque ornati adeissent, edidit. Gravis ea militia, procul domo, terra marique multos labores, magna pericula adulatura videbatur; neque ipsos modo, sed parentes cognatosque eorum ea cura angebat. Ubi dies, quæ dicta erat, advenit, arma equosque ostenderunt. Tum Scipio, « renunciari sibi [dixit] quosdam equites Siculo- rum, tamquam gravem & duram, horrere eam militiam. Si qui ita animati essent, malle eos sibi jam tum fateri, quam postmodo querentes, segnes atque inutiles milites reipublicæ esse. Exprimerent, quid

A 4

U. c. 547. a. C. 205. » sentirent; cum bona venia se auditurum. »

Ubi ex his unus ausus est dicere, « se prorsus, si sibi, utrum velit, liberum esset, nolle militare; » tum Scipio ei, « Quoniam igitur, adolescens, quid sentires, non dissimulasti, vicarium tibi expediam, cui tu arma equumque & cetera instrumenta militaria tradas, & tecum hinc extemplo domum ducas, exerceas, docendum cures equo armisque. » Læto conditionem accipienti unum ex trecentis, quos inermes habebat, tradit. Ubi hoc modo exauctoratum equitem cum gratia imperatoris ceteri viderunt, se quisque excusare, & vicarium accipere. Ita trecentis Siculis Romani equites substituti, sine publica impensa. Docendorum atque exercendorum curam Siculi habuerunt; quia editum imperatoris erat, ipsum militaturum, qui ita non fecisset. Egregiam hanc alam equitum evasisse ferunt, multisque præliis rempublicam adjuvisse. Legiones inde quum inspiceret, plurimorum stipendiorum ex iis milites de legit; maxime qui sub duce Marcello militaverant: quos quum optima disciplina institutos credebat, tum etiam ab longa Syracusarum obsidione peritissimos esse urbium.

*Trecentis
equitibus
Siculis
Romani
equites
substituti.*

*Plurimo-
rum stipen-
diorum mi-
litates dele-
git Scipio.*

LIBER XXIX CAP. I 9

obpugnandarum. Nihil enim parvum , sed ^{U. c. 547.}
^{a. C. 205.} Carthaginis jam excidia agitabat animo. Inde exercitum per oppida dispergit : frumentum
Siculorum civitatibus imperat ; ex Italia ad-
vecto parcit : veteres naves reficit , & cum
iis C. Lælium in Africam prædatum mittit ;
novas Panormi subducit , quia ex viridi ma-
teria raptim factæ erant , ut in sicco hiberna-
rent. Præparatis omnibus ad bellum , Syra-
cusas , nondum ex magnis belli motibus satis
tranquillas , venit. Græci res a quibusdam
Italici generis , eadem vi , qua per bellum
ceperant , retinentibus , concessas sibi ab se-
natu , repecebant. Omnium primum ratus
tueri publicam fidem , partim edicto , partim
judiciis etiam in pertinaces ad obtinendam
injuriam redditis , suas res Syracusanis resti-
tuit. Non ipsis tantum ea res , sed omnibus
Siciliæ populis , grata fuit ; eoque enissus ad
bellum adjuverunt. Eadem æstate in Hispania
coortum ingens bellum , conciente Ilergete
Indibili , nulla alia de caussa , quam per ad-
mirationem Scipionis contemtu imperatorum
aliorum orto. » Eum supereffe unum ducem
<sup>Bellum
in</sup>
^{Hispasia.}
<sup>Res
Siciliæ
companit.</sup>
<sup>» Romanis , ceteris ab Hannibale interfectis ,
^{» rebatur. Eo nec in Hispania cæsis Scipio-}</sup>

U. c. 547. " nibus alium, quem mitterent, habuiffe : &
a. C. 205. " postquam in Italia gravius bellum urgueret,
" adversus Hannibalem eum arcessitum. Præ-
" terquam quod nomina tantum ducum in
" Hispania Romani haberent, exercitum quo-
" que inde veterem deductum. Trepida omnia,
" ut inconditam turbam tironum, esse. Num-
" quam talem occasionem liberandæ Hispaniæ
" fore. Servitum ad eam diem aut Carthagi-
" niensibus, aut Romanis : nec in vicem his
" aut illis, sed interdum utrisque simul. Pulsos
" ab Romanis Carthaginenses ; ab Hispanis,
" si consentirent, pelli Romanos posse : ut ab
" omni externo imperio soluta in perpetuum
" Hispania in patrios rediret mores ritusque.
Hæc aliaque dicendo non populares modo,
sed Ausetanos quoque, vicinam gentem, con-
citat, & alios finitos sibi atque illis po-
pulos. Itaque intra paucos dies triginta millia
peditum, quatuor ferme equitum in Sedeta-
num agrum, quo edictum erat, convenerunt.

II. ROMANI quoque imperatores, L. Len-
tulus & L. Manlius Acidinus, ne glisceret
prima neglegendo bellum, junctis & ipsi exer-
citibus, per agrum Ausetanum, hostico tam-
quam pacato, clementer ductis militibus, ad

LIBER XXIX CAP. II

*U. c. 547.
a. C. 205.*

sedem hostium pervenere. Trium millium spatio procul a castris eorum posuerunt castra. Primo per legatos nequidquam tentatum, ut discederetur ab armis. Dein, quum in pabulatores Romanos inpetus repente ab equitibus Hispanis factus esset, submissio ab statione Romana equitatu, praelium equestris fuit, haud sane memorando in partem ullam evenit. Sole oriente, postero die armati instructi que omnes mille ferme passus procul a castris Romanis aciem ostendere. Medii Aufetani erant: cornua dextrum Ilergetes, laevum ignobiles tenebant Hispani populi. Inter cornua & medianam aciem intervalla patentia satis late fecerant; qua equitatum, ubi tempus esset, emitterent. Et Romani, more suo exercitum quum instruxissent, id modo hostium imitati sunt, ut inter legiones & ipsi patentes equiti relinquenter vias. Ceterum Lentulus, ei parti usum equitis fore ratus, quæ prior in dehiscentem intervallis hostium aciem equites emisisset, Ser. Cornelio tribuno militum imperat, equites per patentes in hostium acie vias permittere equos jubeat: ipse, coepit parum prospere pedestri pugna, tantum mortatus, dum cedenti duodecimæ legioni, quæ

*Acies
Hispano-
rum.*

*Romano-
rum.*

*Acre
prælium.*

*U. e. 547.
a. C. 205.* in lævo cornu adversus Illegetes locata erat,
 tertiam decimam legionem ex subsidiis in pri-
 mam aciem firmamentum ducit ; postquam
 æquata ibi pugna est , ad L. Manlium , inter
 prima signa hortantem , ac subsidia , quibus
 res postulabat locis , inducentem , venit. In-
 dicat tuta ab lævo cornu esse : jam missum
 ab se Cornelium Servium procella equestri
 hostes circumfusurum. Vix hæc dicta dederat ,
 quum Romani equites , in medios invecti
 hostes , simul pedestres acies turbarunt , simul
 equitibus Hispanorum viam inmittendi equos
 clauerunt. Itaque , omissa pugna equestri , ad
 pedestrem Hispani descenderunt. Romani im-
 peratores , ut turbatos hostium ordines , &
 trepidationem pavoremque , & fluctuantia vi-
 derunt signa , hortantur , orant milites , « ut
 » percusdos invadant , neu restitui aciem pa-
 » tiantur. » Non sustinuerunt tam infestum
 inpetum barbari , ni regulus ipse Indibilis
 cum equitibus ad pedes degressis (a) ante
 prima signa peditum se objecisset. Ibi aliquam-
 diu atrox pugna stetit. Tandem postquam ii ,
 qui circa regem , seminecem restantem , de-
 inde pilo terræ adfixum , pugnabant , obruti

*Vincunt
Romani.*

(a) *degressus Gron.*

LIBER XXIX CAP. III 13

telis obcubuerunt, tum fuga passim cœpta, *U. c. 549.
a. C. 205.*
pluresque cœsi; quia equos confundendi
equitibus spatium non fuerat, & quia per-
culsis acriter institerunt Romani: nec ante
abscessum est, quam castris quoque exuerunt
hostem. Tredecim millia Hispanorum cœsa eo
die, octingenti ferme capti. Romanorum so-
ciorumque paullo amplius ducenti, maxime
in laivo cornu, ceciderunt. Pulsæ castris Hispa-
ni, aut qui ex proelio effugerant, sparsi primo
per agros, deinde in suas quisque civitates
redierunt.

III. TUM a Mandonio evocati in concilium, *Dedunt se
Hispani.* conquestique ibi clades suas, increpitis
auctoribus belli, legatos mittendos ad arma
tradenda ditionemque faciendam censuerunt.
Quibus, culpam in auctorem belli Indibilem,
ceterosque principes, quorum plerique in acie
cedidissent, conferentibus, tradentibusque ar-
ma, & dedentibus feso, responsum est: « In
» ditionem ita accipi eos, si Mandonium
» ceterosque belli concitores tradidissent vi-
» vos: sin minus, exercitus se in agrum Iler-
» getum Ausetanorumque, & deinceps alio-
» rum populorum ducturos. » Hæc dicta lega-
tis, renunciataque in concilium. Ibi Mando-

U. e. 547. nius ceterique principes comprehensi & traditi
a. C. 205. ad supplicium. Hispaniæ populis redditæ pax:
Mando-
nius tradi-
tus ad sup-
plicium. stipendum ejus anni duplex & frumentum
 sex mensium imperatum, sagaque & togæ
 exercitui, & obsides ab triginta ferme po-
 pulis accepti. Ita Hispaniæ rebellantis tumul-
 tu, haud magno motu, intra paucos dies
 concito & compresso, in Africam omnis ter-
 ror versus.

Lælius
classe Afri-
cam popu-
latur. C. Lælius nocte ad Hipponeum
 Regium cum accessisset, luce prima ad po-
 pulandum agrum sub signis milites sociosque
 navales duxit. Omnibus pacis modo incu-
 riōse agentibus, magna clades inlata: nunci-
 que trepidi Carthaginem terrore ingenti com-
 plevere, classem Romanam Scipionemque
 imperatorem (& fama fuerat jam in Siciliam
 transgessum) advenisse. Nec quot naves vidis-
 sent, nec quanta manus agros populareretur, satis
 gnari, omnia in majus, metu augente, acci-
 piebant. Itaque primo terror pavorque, dein

Terror
Carthagin-
ensem. (b) mœstitia animos incessit: « tantum for-
 » tunam mutasse, ut, qui modo ipsi exerci-
 » tum ante mœnia Romana habuissent victo-
 » res, stratisque tot hostium exercitibus, om-
 » pes Italæ populos aut vi aut voluntate in

(b) deinde Gron. Crev.

LIBER XXIX CAP. IV 15

» dditionem accepissent ; ii , verso Marte , *U. c. 547.*
» Africæ populationes & obsidionem Cartha- *a. C. 205.*
» ginis visuri forent , nequaquam pari ad pa-
» tienda ea robore , ac Romani fuissent. Illis
» Romanam plebem , illis Latium juventutem
» præbuisse ; majorem semper frequentiorem-
» que pro tot cæsis exercitibus subolescen-
» tem. Suam plebem inbellem in urbe , in
» bellem in agris esse. Mercede parari auxilia
» ex Afris , gente ad omnem auram spei mo-
» bili atque infida. Jam reges , Syphacem post
» conloquium cum Scipione alienatum ;
» Masinissam aperta defectione infestissimum
» hostem. Nihil auxilii esse. Nec Magonem ex
» Gallia movere tumultus quidquam , nec
» conjungere sese Hannibali : & Hannibalem
» ipsum jam & fama senecescere , & viribus . »

IV. IN hæc deflenda prolapsos ab recenti
nuncio animos rursus terror instans revocavit
ad consultandum , quonam modo obviam præ-
sentibus periculis iretur. Delectus raptim in
urbe agrisque haberi placet , mittere ad condu-
cenda Afrorum auxilia , munire urbem , frumen-
tum convehere , tela , arma pârare , instruere
naves ac mittere ad Hippoñem adversus Ro-
manam classem. Jam hæc agentibus nuncius

*Adpara-
tus.*

U. c. 547. tandem venit, Lælium, non Scipionem, co-
a. C. 205. piisque, quantæ ad incursionses agrorum,
fatis sint, transvectas; summæ belli molem
adhuc in Sicilia esse. Ita respiratum, mitti-
que ad Syphacem legationes, aliosque regu-
los, firmandæ societatis caussa, cœptæ. Ad
Philippum quoque missi, qui ducenta argenti
talenta policerentur, ut in Siciliam aut in
(c) Italiam trajiceret. Missi & (d) ad duos
imperatores in Italianam, ut omni terrore Sci-
pionem retinerent: ad Magonem non legati
modo, sed viginti quinque naves longæ, sex
millia peditum, octingenti equites, septem
elephant, ad hoc magna pecunia ad condu-
cenda auxilia, quibus fretus propius urbem
Romanam exercitum admoveret, conjunge-
retque se Hannibali. Hæc Carthagine para-
bant agitabantque. Ad Lælium prædas ingen-
tes ex agro inermi ac nudo præsidiis agen-
tem Masinissa, fama Romanæ classis excitus,

*Masinissa
ad Lælium
venit.*

cum equitibus paucis venit. Is « segniter rem
» agi ab Scipione questus, quod tum non jam
» exercitum in Africam trajecisset, perculsis
» Carthaginiensibus, Syphace impedito finiti-
» mis bellis: quem incertum hærere; si
» spa-

(c) in del. Gron. Crey. (d) & del. Gron.

LIBER XXIX CAP. V 17

» spatium ad sua, ut velit, componenda de- U. c. 547.
a. C. 205.
 » tur, nihil sincera fide cum Romanis actu-
 » rum. Hortaretur, ac stimularet Scipionem,
 » ne cessaret. Se, quamquam regno pulsus
 » esset, cum haud contempnendis copiis ad-
 » futurum peditum equitumque. Nec ipsi
 » Lælio morandum in Africa esse. Classem
 » credere profectam a Carthagine, cum qua,
 » absente Scipione, non satis tutum esse
 » contrahi certamen. »

V. AB hoc sermone dimisso Masinissa, Lælius postero die naves præda onustas ab Hippone solvit, reiectusque in Siciliam mandata Masinissæ Scipioni exposuit. Eisdem ferme diebus naves, quæ ab Carthagine ad Magonem missæ erant, inter Albingaunos Ligures Genuamque accesserunt. In iis locis tum forte Mago tenebat classem : qui, legatorum auditis verbis, jubentium exercitus, quam maximos comparare, extemplo Gallorum & Ligurum (namque utriusque gentis ingens ibi multitudo erat) concilium habuit : « & » missum se ad eos vindicandos in libertatem, » [ait] &, ut ipsi cernant, mitti sibi ab do- » mo præsidia : sed, quantis viribus, quanto » exercitu id bellum geratur, in eorum

*Oratio
Magonis
ad
Gallos
&
Ligures.*

*V. s. 547.
a. C. 205.*

» potestate esse. Duos exercitus Romanos,
 » unum in Gallia, alterum in Etruria esse.
 » Satis scire, Sp. Lucretium se cum M. Livio
 » juncturum. Multa millia ipsis etiam arman-
 » da esse, ut duobus ducibus, duobus exer-
Respon-
sum
Gallorum. » citibus Romanis resistatur. » Galli, « sum-
 » mam ad id suam voluntatem esse, » dicere:
 » sed, quum una castra Romana intra fines,
 » altera in finitima terra Etruria prope in
 » conspectu habeant, si palam fiat auxiliis
 » adjutum ab se Pœnum, extemplo infestos
 » utrimque exercitus in agrum suum incursu-
 » ros. Ea ab Gallis desideraret, quibus occulte
 » adjuvari posset. Liguribus, quod procul agro
 » urbisque eorum castra Romana sint,
 » libera consilia esse. Illos armare juventutem,
 » & capeſſere pro parte bellum, æquum esse..»

Ligurum. Ligures haud abnuere : tempus modo duorum
 mensium petere ad deleſus habendos. Interim
 Mago milites, Gallis dimissis, clam per agros
 eorum mercede conducere. Commeatus quo-
 que omnis generis occulte ad eum a Gallis po-
 pulis mittebantur. M. Livius exercitum Volo-
 num ex Etruria in Galliam traducit : junctusque
 Lucretio, si se Mago ex Liguribus propius
 urbem moveat, obviam ire parat : si Pœnus

LIBER XXIX CAP. VI 19

sub angulo Alpium quietus se contineat, & *U. t. 547^a
a. C. 205^b* ipse in eadem regione circa Ariminum Italæ præsidio futurus.

VI. POST reditum ex Africa C. Lælii, & Scipione stimulato Masinissæ adhortationibus, & militibus, prædam ex hostium terra cernentibus tota classe efferri, accensis ad tragiendum quam primum, intervénit majori minor cogitatio, Locros urbem recipiendi, quæ sub defectionem Italæ desciverat & ipsa ad Poenos. Spes autem adfectandæ ejus rei ex minima re adfulsit. Latrocinii magis, quam justo bello, in Bruttiis gerebantur res; principio ab Numidis facta; & Bruttiis, non societate magis Punica, quam suopte ingenio, congruentibus in eum morem. Postremo Romani quoque, jami contagione quadam rapto gaudentes, quantum per duces licebat, excursiones in hostium agros facere. Ab iis egressi quidam urbem Locrenses circumventi, Rhegiumque abstracti fuerant. In eo captivorum numero fabri quidam fuere, adsueti forte apud Poenos mercede opus in arce Locrorum facere. Ii, cogniti ab Locrensum principibus, qui pulsi ab adversa factione, quæ Hannibali Locros tradiderat, Rhegium se contulerant,

*Locri
recepisti*

V. c. 547. quum cetera percunctantibus, (ut mos est;
a. C 205. qui diu absunt) quæ domi agerentur, expo-
suissent, spem fecerunt, si redemti ac remissi
forent, arcem se iis tradituros. Ibi se habi-
tare, fidemque sibi rerum omnium inter Car-
thaginenses esse. Itaque, ut qui simul desiderio
patriæ angerentur, simul cupiditate ini-
micos ulciscendi arderent, redemptis exemplo
iis remissisque, quum ordinem agendae rei
composuissent, signaque, quæ procul edita
observarent, ipsi ad Scipionem Syracusas pro-
fecti, apud quem pars exsulum erat, refe-
rentes ibi promissa captivorum, quum spem
ab effectu haud abhorrentem consuli fecissent;
tribuni militum cum iis M. Sergius & P. Ma-
tienus missi, jussique ab Rhegio tria millia
militum Locros ducere: & Q. Pleminio pro-
prætori scriptum, ut rei agendæ adesset. Pro-
fecti ab Rhegio, scalas ad editam altitudinem
arcis fabricatas portantes, media ferme nocte
ex eo loco, unde convenerat, signum dedere
proditoribus arcis. Qui parati intentique, &
ipsi scalas ad id ipsum factas cum demisissent,
pluribusque simul locis scandentes accepis-
sent, priusquam clamor oriretur, in vigiles
Poenorum, ut in nullo tali metu, sopitos

LIBER XXIX CAP. VII 21

inpetus est factus : quorum gemitus primo *U. c. 547^o*
a. C. 205.
 morientium exauditus ; deinde subita conster-
 natio ex somno & tumultus quum caussa igno-
 raretur ; postremo certior res , aliis excitans
 tibus alios . Jamque ad arma pro se quisque
 vocabat : « hostes in arce esse , & cædi vi-
 » giles . » Obpresso forent Romani , nequa-
 quam numero pares , ni clamor , ab iis , qui
 extra arcem erant , sublatus , incertum , unde
 accidisset , (omnia vana augente nocturno
 tumultu) fecisset . Itaque velut plena jam
 hostium arce territi Poeni , omiso certamine ,
 in alteram arcem (duæ sunt haud multum
 inter se distantes) confugiunt . Oppidani ur-
 bem habebant , victoribus præmium in me-
 dio positam . Ex arcibus duabus præliis quo-
 tidie levibus certabatur . Q. Pleminius Ro-
 mano , Hamilcar Punico præsidio prærat :
 arcessentes (e) ex propinquis locis subsidia
 copias augebant . Ipse postremo veniebat Han-
 nibal : nec sustinuerunt Romani , nisi Locren-
 sium multitudo , exacerbata superbia atque
 avaritia Poenorum , ad Romanos inclinasset .

VII. SCIPIO ut nunciatum est , in ma-
 jore discrimine Locris rem verti , ipsumque

(e) & arcessentes Gron. Crev.

*U. e. 547.
a. C. 205.*

Hannibalem adventare; ne præsidium etiam periclitaretur, haud facili inde receptu, & ipse a Messana, L. Scipione fratre in præsidio ibi relicto, quum primum æstu fretum inclinatum est, naves mari secundo misit. Et Hannibal, a Butroto anni (haud procul is ab urbe Locris abest) nuncio præmisso, ut sui luce prima summa vi prælium cum Romanis ac Locrensisibus consererent, dum ipse, aversis omnibus in eum tumultum, ab tergo urbem incautam adgrederetur, ubi luce cœptam invenit pugnam, ipse nec in arcem se includere, turba locum artum impediturus, voluit; neque scalas, quibus scanderent muros, adulterat. Sarcinis in acervum conjectis, quum haud procul muris ad terrorem hostium aciem ostendisset, cum equitibus Numidis circumequitabat urbem, dum scalæ, quæque alia ad obpugnandum opus erant, parantur, ad visendum qua maxime parte adgredieretur. Progressus ad murum, scorpione icto, qui proximus eum forte steterat, territus inde tam periculoſo casu, receptui canere quum jussisset, castra procul ab ictu teli communiit. Classis Romana a Messana Locros, aliquot horis die superante, accessit: expositi

LIBER XXIX CAP. VIII 23

omnes e navibus, & ante occasum solis urbem ingressi sunt. Postero die cœpta ex arce a Pœnisi pugna: & Hannibal, jam scalis aliiisque omnibus ad obpugnationem paratis, subibat muros: quum repente in eum, nihil minus quam tale quidquam timentem, paterfacta porta erumpunt Romani. Ad ducentos improvidos, quum invasissent, occidunt. Ceteros Hannibal, ut consulem adeisse sensit, in castra recipit: nuncioque missis ad eos, qui in arce erant, ut sibi met ipsi consulerent, nocte motis castris abiit. Et qui in arce erant, igni injecto tectis, quæ tenebant, ut is tumultus hostem moraretur, agmen suorum fugæ simili cursu ante noctem adsecuti sunt.

VIII. SCIPIO, ut & arcem relictam ab hostibus & vacua vidi castra, vocatos ad concionem Locrenses graviter ob defectionem incusavit: de auctoribus supplicium sumvit, bonaque eorum alterius factionis principibus, ob egregiam fidem adversus Romanos, concessit. « Publice nec dare, nec eripere se quidquam Locrensisbus, » dixit, « Romam mitterent legatos: quam senatus æquum censuerisset, eam fortunam habituros. Illud satis scire, et si male de populo Romano meritum

U. c. 5470
a. C. 2050

U. c. 547. » effent , in meliore statu sub iratis Romanis
a. C. 205. » futuros , quam sub amicis Carthaginienſi-

Pleminius » bus fuerint. » Ipſe , Q. Pleminio legato
Præf. Lo- præſidioque , quod arcem ceperat , ad tuen-
crude- dam urbem relicto , cum quibus venerat co-
liter ſe ge- riſe.

piis , Meſſanam trajecit. Ita ſuperbe & cru-
 deliter habitu Locrenſes ab Carthaginienſibus
 poſt defectionem ab Romanis fuerant , ut
 modicas injurias non æquo modo animo pati ,
 ſed prope lubenti poſſent. Verum enim vero
 tantum Pleminius Hamilcarem præſidiū præ-
 fectum , tantum præſidiarii milites Romani
 Pœnos ſcelere atque avaritia ſuperaverunt ,
 ut non armis , ſed vitiis videretur certari.
 Nihil omnium , quæ inopi inviſas opes poten-
 tioris faciunt , prætermiſſum in Oppidanos eſt
 ab duce , aut a militibus : in corpora ipſo-
 rum , in liberos , in conjuget infandæ contu-
 melia editæ. Nam avaritia ne facrorum qui-
 dem ſpoliatione abſtinuit : nec alia modo
 templa violata , ſed Proſerpinæ etiam , intacti
 omni ætate , theſauri ; præterquam quod a
 Pyrrho , qui cum magno piaculo ſacrilegii ſui
 manubias retulit , ſpoliati dicebantur. Ergo
 ſicut ante regiæ naves , laceratæ naufragiis ,
 nihil in terra mintegri , præter ſacram pecu-

*Ejus
avaritia.*

Romanis
ginensi-
legato
tuen-
rat co-
cru-
sibus
, ut
pati,
vero
præ-
omani
runt,
rtari.
oten-
os est
ipso-
contu-
m qui-
modo
intaati
quod a
egii fui
Ergo
ufragii,
m pecu-

niam Deæ , quam asportabant , extulerant ; *U. c. 547.*
tum quoque alio genere cladis eadem illa *a. C. 205.*
pecunia omnibus contactis ea violatione tem-
pli furorem objecit , atque inter se ducem
in ducem , militem in militem rabie hostili
vertit .

IX. SUMMÆ rei Pleminius præerat : mili-
tum pars sub eo , quam ipse ab Regino abdu-
xerat , pars sub tribunis erat . Rapto poculo
argenteo ex oppidani domo Pleminii miles
fugiens , sequentibus quorum erat , obvius
forte Sergio & Matieno tribunis militum
fuit . Cui quum jussu tribunorum ademtum
poculum esset , jurgium inde & clamor , pu-
gna postremo orta inter Pleminii milites ,
tribunorumque ; ut suis quisque obportunus
advenerat , multitudine simul ac tumultu cres-
cente . Viæti Pleminii milites quum ad Plemin-
nium , cruentum ac vulnera ostentantes , non
sine vociferatione atque indignatione concur-
rissent , probra in eum ipsum jaodata in jur-
giis referentes ; accensus ira domo fese pro-
ripuit , vocatosque tribunos nudari , ac virgas
expediri jubet . Dum spoliandis iis (repugna-
bant enim , militemque inplorabant) tempus
teritur , repente milites , feroce recenti viæto-

*Pugna
inter
milites
Rom.*

*U. e. 547.
a. C. 205.* ria , ex omnibus locis , velut aduersus hostes

ad arma conclamatum esset , concurrerunt : & , quum violata jam virgis corpora tribunorum vidissent , tum vero in multo inpotentio rem subito rabiem accensi , sine respectu , non majestatis modo , sed etiam humanitatis , in legatum inpetum , lictoribus prius indignum in modum mulcatis , faciunt . Tum ipsum , ab suis interceptum & seclusum , hostiliter lacerant , & prope exsanguem , naso auribus que mutilatis , relinquunt . His Messanam nun-

*A Scipione
ab solvitur.* ciatis , Scipio , post paucos dies Locros hexeri adactus , quum caussam Pleminii & tribunorum audisset , Pleminio noxa liberato , relicto que in ejusdem loci praesidio , tribunis fontibus judicatis , & in vincula conjectis , ut Romanum ad senatum mitterentur , Messanam atque inde Syracusas rediit (f) . Pleminius inpotens irae , neglectam ab Scipione & nimis leviter latam suam injuriam ratus , nec quemquam aestimare alium eam litem posse , nisi qui atrocitatem ejus patiendo sensisset , tribunos ad trahiri ad se jussit ; laceratosque omnibus , quæ pati corpus ullum potest , sup pliciis interfecit : nec satiatus vivorum poena ,

*Tribunos
crueliter
occidit.*

(f) redie Gron. Crev.

insepultos projectit. Simili crudelitate & in
 Locrensum principes est usus, quos ad con-
 querendas injurias ad P. Scipionem profectos
 audavit: &, quae antea per libidinem atque
 avaritiam foeda exempla in socios ediderat,
 tunc ab ira multiplicia edere, infamiaeque
 atque invidiae non sibi modo, sed etiam
 imperatori, esse.

*U. c. 547.
a. C. 205.*

X. JAM comitorum adpetebat tempus, quum
 P. Licinii consulis literæ Romam adlatæ, « se
 » exercitumque suum gravi morbo adfectari:
 » nec fisi potuisse, ni eadem vis mali, aut
 » gravior etiam, in hostes ingruisset. Itaque,
 » quoniam ipse venire ad comitia non posset,
 » si ita Patribus videretur, se Q. Cæciliū
 » Metellū dictatorem comitorum caussa dic-
 » turum. Exercitum Q. Cæcilii dimitti, e
 » republica esse. Nam neque usum ejus ullum
 » in præsentia esse, quum Hannibal jam in
 » hiberna suos receperit; & tanta incesserit
 » in ea castra vis morbi, ut, nisi mature di-
 » mittantur, nemo omnium superfuturus vi-
 » deatur. » Ea consuli a Patribus facienda, ut
 e republica fideque sua duceret, permissa.

*Licinii
exercitus
morbo ad-
fectus.*

Civitatem eo tempore repens religio invase-
 rat, invento carmine in libris Sibyllinis,

*Oraculum
Sibylli-
num.*

U. c. 547. propter crebrius eo anno de cœlo lapidatum
a. C. 205. inspectis. « Quandoque hostis alienigena ter-
 » ræ Italiae bellum intulisset, eum pelli Italia
 » vincique posse, si mater Idæa a Pessinunte
 » Romam advecta foret. » Id carmen ab
 cemviris inventum eo magis Patres movit,
 quod & legati, qui donum Delphos porta-
 verant, referebant, & sacrificantes ipsos Py-
 thio Apollini litavisse, & responsum oraculo
 editum, majorem multo victoriam, quam
 cuius ex spoliis dona portarent, adeste po-
 pulo Romano. In ejusdem spei summam con-
 ferebant P. Scipionis velut præfagientem ani-
 mum de fine belli, quod depoposcisset pro-
 vinciam Africam. Itaque quo maturius fatis,
 ominibus, oraculisque portendentis sese victo-
 riæ compotes fierent, id cogitare, quæ ratio
 transportandæ Romam Deæ esset.

*Mater
 Idæa ex
 Asia peti-
 tur.*

XI. NULLASDUM in Asia civitates socias
 habebat populus Romanus. Tamen memores,
 Æsculapium quoque ex Græcia quandam,
 haudum ullo födere sociata, valetudinis
 populi caussa arcessitum: & jam cum Attalo
 rege, propter commune adversus Philippum
 bellum, coeptam amicitiam esse, facturum
 eum, quæ possit, populi Romani caussa, le-

LIBER XXIX CAP. XI 29

gatos ad eum decernunt, M. Valerium Lævium, qui bis consul fuerat, ac res in Græcia gesserat, M. Cæciliū Metellum prætorium, Ser. Sulpiciū Galbam ædilitium, duos quæstrios, Cn. (g) Tremellium Flaccum, & M. Valerium Faltonem. His quinque naves quinqueremes, ut ex dignitate populi Romani adirent eas terras, ad quas concilianda majestas nomini Romano esset, decernunt. Legati Asiam petentes protinus Delphos quum escendissent, oraculum adierunt, consulentes, ad quod negotium domo missi essent, perficiendi ejus, quam sibi spem populoque Romano portenderet. Responsum esse ferunt,

« Per Attalum regem compotes ejus fore,
» quod peterent. Quum Romam Deam devexissent, tum curarent, ut eam, qui vir optimus Romæ esset, hospitio exciperet. »

Pergamum ad regem venerunt. Is legatos commiter acceptos Pessinuntem in Phrygiam deduxit: facrumque iis lapidem, quam (h) matrem Deum esse incolæ (i) dicebant, tradidit, ac deportare Romam jussit. Præmislus

(g) C. Gron. Crev.

(h) quem Gron.

(i) incolæ esse Gron. Crev.

U. c. 547.

a. C. 205.

*U. &c. 547. ab legatis M. Valerius Falto nunciavit, Deam
a. C. 205.* adportari : quærendum virum optimum in civitate esse, qui eam rite hospitio exciperet. Q. Cæcilius Metellus dictator ab consule in Bruttiis comitiorum causa dictus, exercitus que ejus dimissus : magister equitum L. Veturius Philo. Comitia per dictatorem habita. Consules facti M. Cornelius Cethagus, P. Sempronius Tuditanus absens, quem provinciam Græciam haberet. Prætores inde creati, Ti. Claudius Nero, M. Marcius Ralla, L. Scribonius Libo, M. Pomponius Matho. Comitiis peractis, dictator se se magistratu abdicavit. Ludi Romani ter, plebeii septies instaurati. Curules erant ædiles Cn. & L. Cornelii Lentuli. Lucius Hispaniam provinciam habebat : absens creatus, absens eum honorem gesit. Ti. Claudius Asellus & M. Junius Pennus plebeii ædiles fuerunt. Ædem Virtutis eo anno ad portam Capenam M. Marcellus dedicavit, septimodecimo anno postquam a patre ejus primo consulatu vota in Gallia ad Clastidium fuerat. Et flamen Martialis eo anno est mortuus M. Æmilius Regillus.

*Ætolis
pacem cum
Philippo
ficiunt.*

XII. NEGLECTÆ eo biennio res in Græcia erant. Itaque Philippus Ætolos, desertos ab

LIBER XXIX CAP. XII 31

Romanis, cui uni fidebant auxilio, quibus *U. c. 547.*
voluit conditionibus, ad petendam & pacis- *a. C. 205.*
cendam subegit pacem. Quod nisi omni vi
perficere maturasset, bellantem eum cum
Ætolis P. Sempronius proconsul, successor
imperii missus Sulpicio, cum decem millibus
peditum, & mille equitibus, & triginta quin-
que rostratis navibus (haud parvum momen-
tum ad opem ferendam sociis) obpressisset;
Vixdum pace facta, nuncius regi venit, Ro-
manos Dyrrachium venisse: Parthinosque &
propinquas alias gentes motas esse ad spem
novandi res: Dimallumque obpugnari. Eo se-
verterant Romani ab Ætolorum, quo missi
erant, auxilio, irati, quod sine auctoritate
sua adversus foedus cum rege pacem fecissent.
Ea quum audisset Philippus, ne qui motus
major in finitimis gentibus populisque ori-
etur, magnis itineribus Apolloniam contendit,
quo Sempronius se receperat, missio Lætorio
legato cum parte copiarum & quindecim na-
vibus in Ætoliam, & ad vitendas res, pacem-
que, si posset, turbandam. Philippus agros
Apolloniatum vastavit, &, ad urbem admo-
tis copiis, potestatem pugnæ Romano fecit.
Quem postquam quietum muros tantummodo

U. c. 547. tueri vidit , nec satis fidens viribus , ut ur-
a. C. 205. bem obpugnaret , & cum Romanis quoque ,
 sicut cum Aetolis , cupiens pacem , si posset :
 si minus , inducias facere , nihil ultra irritatis
^{Iremque}
Romanis. novo certamine odiis , in regnum se
 recepit . Per idem tempus , tædio diutini belli ,
 Epirotæ , tentata prius Romanorum voluntate ,
 legatos de pace communi ad Philippum misere ;
 satis confidere , conventuram eam , adfirman-
 tes , si ad conloquium cum P. Sempronio
 imperatore Romano venisset . Facile inpetra-
 tum , (neque enim ne ipsius quidem regis
 abhorrebat animus) ut in Epirum transiret .
 Phœnice urbs est Epiri : ibi prius conlocutus
 rex cum Aëropo (k) , & Darda , & Phi-
 lippo Epirotarum prætoribus , postea cum P.
 Sempronio congregitur . Adfuit conloquio &
 Amynander Athamanum rex , & magistratus
 alii Epirotarum & Acarnanum . Primus Phi-
 lippus prætor verba fecit , & petiti simul ab
 rege & ab imperatore Romano , ut finem
 belli facerent , darentque eam Epirotis veniam .
 P. Sempronius conditiones pacis dixit , ut
 Parthini , & Dimallum , & Bargulum , &
 Eugenium Romanorum essent . Atintania , si-
 missis Romam legatis , ab senatu inpetrasset ,

(k) Eropo Gron. Crev.

Ma-

LIBER XXIX CAP. XIII 33

Macedoni accederet. In eas conditiones quum *U. c. 547.
a. C. 205.* pax conveniret, ab rege foederi adscripti, Prusia Bithyniae rex, Achæi, Bœotii, Thessali, Acarnanes, Epirotæ: ab Romanis, Illyriis, Attalus rex, Pleuratus, Nabis Lacedæmoniorum tyrannus, Elei, Messenii, Athenienses. Hæc conscripta consignataque sunt, & in duos menses induciae factæ, donec Romanam mitterentur legati, ut populus in has conditiones pacem juberet. Jusseruntque omnes tribus: quia, verso in Africam bello, omnibus aliis in præsentia levari volebant bellis (*1*). P. Sempronius, pace facta, ad consulatum Romanum decessit.

XIII. P. SEMPRONIO, M. Cornelio confulibus (*m*) (quintusdecimus is annus Punici belli erat) provinciæ, Cornelio Etruria cum vetero exercitu, Sempronio Bruttii, ut novas scriberet legiones, decretæ. Prætoribus, M. Provinciæ, Marcio urbana, L. Scribonio Liboni peregrina, & eidem Gallia, M. Pomponio Mathoni Sicilia, Ti. Claudio Neroni Sardinia evenit. P. Scipioni cum eo exercitu, cum ea classe,

(1) bellis volebant Gron. Crev.

(m) M. Cornelio, P. Sempronio confulibus Gron. Crev.

V. c. 548. quam habebat, prorogatum in annum impe-
a. C. 204. rium est. Item P. Licinio, ut Bruttios cum
duabus legionibus obtineret, quoad eum in
provincia cum imperio morari consuli e re-
publica visum esset. Et M. Livio, & Sp.
Lucretio, cum binis legionibus, quibus ad-
versus Magonem Galliae præsidio fuissent,
prorogatum imperium est. Et Cn. Octavio,
ut, cum Sardiniam legionemque Ti. Claudio
tradidisset, ipse navibus longis quadraginta
maritimam oram, quibus finibus senatus cen-
suisset, tutaretur. M. Pomponio prætori in
Sicilia Cannensis exercitus duæ legiones de-
cretæ. T. Quintius Tarentum, C. Hostilius
Tubulus Capuam, proprætores, sicut priore
anno, cum vetere uterque præsidio, obti-
nerent. De Hispaniæ imperio, quos in eam
provinciam duos proconsules mitti placeret,
latum ad populum est. Omnes tribus eosdem,
L. Cornelium Lentulum & L. Manlium Aci-
dinum, proconsules, sicut priore anno tenuis-
sent, obtainere eas provincias jussierunt. Con-
sules delectum habere instituerunt, & ad no-
vas scribendas in Bruttios legiones, & in
ceterorum (ita enim jussi ab senatu erant)
exercituum supplementum,

LIBER XXIX CAP. XIV 35

XIV. QUAMQUAM nondum aperte Africa *U. c. 548^a*
a. C. 204^a
provincia decreta erat, (occultantibus id, Carthaginenses) tamen in eam spem erecta ci-
vitas erat, in Africa eo anno debellatum iri,
finemque bello Punico adesse. Impleverat ea
res superstitionum animos, pronique & ad
nuncianda, & ad credenda prodigia erant: eo *Prodigia.*
plura vulgabantur. « Duos soles visos : &
» nocte interluxisse : & facem Setiae ab ortu
» solis ad occidentem porrigi visam. Tarraci-
» næ portam, Anagniae & portam & multis
» locis murum de cœlo taetum. In æde Juno-
» nis Sospitæ Lanuvii cum horrendo fragore
» strepitum editum. » Eorum procurandorum
causa diem unum supplicatio fuit: & novem-
diale sacrum, quod de cœlo lapidatum esset,
factum. Eo accessit consultatio de matre Idaea
accienda, quam præterquam quod M. Vale-
rius, unus ex legatis prægressus, actutum
in Italia fore nunciaverat, recens nuncius
aderat, Tarracinæ jam esse. Haud parvæ rei
judicium senatum tenebat, qui vir optimus
in civitate esset. Veram certe victoriam ejus
rei sibi quisque mallet, quam ulla imperia

(n) *rescirent Gron.*

C 2

*D. c. 548.
a. C. 204.* honoresve, suffragio seu Patrum, seu plebis

*P. Scipio
judicatus
vir
optimus.* delatos. P. Scipionem, Cn. filium, ejus qui in Hispania ceciderat, adolescentem nondum quæstorium, judicaverunt in tota civitate virum honorum optimum esse. Id quibus virtutibus induiti ita judicarint, sicut proditum

a proximis memoriæ temporum illorum scriptoribus libens posteris traderem; ita meas opiniones, conjectando rem vetustate obrutam, non interponam. P. Cornelius cum omnibus matronis Ostiam ire jussus obviam

*Obviam it
Matri*

*Deum cum
Matronis.*

Deæ, isque eam de nave accipere, & in terram elatam tradere ferendam matronis. Postquam navis ad ostium amnis Tiberini accessit (*o*), sicut erat jussus, in salum nave evectus, ab sacerdotibus Deam accepit, extulitque in terram. Matronæ primores civitatis, inter quas unius Claudiæ Quintæ insigne est nomen, accepere: cui dubia (ut traditur) antea fama clariorem ad posteros tam religioso ministerio pudicitiam fecit. Eæ per manus, succedentes deinceps aliæ aliis, omni effusa civitate obviam, thuribulis ante januas positis, qua præferebatur, atque accenso (*p*)

(*o*) accessisset Gron.

(*p*) incenso Gron. Crev.

thure, precantibus, ut volens propitiaque *U. e. 548^a*
a. C. 204^b
 urbem Romanam iniret, in ædem victoriæ,
 quæ est in Palatio, pertulere Deam pridie
 Idus Aprilis; isque dies festus fuit. Populus
 frequens dona Deæ in Palatium tulit, leſti-
 sterniumque & ludi fuere, Megalesia adpellata. *Megalesias*

XV. QUUM de supplemento legionum,
 quæ in provinciis erant, ageretur; « tempus
 » esse, » a quibusdam senatoribus subiectum
 est, « quæ dubiis in rebus utcumque tole-
 » rata essent, ea, demto jam tandem Deum
 » benignitate metu, non ultra pati. » Erectis
 exspectatione Patribus, subjecerunt: « colo-
 » nias Latinas duodecim, quæ Q. Fabio &
 » Q. Fulvio consulibus abnuissent milites
 » dare, eas annum jam ferme sextum vaca-
 » tionem militiæ, quasi honoris & beneficij
 » causa, habere: quum interim boni obe-
 » dientesque socii, pro fide atque obsequio
 » in populum Romanum (*q*), continua om-
 » nium annorum delectibus exhausti essent. »
 Sub hanc vocem non memoria magis Pa-
 tribus renovata rei prope jam oblitteratæ,
 quam ira inritata est. Itaque, nihil prius re-
 ferre consules passi, decreverunt, « ut con-

(*q*) *in populum Romanum l. imperii Romani Gron.*

U. e. 548. » fules magistratus denosque principes Nepes
 a. C. 205. » te, Sutrio, Ardea, Calibus, Alba, Car.
 S. C. de
coloniis » feolis, Sora, Sueffa, Setia, Circeiis, Nar.
 quæ milites » nia, Interamna, [eæ namque coloniæ in
 non
dederant. » ea caufa erant] Romam excirent : iis im-
 » perarent, quantum quæque earum colonia-
 » rum militum plurimum dedisset populo
 » Romano, ex quo hostes in Italia essent,
 » duplicatum ejus summæ numerum peditum
 » daret, & equites centenos vicenos. Si qua
 » eum numerum equitum explere non posset,
 » pro equite uno tres pedites liceret dare :
 » pedites equitesque quam locupletissimi le-
 » gerentur, mitterenturque, ubicumque ex-
 » tra Italianam supplemento opus esset. Si qui
 » ex iis recusarent, retineri ejus coloniæ
 » magistratus legatosque placere : neque, si
 » postularent, senatum dari, priusquam impe-
 » rata fecissent. Stipendium præterea iis co-
 » loniis in millia æris asses singulos imperari
 » exigique quotannis : censumque in iis co-
 » loniis agi ex formula ab Romanis censori-
 » bus data. Dari autem placere eamdem, quam
 » populo Romano : deferrique Romam ab
 » juratis censoribus coloniarum, priusquam
 » magistratu abirent. » Ex hoc senatuscon-

fulto, ad citis Romam magistratibus primori- U. c. 548^a
a. C. 204.
 busque earum coloniarum, consules quum
 militem stipendiumque imperassent, alii aliis
 magis recusare ac reclamare : negare « tan-
 » tum militum effici posse : vix, si simplum
 » ex formula imperetur, enifuros. » Orare
 atque obsecrare, « ut sibi, senatum adire ac
 » deprecari liceret. Nihil se, quare perire
 » merito deberent, admisisse : sed, si pereun-
 » dum etiam foret, neque suum delictum,
 » neque iram populi Romani, ut plus mili-
 » litum darent, quam haberent, posse effice-
 » re. » Consules obstinati manere legatos
 Romæ jubent; magistratus ire domos ad de-
 lectus habendos. Nisi summa militum, quæ
 imperata esset, Romam adducta, neminem iis
 senatum daturum. Ita præcisa spe senatum
 adeundi deprecandique, delectus in iis duo-
 decim coloniis, per longam vacationem nu-
 mero juniorum aucto, haud difficulter est
 perfectus.

XVI. ALTERA item (r) res, prope æque
 longo neglecta silentio, relata a M. Valerio
 Lævino est. Qui, « privatis conlatas pecu-
 » nias, se ac M. Claudio consulibus, reddi

*privatis
jubetur
reddi
conlatas
pecunias*

(r) *itidem Gron. Crev.*

V. e. 548. » tandem , æquum esse dixit. » Nec mirari
a. C. 204. » quemquam debere , in publica obligata fide
» suam præcipuam curam esse. Nam , præter-
» quam quod aliquid proprie ad consulem ejus
» anni , quo conlatæ pecuniæ essent , perti-
» neret , etiam se auctorem ita conferendi
» fuisse , inopi ærario , nec plebe ad tributum
» subficiente. » Grata ea Patribus admonitio-
fuit : jussisque referre consulibus , decreve-
runt , « ut tribus pensionibus ea pecunia sol-
» veretur : primam præsentem ii , qui tum
» essent , duas tertii & quinti consules nu-
» merarent. » Omnes deinde alias curas una
occupavit , postquam Locrensum clades , quæ
ignoratæ ad eam diem fuerant , legatorum
adventu vulgatae sunt. Nec tam Q. Pleminii
scelus , quam Scipionis in eo aut ambitio
aut neglegentia iras hominum irritavit. De-
cem legati Locrensum , obsiti squalore &
fordibus , in comitio sedentibus consulibus
velamenta supplicum , ramos oleæ , (ut Græ-
cis mos est) porrigentes , ante tribunal cum
flebili vociferatione humili procubuerunt. Quæ-
rentibus consulibus « Locrenses se dixerunt
» esse , ea passos a Q. Plemino legato Ro-
» manisque militibus , quæ pati ne Carthagi-

*Locren-
sum
Legati.*

LIBER XXIX CAP. XVII 41

» nientes quidem velit populus Romanus. *U. c. 548.*
» Rogare, ut sibi Patres adeundi, deploran- *a. C. 20.*
» dique ærumnas suas potestatem facerent. »

XVII. SENATU dato, maximus natu ex iis:
« Scio (s), quantum æstimentur nostræ apud
» vos querelæ, Patres conscripti, plurimum
» in eo momenti esse, si probe sciatis, &
» quomodo proditi Locri Hannibali sint, &
» quomodo, pulso Hannibalis præsidio, resti-
» tuti in ditionem vestram. Quippe si & culpa
» defectionis procul a publico confilio absit,
» & redditum in vestram ditionem adpareat,
» non voluntate solum, sed ope etiam ac
» virtute nostra; magis indignemini, bonis
» ac fidelibus sociis tam atroces atque indignas
» injurias ab legato vestro militibusque fieri.
» Sed ego caussam utriusque defectionis nostræ
» in aliud tempus differendam arbitror esse,
» duarum rerum gratia: unius, ut coram P.
» Scipione, qui Locros recepit, omnium no-
» bis recte perperamque factorum testis, aga-
» tur; alterius, quod, qualescumque sumus,
» tamen hæc, quæ passi sumus, pati non de-
» buimus. Non possumus dissimulare, Patres
» conscripti, nos, quum præsidium Punicum

*Eorum
oratio
deploran-
tium
fortunas
suas.*

(s) infer. inquit Gron. Crev.

U. c. 548. » in arce nostra haberemus , multa fœda &
a. C. 204. » indigna , & a præfecto præsidii Hamilcare,
 » & ab Numidis Afrisque passos esse. Sed quid
 » illa sunt , conlata cum iis , quæ hodie pa-
 » timur ? Cum bona venia , quæso , audiatis ,
 » Patres conscripti , id , quod invitus dicam .
 » In discrimine est nunc humanum omne ge-
 » nus , utrum vos , an Carthaginenses prin-
 » cipes terrarum (t) videat . Si ex iis , quæ
 » Locrenses aut ab illis passi sumus , aut a
 » vestro præsidio nunc quum maxime pati-
 » mur , æstimandum Romanum ac Punicum
 » imperium sit ; nemo non illos sibi , quam
 » vos , dominos præoptet . Et tamen videte ,
 » quemadmodum Locrenses in vos animati sint .
 » Quum a Carthaginensibus injurias tanto mi-
 » nores acciperemus , ad vestrum imperatorem
 » confugimus : quum a vestro præsidio plus-
 » quam hostilia patiamur , nusquam alio , quam
 » ad vos , querelas detulimus . Aut vos respicie-
 » tis perditas res nostras , Patres conscripti ,
 » aut ne ab Diis quidem immortalibus quod
 Pleminius » precemur , quidquam supereft . Q. Pleminius
 homo » legatus missus est cum præsidio ad reci-
 sceleratus. » piendos a Carthaginensibus Locros , & cum

(t) terrarum l. orbis terrarum Gron. Crev.

LIBER XXIX CAP. XVII 43

» eodem ibi relictus est præsidio. In hoc le- *U. c. 548.*
» gato vestro (dant enim animum ad loquen- *a. C. 204.*
» dum libere ultimæ miseriæ) nec hominis
» quidquam est, Patres conscripti, præter
» figuram & speciem; neque Romani civis,
» præter habitum, vestitumque, & sonum
» Latinæ linguæ. Pestis ac bellua inmanis,
» quales fretum quondam, quo ab Sicilia di-
» vidimur, ad perniciem navigantium circum-
» sedisse fabulæ ferunt. At si scelus, libidi-
» nemque, & avaritiam solus ipse exercere
» in socios vestros satis haberet, unam pro-
» fundam quidem voraginem tamen patientia
» nostra exploreremus. Nunc omnes centurio-
» nes militesque vestros (adeo in promiscuo
» licentiam atque improbitatem esse voluit)
» Pleminios fecit: omnes rapiunt, spoliant,
» verberant, vulnerant, occidunt: conflu-
» prant matronas, virgines, ingenuos, rap-
» tos ex complexu parentum. Quotidie capi-
» pitur urbs nostra, quotidie diripitur; dies
» noctesque omnia passim mulierum puerorum.
» que, qui rapiuntur atque asportantur, plo-
» ratibus sonant. Miretur, qui sciatur, quomodo
» aut nos ad patiendum subficiamus, aut illos,
» qui faciunt, nondum tantarum injuriarum

U. c. 548. "satietas ceperit. Neque ego exsequi possum;
s. C. 204. "nec vobis operae est audire singula, quae
"passi sumus. Communiter omnia amplectar.
"Nego domum ullam Locris; nego quem-
"quam hominem expertem injuriae esse; ne-
"go ullum genus sceleris, libidinis, avaritiae
"superesse, quod in ullo, qui pati potuerit,
"prætermissum sit. Vix ratio iniri potest,
"uter casus civitatis sit detestabilior, quum
"hostes bello urbem cepere, an quum exi-
"tiabilis tyrannus vi atque armis obpres-
"sit. Omnia, quae captæ urbes patientur,
"passi sumus, & quum maxime patimur, Pa-
"tres conscripti; omnia, quae crudelissimi
"atque importunissimi tyranni scelera in ob-
"pressos cives edunt, Pleminius in nos, libe-
"rosque nostros, & conjuges, edidit. "

XVIII. UNUM est, de quo nominatim & nos
"queri religio infixa animis cogat, & vos
"audire; & exsolvere rempublicam vestram
"religione, si ita vobis videbitur, velimus,
"Patres conscripti. Vidimus enim, cum quanta
"ceremonia non vestros solum colatis Deos,
"sed etiam externos accipiatis. Fanum est
"apud nos Proserpinæ, de cuius sanctitate
"templi credo aliquam famam ad vos perve-

LIBER XXIX CAP. XVIII 45

» nisse Pyrrhi bello : qui quum , ex Sicilia *U. 6. 548.*
» rediens , Locros classe prætervehetur , *a. C. 204.*
» inter alia fœda , quæ propter fidem erga
» vos in civitatem nostram facinora edidit ,
» thesauros quoque Proserpinæ , intactos ad
» eam dicm , spoliavit : atque ita , pecunia
» in naves inposita , ipse terra est profectus .
» Quid ergo evenit , Patres conscripti ? Clas-
» sis postero die fœdissima tempestate lacerata ,
» omnesque naves , quæ sacram pecuniam ha-
» buerunt , in litora nostra ejectæ sunt . Qua
» tanta clade edocetus tandem Deos esse super-
» bissimus rex , pecuniam omnem conquisitam
» in thesauros Proserpinæ referri jussit . Nec
» tamen illi umquam postea prosperi quid-
» quam evenit : pulsusque Italia , ignobili
» atque inhonesta morte , temere nocte in-
» gressus Argos , obcubuit . Hæc quum au-
» disset legatus vester , tribunique militum ,
» & mille alia , quæ non augendæ religionis
» cauffa , sed præsentis Deæ numine sæpe
» comperta nobis majoribusque nostris , refe-
» rebantur ; ausi sunt nihilominus sacrilegas
» admovere manus intactis illis thesauris , &
» nefanda præda se ipsos ac domos contami-
» nare suas & milites vestros . Quibus , per ,

U. c. 548. "vos , fidem vestram , Patres conscripti ,
a. C. 204. " priusquam eorum scelus expietis , neque in
" Italia , neque in Africa quidquam rei gesse-
" ritis ; ne , quod piaculum commiserunt , non
" suo solum sanguine , sed etiam publica clade
" luant . Quamquam ne nunc quidem , Patres
" conscripti , aut in ducibus , aut in militibus
" vestris cessat ira Deæ . Aliquoties jam inter
" se signis conlatis concucurrerunt (u) . Dux
" alterius partis Pleminius , alterius duo tri-
" buni militum erant : non acrius cum Car-
" thaginiensibus , quam inter se ipsi , ferro
" dimicaverunt . Præbuissentque occasionem
" furore suo Locros recipiendi Hannibali , ni
" adcirca ab nobis Scipio intervenisset . At ,
" Hercule , milites contactos sacrilegio furor
" agitat : in ducibus ipsis puniendis nullum
" Deæ numen adparuit ? Immo ibi præfens
" maxime fuit . Virgis cæsi tribuni ab legato
" sunt . Legatus deinde insidiis tribunorum
" interceptus , præterquam quod toto corpore
" laceratus , naso quoque auribusque decisis ,
" exsanguis est relicitus : recreatus deinde
" legatus ex vulneribus , tribunos militum in
" vincula conjectos , dein verberatos , servili-
" busque omnibus suppliciis cruciatos truci-
(u) concurrerunt Gron. Crev.

LIBER XXIX CAP. XVIII 47

» dando occidit ; mortuos deinde prohibuit *U. c. 548.*
» sepeliri. Has Dea pœnas a templi sui spo- *a. C. 204.*
» liatoribus habet : nec ante definet omnibus
» eos agitare furiis , quam deposita sacra pe-
» cunia in thesauris fuerit. Majores quondam
» nostri , gravi Crotoniensium bello , quia
» extra urbem templum est , transferre in ur-
» bem eam pecuniam voluerunt. Noctu au-
» dita ex delubro vox est , abstinerent ma-
» nus : Deam sua templa defensuram. Quia
» movendi inde thesauros incussa erat reli-
» gio , muro circumdare templum voluerunt;
» Ad aliquantum jam altitudinis excitata erant
» moenia , quum subito conlapsa ruina sunt.
» Sed & nunc , & saepe alias Dea suam sedem ,
» suumque templum aut tutata est , aut a vio-
» latoribus gravia piacula exegit. Nostras in-
» jurias nec potest , nec possit aliis ulcisci ,
» quam vos , Patres conscripti. Ad vos vestram-
» que fidem supplices confugimus. Nihil nostra
» interest , utrum sub illo legato (v) , sub
» illo præsidio Locros esse finatis , an irato
» Hannibali & Poenis ad supplicium dedatis .
» Non postulamus , ut extemplo nobis , ut de
» absente , ut indicta causa credatis. Veniat ,

(v) sub illo legato del. Gron.

U. c. 548. » coram ipse audiat, ipse diluat. Si quidquam
a. C. 204. » sceleris, quod homo in homines ederé po-
 » test, in nos prætermisit; non recusamus,
 » quin & nos omnia eadem iterum, si pati
 » possumus, patiamur; & ille omni divino
 » humanoque liberetur scelere.»

XIX. HÆC quum ab legatis dicta essent, quæsissetque ab iis Q. Fabius, detulissentne eas querelas ad P. Scipionem; responderunt, « missos legatos esse, sed eum bellum adparatu occupatum esse: & in Africam aut jam trajecisse, aut intra paucos dies trajecturum. » Et, legati gratia quanta esset apud imperatorem, expertos esse: quum, inter eum & tribunos cognita caussa, tribunos in vincula conjecterit; legatum æque fontem, aut magis etiam, in ea potestate reliquerit. »

Jussis excedere e templo legatis, non Pleminius modo, sed etiam Scipio, principum orationibus lacerari. Ante omnes Q. Fabius,

Fabii sententia atrox in Scipionem. natum eum ad conrumpendam disciplinam militarem, arguere. « Sic & in Hispania plus prope per seditionem militum, quam bello, amissum. Extero & regio more & indul gere licentiae militum, & favire in eos. » Sententiam deinde æque trucem orationi ad-

jecit.

LIBER XXIX CAP. XIX 49

jecit. « Pleminium legatum vinclum Romam
» deportari placere; & ex vinculis caussam
» dicere: ac, si vera forent, quæ Locrenses
» quererentur, in carcere necari, bonaque
» ejus publicari. P. Scipionem, quod de pro-
» vincia deceperisset in iustu senatus, revocari:
» agique cum tribunis plebis, ut de imperio
» ejus abrogando ferrent ad populum. Locren-
» sibus coram senatum respondere; Quas
» injurias sibi factas quererentur, eas neque
» senatum, neque populum Romanum factas
» velle. Viros bonos, sociosque, & amicos
» eos adpellari: liberos, conjuges, quæque
» alia erupta essent, restitu: pecuniam, quanti-
» ta ex thesauris Proserpinæ sublata esset;
» conquiri, duplamine pecuniam in thesauros
» reponi: & sacrum piaculare fieri, ita ut
» prius ad collegium pontificum referretur;
» quod sacri thesauri moti, violati essent,
» quæ piacula, quibus Diis, quibus hostiis,
» fieri placeret. Milites, qui Locris essent,
» omnes in Siciliam transportari: quatuor
» cohortes sociorum Latini nominis in præ-
» fidium Locros adduci. » Perrogari eo die
» sententiæ, accensis studiis pro Scipione &
adversus Scipionem, non potuere. Præter

U. a. 548.

a. C. 2046

*U. e. 548.
a. C. 204.*

*Objēctus
Scipioni
cultus
licentior.*

Pleminii facinus Locrensumque cladem, ipsius etiam imperatoris non Romanus modo, sed ne militaris quidem cultus ja&tabatur : « cum » pallio crepidisque inambulare in gymnasio, » libellis eum palæstræque operam dare : » æque segniter molliterque cohortem totam » Syracusarum amoenitate frui : Carthaginem » atque Hannibalem excidisse de memoria : » exercitum omnem licentia corruptum, qua- » lis Sucrone in Hispania fuerit, qualis nunc » Locris, sociis magis, quam hosti, metuen- » dum. »

*Metelli
sententia
de
Scipione.*

XX. HÆC quamquam partim vera, partim mixta, eoque similia veris ja&tabantur, vicit tamen Q. Metelli sententia : qui, de ceteris Maximo ad sensus, de Scipionis causa dissensit. « Qui enim convenire, quem modo ci- » vitas juvenem admodum (x) recuperandæ » Hispaniæ delegerit ducem, quem, recepta » ab hostibus Hispania, ad inponendum Pu- » nico bello finem creaverit consulem, spe » destinaverit Hannibalem ex Italia detractu- » rum, Africam subacturum, eum repente, » tamquam Q. Pleminium, indicta causa pro- » pe damnatum, ex provincia revocari : quum

(x) admodum, unum Gron. Crev.

LIBER XXIX CAP. XX 51

„ ea , quæ in se nefarie facta Locrenses que- U. c. 548.
„ rentur , ne præsente quidem Scipione a. C. 204⁴
„ facta dicerent , neque aliud , quam patien-
„ tia , aut pudor , quod legato pepercisset
„ insimulari posuit ? Sibi placere , M. Pompo-
„ nium prætorem , cui Sicilia provincia forte
„ evenisset , triduo proximo in provinciam
„ præfici : consules decem legatos , quos
„ iis videretur , ex senatu legere , quos
„ cum prætore mitterent , & duos tribunos
„ plebei (y) atque ædilem . Cum eo confi-
„ lio prætorem cognoscere . Si ea , quæ Lo-
„ crenses facta quererentur , jussu aut volun-
„ tate P. Scipionis facta essent , ut eum de
„ provincia decidere juberent . Si P. Scipio jam
„ in Africam trajecisset , tribuni plebis atque
„ ædilis cum duobus legatis , quos maxime
„ prætor idoneos censuisset , in Africam pro-
„ ficerentur : tribuni atque ædilis , qui re-
„ ducerent inde Scipionem : legati , qui exer-
„ citui præfissent , donec novus imperator ad
„ eum exercitum venisset . Sin M. Pomponius
„ & decem legati comperissent , neque jussu ,
„ neque voluntate P. Scipionis ea facta esse ,
„ ut ad exercitum Scipio maneret , bellumque ,

(y) plebis Crev.

D 2

V. c. 548. »ut proposuisset, gereret.» Hoc factō senātū
a. C. 204. tusconsulto, cum tribunis plebis actum est,
 ut compararent inter se, aut forte legerent,
 qui duo cum prætore ac legatis irent. Ad
 collegium pontificum relatum de expiandis,
 quæ Locris in templo Proserpinæ tacta, vio-
 lata, elataque inde essent. Tribuni plebis cum
 prætore & decem legatis profecti M. Claudius
 Marcellus & M. Cincius Alimentus : iis
 ædilis plebis datus, quem, si aut in Sicilia
 prætori dicto audiens non esset Scipio, aut
 jam in Africam trajecisset, prendere tribuni
 juberent, ac jure sacrosanctæ potestatis re-
 ducerent. Prius Locros ire, quam Messanam,
 consilium erat.

XXI. CETERUM duplex fama est, quod ad
 Pleminium adtinet. Alii, auditis, quæ Romæ
 acta essent, in exsiliū Neapolim euntem
 forte in Q. Metellum, unum ex legatis,
 incidisse, & ab eo Rhegium vi retractum
 tradunt: alii, ab ipso Scipione legatum cum
 triginta nobilissimis equitum missum, qui

*Pleminius
 in vincula
 conjectus.* Q. Pleminium in catenas, & cum eo seditio-
 nis principes, conjicerent. Il omnes, seu
 ante Scipionis, seu tum prætoris jussu, tra-
 diti in custodiā Reginis. Prætor legatique

LIBER XXIX CAP. XXI 55

Locros profecti primam , sicuti mandatum *U. c. 548.*
erat , religionis curam habuere. Omnem *a. C. 204.*
enim sacram pecuniam , quæque apud Ple-
minium , quæque apud milites erat , conquisi-
tam , cum ea quam ipsi fecum adulterant ,
in thesauris reposuerunt , ac piaculare sacrum
fecerunt. Tum vocatos ad concionem milites
prætor signa extra urbem efferre jubet , castra-
que in campo locat , cum gravi edicto , « Si
» quis miles aut in urbe restitisset , aut se-
» cum extulisset , quod suum non esset. Lo-
» crenibus se permittere , ut , quod sui quis-
» que cognosset , prehenderet ; si quid non
» compareret , repeteret. Ante omnia , libera-
» corpora placere sine mora Locrenibus resti-
» tui : non levi defunctorum poena , qui non
» restituisset. » Locrensum deinde concio-
nen habuit , atque , « iis libertatem legesque
» suas populum Romanum senatumque resti-
» tuere , » dixit. « Si qui Pleminium aliumve
» quem accusare vellet , Rhenum se sequere-
» tur. Si de P. Scipione publice queri vel-
» lent , ea , quæ Locris nefarie in Deos ho-
» minesque facta essent , jussu aut voluntate
» P. Scipionis facta esse , legatos mitterent
» Messanam ; ibi se cum consilio cognitum . »

U. e. 548.
 c. C. 204.
 Locrenses
 nolunt
 Scipionem
 accusare.

Locrenses prætori legatisque, & tenatui ac
 populo Romano gratias egere: « se ad Ple-
 » minum accusandum ipuros. Scipionem,
 » quamquam parum injuriis civitatis suæ do-
 » luerit, eum esse virum, quem amicum sibi,
 » quam inimicum, malint esse. Pro certo se
 » habere, neque jussu, neque voluntate P.
 » Scipionis tot tam nefanda commissa: aut
 » Pleminio nimium, aut sibi parum creditum,
 » Natura insitum quibusdam esse, ut magis
 » peccari nolint, quam satis animi ad vindi-
 » canda peccata habeant. » Et prætori & con-
 filio haud mediocre onus demum erat de
 Scipione cognoscendi. Pleminium, & ad duo
 & triginta homines cum eo damnaverunt,
 atque in catenis Romanam miserunt: ipsi ad
 Scipionem profecti sunt, ut ea quoque, quæ
 vulgata sermonibus erant de cultu ac desidia
 Imperatoris solutaque militiae disciplina, com-
 peria oculis perferrent Romanum.

Scipio res,
 non verba,
 ad purgan-
 dum se pa-
 ras.

XXII. VENIENTIBUS eis Syracusas, Scipio
 res, non verba, ad purgandum sese paravit.
 Exercitum omnem eo convenire, classem
 expediti jussit, tamquam dimicandum eo die
 terra marique cum Carthaginiensibus esset,
 Quo die venerunt, hospitio comiter acceptis

LIBER XXIX CAP. XXII 55

postero die terrestrem navalemque exercitus, *U. c. 548.
a. C. 204.*
non instructos modo, sed hos decurrentes,
classem in portu, simulacrum & ipsam eden-
tem navalis pugnæ, ostendit : tum circa ar-
mamentaria & horrea aliumque belli adpara-
tum visendum prætor legatique duci. Tanta-
que admiratio singularum universarumque re-
rum incussa, ut satis crederent, aut illo duce
atque exercitu vinci Carthaginensem popu-
lum, aut nullo alio posse ; juberentque, quod
Dii bene verterent, trajicere, & spei con-
ceptæ, quo die illum omnes centuriæ prio-
rem consulem dixissent, primo quoque tem-
pore compotem populum Romanum facere :
adeoque lætis inde animis profecti sunt,
tamquam victoriam, non belli magnificum
adparatum, nunciaturi Romam essent. Plemi-
nius, quiq[ue] in eadem caussa erant, postquam
Romam est ventum, extemplo in carcerem
conditi, ac primo produceti ad populum ab
tribunis, apud præoccupatos Locrensum cla-
de animos, nullum misericordiae locum ha-
buerunt. Postea, quum saepius producerentur,
jam senescente invidia, molliebantur iræ :
& ipsa deformitas Pleminii memoriaque ab-
sentis Scipionis favorem ad vulgum concilia-
Pleminius
in vinculis
moritur.

*V. e. 548.
a. C. 204.* bat. Mortuus tamen prius in vinculis est ; quam judicium de eo populi perficeretur. Hunc Pleminium Clodius Licinius in libro tertio rerum Romanarum refert , Iudis votivis , quos Romæ Africanus iterum consul faciebat , conatum per quosdam , quos pretio conruperat , aliquot locis urbem incendere , ut frangendi carceris fugiendique haberet occasionem . Patesfacto dein scelere , delegatum in Tullianum ex senatusconsulto . De Scipione nusquam , nisi in senatu , actum . Ubi omnes legatique & tribuni , classem eam , exercitum , ducemque verbis extollentes , effecerunt , ut senatus censeret , primo quoque tempore in Africam trajiciendum ; Scipionique permittereatur , ut ex iis exercitibus , qui in Sicilia essent , ipse legeret , quos in Africam secum trajiceret , quos provinciae relinquaret praefidio .

XIII. DUM hæc apud Romanos geruntur , Carthaginenses quoque , quum , speculis per promontoria omnia positis , percunctantes paventesque ad singulos nuncios sollicitam hiemem egissent , haud parvum & ipsi tuenda Africæ momentum adjecerunt societatem Syphacis regis , cūjus maxime fiducia trajectu-

rum in Africam Romanum crediderunt. Erat *U. c. 548.
a. C. 204.* Hasdrubali Gisgonis filio non hospitium modo cum rege, de quo ante dictum est, quum ex Hispania forte in idem tempus Scipio atque Hasdrubal convenerunt : sed mentio quoque inchoata adfinitatis , ut rex duceret filiam Hasdrubalis. Ad eam rem consummandam *Syphax
ducit
filiam Has-
drubalis.* tempusque nuptiis statuendum (jam enim & nubilis erat virgo) profectus Hasdrubal , ut accensum cupiditate (& sunt ante omnes Numidæ barbaros effusi in Venerem) sensit , virginem ab Carthagine arcessit , maturatque nuptias : & inter aliam grätulationem , ut publicum quoque fœdus privato adjiceretur , societas inter populum Carthaginensem regemque , data ultiro citroque fide , eosdem amicos inimicosque habituros , jurejurando adfirmatur. Ceterum Hasdrubal , memor & cum Scipione initæ regi societatis , & quam vana & mutabilia barbarorum ingenia essent , veritus , ne , si trajiceret in Africam Scipio , parvum vinculum eæ nuptiæ essent , dum accensum recenti amore Numidam habet ; perpellit , blanditiis quoque puellæ adhibitis , ut legatos in Siciliam ad Scipionem mittat , per quos moneat eum , « Ne prioribus suis

U. c. 548. » promissis fretus in Africam trajiciat. Se &
 a. C. 204. » nuptiis civis Carthaginensis , filiae Hasdrubal
^{Scipioni}
^{amicitiam}
^{renunciat.} » balis , quem viderit apud se in hospitio , &
 » publico etiam foedere cum populo Carthaginiensi junctum. Optare (b) primum , ut
 » procul ab Africa , sicut adhuc fecerint , bellum Romani cum Carthaginensibus gerant ,
 » ne sibi interesse certaminibus eorum , armaque
 » aut hæc , aut illa , abuentem alteram so-
 » cietatem , sequi necesse sit. Si non abstineat
 » Africa Scipio , & Carthagini exercitum ad-
 » moveat , sibi necessarium fore , & pro terra
 » Africa , in qua & ipse fit genitus , & pro
 » patria conjugis suæ , proque parente ac pe-
 » natibus dimicare . »

XXIV. CUM his mandatis ab rege legati
 ad Scipionem missi , Syracusis eum convene-
 runt. Scipio , quamquam magno momento
 rerum in Africa gerendarum magnaue spe
 destitutus erat , legatis propere , priusquam
 res vulgaretur , remissis in Africam , literas
 dat ad regem , quibus etiam atque etiam mo-
 net eum , « Ne jura hospitii secum , neu cum
 » populo Romano initæ societatis , neu fas ,
 » fidem , dextræ , Deos testes atque arbitros

(b) *Hortari Gron.*

LIBER XXIX CAP. XXIV 59

» conventorum, fallat. » Ceterum, quando
neque celari adventus Numidarum poterat,
(vagati enim in urbe, obversatique prætorio
erant) &, si fileretur, quid petentes venis-
sent, periculum erat, ne vera eo ipso, quod
celarentur, sua sponte magis emanarent, ti-
morque in exercitum (c) incideret, ne simul
cum rege & Carthaginensibus foret bellan-
dum , avertit a vero falsis præoccupando
mentes hominum. Et , vocatis ad concionem
militibus , « Non ultra esse cunctandum [ait].
» Instare , ut in Africam quamprimum traji-
» ciat, socios reges. Masinissam prius ipsum ad
» Lælium venisse querentem , quod cunctando
» tempus tereretur. Nunc Syphacem mittere le-
» gatos, idem admirantem , quæ tam diuturnæ
» moræ sit caussa : postulantemque, ut aut tra-
» jiciatur tandem in Africam exercitus , aut , si
» mutata consilia sint , certior fiat, ut & ipse
» sibi ac regno suo possit consulere. Itaque ,
» paratis jam omnibus instruetisque , & re-
» jam non ultra recipiente cunctationem , in
» animo sibi esse , Lilybæum classe traducta ,
» eodemque omnibus peditum equitumque
» copiis contractis , quæ prima dies cursum

*U. c. 548.
a. C. 204.*

*Quam rem
sedulo dis-
simulat
apud mili-
tes Scipio.*

(c) exercitu Gran.

U. t. 548. "navibus daret, Deis bene juvantibus, in
a. C. 204. "Africam trajicere." Literas ad M. Pom-

It ponium mitit, ut, si ei videretur, Lilybæum
Lilybaum. veniret, ut communiter consulerent, quas
 potissimum legiones (*d*), & quantum militum
 numerum in Africam trajiceret. Item circum
 oram omnem maritimam misit, ut naves
 onerariæ comprehensæ Lilybæum omnes
 contraherentur. Quidquid militum navium-
 que in Sicilia erat, quum Lilybæum conve-
 nissent, & nec urbs multitudinem hominum,
 nec portus naves caperet, tantus omnibus
 ardor erat in Africam trajiciendi, ut non ad
 bellum duci viderentur, sed ad certa victo-
 riæ præmia. Præcipue, qui superabant ex
 Cannensi exercitu, milites, illo, non alio
 duce, credebant, navata reipublicæ opera,
 finire se militiam ignominiosam posse. Et
 Scipio minime id genus militum adsperraba-
 tur: ut qui neque ad Cannas ignavia eorum
 cladem acceptam sciret, neque ullos æque
 veteres milites in exercitu Romano esse, ex-
 pertosque non variis præliis modo, sed ur-
 bibus etiam obpugnandis. Quinta & sexta
 Cannenses erant legiones. Eas se trajecturum

(d) *legiones potissimum Gron. Crev.*

LIBER XXIX CAP. XXV 61

in Africam quum dixisset, singulos milites
inspexit: relictisque, quos non idoneos crea- U. c. 548^a
a. C. 204^b
debat, in locum eorum subjecit, quos secum
ex Italia adduxerat; supplevitque ita eas le-
giones, ut singulæ sena millia & ducentos
pedites, trécenos haberent equites: socio-
rum item Latini nominis pedites equitesque
de exercitu Cannensi legit.

XXV. QUANTUM militum in Africam trans-
portatum sit, non parvo numero inter auto-
res discrepat. Alibi decem millia peditum,
duo millia & ducentos equites; alibi sedecim
millia peditum, mille & sexcentos equites;
alibi parte plus dimidia rem auctam, quin-
que & triginta millia peditum equitumque
in naves inposita invenio. Quidam non adje-
cere numerum: inter quos me ipse in re
dubia ponи malim. Cœlius, ut abstinet nu-
mero, ita ad inmersum multitudinis speciem
auget. Volucres ad terram delapsas clamore
militum ait, tantamque multitudinem consen-
disse naves, ut nemo mortalium, aut in Ita-
lia, aut in Sicilia, relinqui videretur. Mili-
tes ut in naves ordine ac fine tumultu consen-
derent, ipse eam sibi curam sumfit. Nauticos
C. Lælius, qui classis præfetus erat, in na- Copie na-
ves con-
scendunt.

U. c. 548. *vibus*, ante consendere coactos, continuo
a. C. 204. Commeatus inponendi M. Pomponio prætori
cura data : quinque & quadraginta dierum
cibaria, e quibus quindecim dierum cocta,
inposita. Ut omnes jam in navibus erant,
scaphas circummisit, ut ex navibus gubernatoresque & magistri navium & bini milites
in forum convenirent ad imperia accipiendæ.
Postquam convenerunt, primum ab iis quæsivit, si aquam hominibus jumentisque in totidem dies, quot frumentum, inposuissent.
Ubi responderunt, aquam dierum quinque &
quadraginta in navibus esse ; tum edixit militibus, ut silentium quieti nautis sine certamine ad ministeria exsequenda bene obedientes præstarent : cum viginti rostratis se ac L. Scipionem ab dextro cornu, lævum totidem rostratas, & C. Lælium præfectum classis cum M. Porcio Catone (quæstor istum erat) onerariis futurum præsidio. Lumina in navibus singula rostratae, bina onerariæ haberent : in prætoria nave insigne nocturnum trium luminum fore. Emporia ut petarent, gubernatoribus edixit. Fertilissimus ager, eoque abundans omnium copia rerum est regio, & inbelles (quod plerumque in uberi

LIBER XXIX CAP. XXVI 63

(e) agro evenit, barbari sunt: priusque, *U. c. 548.*
quam Carthagine subveniretur, obprimi vide-
bantur posse. Iis editis imperiis, redire ad
naves jussi: & postero die, Deis bene juvan-
tibus, signo dato solvere naves.

a. C. 204.

XXVI. MULTÆ classes Romanæ e Sicilia
atque ipso illo portu profectæ erant. Cete-
rum non eo bello solum, (nec id mirum,
præ datum enim tantummodo pleræque classes
ierant) sed ne priore quidem, uilla profectio-
tanti spectaculi fuit. Quamquam si magnitu-
dine classis æstimaretur, & bini consules
cum binis exercitibus ante trajecerant; &
prope totidem rostræ in illis classibus fue-
rant, quot onerariis Scipio tum trajiciebat.
Nam, præter quadraginta (f) longas naves,
quadrincentis ferme onerariis exercitum trans-
vexit. Sed & bellum bello, secundum priore,
ut atrocius Romanis videretur, quum quod
in Italia bellabatur, tum ingentes strages tot
exercituum, simul cæsis ducibus, effecerant:
& Scipio dux, partim factis fortibus, par-
tim suapte fortuna quadam ingentis ad incre-
menta gloriæ celebratus, converterat animos;

*Classis
solvis.*

(e) ubere Gron. Crev.

(f) quinquaginta Gron. Crev.

*V. c. 548.
a. C. 204.* simul & mens ipsa trajiciendi, nulli ante eō
bello duci tentata, quod ad Hannibalem de-
trahendum ex Italia, transferendumque &
finiendum in Africā bellum, se transire vul-
gaverat. Concurrerat ad spectaculum in por-
tum omnis turba, non habitantium modo
Lilybæi, sed legationum omnium ex Sicilia:
quæ & ad prosequendum Scipionem officii
causæ converierant, & prætorem provinciæ
M. Pomponium secutæ fuerant. Ad hoc legio-
nes, quæ in Sicilia relinquebantur, ad pro-
sequendos commilitones processerant: nec
classis modo prospectantibus e terra, sed terra
etiam omnis circa referta turba spectaculo
navigantibus erat.

XXVII. UBI inluxit, Scipio e prætoria
*Scipionis
precatio:* nave, silentio per præconem facto, « Divi,
» Divæque [inquit] maria (g) terrasque qui
» colitis, vos precor quæsoque, uti, quæ in
» meo imperio gesta sunt, geruntur, postque
» gerentur, ea mihi, populo plebique Roma-
» næ, sociis nrominique Latino, qui populi
» Romani, quique meam sectam, imperium,
» auspiciumque terra, mari, amnibusque se-
» quuntur, bene verruncent: eaque vos om-
» nia bene juvetis: bonis austibus auxiris:

(g) qui maria Gron.

salvos

LIBER XXIX CAP. XXVII 65

» sa vos incolumesque victis perduellibus *U. c. 548^a*
» viatores, spoliis decoratos, præda onustos *a. C. 204.*
» triumphantesque, mecum domos reduces
» sistatis: inimicorum hostiumque ulciscendo-
» rum copiam faxitis: quæque populus Car-
» thaginiensis in civitatem nostram facere mo-
» litus est, ea ut mihi populoque Romano
» in civitatem Carthaginensium exempla
» edendi facultatem detis. » Secundum eæ
» preces cruda exta viæ, uti mos est (*h*),
» in mare porrict, tubaque signum dedit pro-
» fificandi. Vento secundo vehementi satis
» profecti, celeriter e conspectu terræ ablati
» sunt: & a meridie nebula occipit, ita ut
» vix concursus navium inter se vitarent. Lenior
» ventus in alto factus. Noctem in sequentem
» eadem caligo obtinuit: sole orto est discussa,
» & addita vis vento. Jam terram cernebant.
» Haud ita multo post gubernator Scipioni ait,
» non plus quinque millia passuum Africam
» abesse: Mercurii promontorium se cernere.
» Si jubeat eo dirigi, jam in portu fore om-
» nem classem. » Scipio, ut in conspectu terra
» fuit, precatus Deos, uti bono reipublicæ suo-
» que Africam viderit, dare vela, & alium infra

(h) *cruda exta, cæsa viæ, uti mos, in mare &c.*
Gron. Crev.

U. c. 54^{8.} navibus adcessum petere jubet. Vento eodem
a. C. 204 ferebantur. Ceterum nebula sub idem ferme
 tempus, quo pridie, exorta conspectum terræ
 ademit, & ventus premente nebula cecidit.
 Nox deinde incertiora omnia fecit. Itaque
 ancoras, ne aut inter se concurrerent naves,
 aut terræ inferrentur, jecere. Ubi inluxit,
 ventus idem coortus, nebula disjecta, aperuit
 omnia Africæ litora. Scipio, quod esset pro-
 ximum promontorium, percunctatus, quum
 Pulchri promontorium id vocari audisset,
 « Placet omen [inquit]; huc dirigithe naves. »

*Ad Pulchri
prom.
adpellit.*

Eo classis decurrit: copiæ omnes in terram
 expositæ sunt. Prosperam navigationem sine
 terrore ac tumultu fuisse, permultis Græcis
 Latinisque auctoribus credidi: Cœlius unus,
 præterquam quod non mersas fluctibus naves,
 ceteros omnes cœlestes maritimisque terro-
 res, postremo abreptam tempestate ab Africa
 classem ad insulam Ægimurum, inde ægre
 conrectum cursum, exponit: &, prope ob-
 rutis navibus, injussu imperatoris, scaphis,
 haud secus quam naufragos, milites sine ar-
 mis cum ingenti tumultu in terram evasisse.

*Terror in
Africa.*

XXVIII. EXPOSITIS copiis, Romani castra
 in proximis tumulis metantur. Jam non in

LIBER XXIX CAP. XXVIII 67

maritimos modo agros , conspectu primum
classis , dein tumultu egredientium in terram *U. c. 548.
a. C. 204.*
pavor terrorque pervenerat , sed in ipsas ur-
bes. Neque enim hominum modo turba , mu-
lierum puerorumque agminibus inmixta , om-
nes pasim compleverat vias , sed pecora quo-
que præ se agrestes agebant ; ut (*i*) relinquí
subito Africam diceres. Urbibus vero ipsis
majorem , quam quem secum adulterant ,
terrorem inferebant : præcipue Carthaginis
prope ut captæ tumultus fuit. Nam post M.
Atilium Regulum & L. Manlium consules ,
annis prope quinquaginta , nullum Romanum
exercitum viderant , præter prædatoriaias clas-
ses , quibus excursionses in agros maritimos
factæ erant : raptisque , quæ obvia fors fe-
cerat , prius recursum semper ad naves , quam
clamor agrestes conciret , fuerat. Eo major
tum fuga pavorque in urbe fuit. Et , Hercule ,
neque exercitus domi validus , neque dux ,
quem obponerent , erat. Hasdrubal , Giganis
filius , genere , fama , divitiis , regia tum
etiam adfinitate , longe primus civitatis erat :
sed eum ab illo ipso Scipione aliquor præcliis
fusum pulsumque in Hispania meminerant :

(*i*) *ut del. Gron.*

E 2

*U. e. 348
a. C. 204*

nec magis ducem duci parem, quam tumularium exercitum suum Romano exercituī esse. Itaque, velut si urbem extemplo adgredī Scipio foret, ita ad arma est conclamatū: portæque raptim clausæ, & armati in muris, vigiliæque & stationes dispositæ, ac nocte insequenti vigilatum est. Postero die quingenti equites, speculatum ad mare turbandosque egredientes ex navibus missi, in stationes Romanorum inciderunt. Jam enim Scipio, clasfe Uticam missa, ipse haud ita multum progressus a mari, tumulos proximos ceperat; equites & in stationibus locis idoneis posuerat, & per agros miserat prædatum.

*Scipio
agros
populatur,
videlicet
equitatu
Carthag.*

XXIX. II cum Carthaginensi equitatu prœlium quum commississent, paucos in ipso certamine, plerosque fugientes persecuti (in quibus præfectum quoque Hannonem, nobilēm juvenem) occiderunt. Scipio non agros modo circa vastavit, sed urbem etiam proximam Afrorum satis opulentam cepit. Ubi præter cetera, quæ extemplo in naves onerarias inposita, missaque in Siciliam erant, octo millia liberorum servorumque capitum sunt capta. Lætissimus tamen Romanis in

LIBER XXIX CAP. XXIX 69

principio rerum gerendarum adventus fuit *Masinissæ*. Quem quidam cum ducentis haud amplius equitibus , plerique cum duum milium equitatu tradunt venisse. Ceterum quum longe maximus omnium ætatis suæ regum hic fuerit , plurimumque rem Romanam juverit , operæ pretium videtur excedere paululum ad enarrandum , quam varia fortuna usus sit in amittendo recuperandoque paterno regno. Militanti pro Carthaginensibus in Hispania pater ei moritur : Galæ nomen erat. Regnum ad fratrem regis *Æfalcem* , pergrandem natu , (mos ita apud Numidas est) pervenit. Haud multo post , *Æfalce* quoque mortuo , major ex duobus filiis ejus Capusa , puero admodum altero , paternum imperium accepit. Ceterum quum magis jure gentis , quam auctoritate inter suos aut viribus , obtineret regnum ; exstigit quidam , Mezetulus nomine , non alienus sanguine regibus , familiæ semper inimicæ , ac de imperio varia fortuna cum iis , qui tum obtinebant , certantis. Is , concitatis popularibus , apud quos , invidia regum , magnæ auctoritatis erat , castris palam positis , descendere regem in aciem , ac simicare de regno coëgit. In eo prælio *Ca-*

*U. c. 548.
a. C. 204.
Masinissæ
ad
Romanos
venit.*

*Masinissæ
varia
fortunæ.*

*U. c. 548.
a. C. 204.* pusa cum multis principum cecidit, gens Ma-
sylorum omnis in ditionem imperiumque Me-
zetuli concessit. Regio tamen nomine absti-
nuit; contentusque nomine modico tutoris,
puerum Lacumacen, qui stirpis regiae super-
erat, regem adpellat. Carthaginensem nobis-
lem feminam, sororis filiam Hannibalism, quæ
proxime Cæfalci regi nupta fuerat, matrimo-
nio sibi jungit, spe Carthaginensium socie-
tatis; & cum Syphace hospitium vetussum
legatis missis renovat, omnia ea auxilia præ-
parans adversus Masinissam.

XXX. Et Masinissa, audita morte patrui,
dein nece fratri patruelis, ex Hispania in
Mauritaniam (Bocchar ea tempestate rex
Maurorum erat) trajicit. Ab eo supplex in-
fimis precibus auxilium itineri, quoniam
bello non poterat, quatuor millia Maurorum
inpetravit. Cum iis, præmisso nuncio ad pa-
ternos suosque amicos, quum ad fines regni
pervenisset, quingenti ferme Numidæ ad eum
convenerunt. Igitur Mauris inde, sicut con-
venerat, retro ad regem remissis, quamquam
aliquanto minor spe multitudo, nec cum qua-
tantam rem adgredi satis auderet, conveniret;
ratus agendo ac moliendo vires quoque ad

LIBER XXIX CAP. XXX 71

agendum aliquid conjecturum, proficiscenti *U. c. 548.
a. C. 204.*
ad Syphacem Lacumaci regulo ad Thapsum
obcurrit. Trepidum agmen quum in urbem
refugisset, urbem Masinissa primo in petu ca-
pit: ex regiis alios tradentes se recipit, alios
vim parantes occidit. Pars maxima cum ipso
puero inter tumultum ad Syphacem, quo
primum intenderant iter, pervenerunt. Fama
hujus modicæ rei, in principio rerum prospere
actæ, convertit ad Masinissam Numidas: ad-
fluebantque undique ex agris vicisque vete-
res milites Galæ, & invitabant juvenem ad
recuperandum paternum regnum. Numero
militum aliquantum Mezetulus superabat.
Nam & ipse eum exercitum, quo Capusam
vicerat, & ex receptis post cædem regis
aliquot habebat: & puer Lacumaces ab Sy-
phace auxilia ingentia adduxerat. Quindecim
millia peditum Mezetulo, decem millia equi-
tum erant. Quibuscum Masinissa, nequaquam
tantum peditum equitumve habens, acie con-
flicxit. Vicit tamen & veterum militum virtus,
& prudentia inter Romana & Punica arma
exercitati ducis. Regulus cum tutore & exi-
guia Masæfylorum manu in Carthaginiensium
agrum perfugit. Ita recuperato regno paterno,

*V. c. 548
a. C. 204.* Masinissa, quia sibi adversus Syphacem haud paullo majorem restare dimicationem cernebat, optimum ratus cum fratre patruere gratiam reconciliare, missis, qui & puero spem facerent, si in fidem Masinissæ se se permisisset, futurum in eodem honore, quo apud Galam \mathbb{E} salces quondam fuisset, & qui Mezentulo, præter inpunitatem, sua omnia cum fide restitui sponderent; ambo præoptantes exilio modicam domi fortunam (omnia, ne id fieret, Carthaginensibus de industria agentibus) ad se se perdixit.

*Syphacem
Has'druba'
in Masinissam in-
stigata.*

XXXI. HASDRUBAL tum forte, quum hæc gerebantur, apud Syphacem erat. Qui Numinæ haud sane multum ad se pertinere credenti, utrum penes Lacumacen, an Masinissam, regnum Massylorum (k) esset, « falli » eum magnopere [ait] si Masinissam eisdem « contentum fore, quibus patrem Galam, » aut patrum ejus \mathbb{E} salcem, credat, multo « majorem indolem in eo animi ingeniique « esse, quam in ullo gentis ejus umquam « fuisset. Sæpe eum in Hispania raræ inter « homines virtutis specimen dedisse sociis pa- « riter hostibusque : & Syphacem, & Cartha-

(k) Massylorum Gron. Crev. ita & in seqq.

LIBER XXIX CAP. XXXI 73

» ginienses, nisi orientem illum ignem ob- *U. c. 548.*
 » pressissent, ingenti mox incendio, quum jam *a. C. 204.*
 » nullam opem ferre possent, arturos. Ad-
 » huc teneras & fragiles ejus vires esse, vix-
 » dum coalescens foventis regnum. » Instan-
 do stimulandoque pervicit, ut exercitum ad
 fines Maffylorum admoveat; atque in agro,
 de quo saepe cum Gala non verbis modo
 disceptatum, sed etiam armis certatum fue-
 rat, tamquam haud dubie juris sui, castra
 locet. « Si quis arceat, id (*l*) quod maxime
 » opus fit, acie dimicaturum (*m*): si per
 » metum agro cedatur, in medium regnum
 » eundum: aut sine certamine concessuros
 » in ditionem ejus Maffylos, aut nequaquam
 » pares futuros armis. » His vocibus incita-
 tus Syphax Mafinissæ bellum infert, & primo
 certamine Maffylos fundit fugatque. Mafin-
 issa cum paucis equitibus ex acie in montem
 (Balbum incolæ vocant) perfugit. Familiae
 aliquot cum mapalibus pecoribusque suis (ea
 pecunia illis est) persecuti sunt regem: ce-
 tera Maffylorum multitudo in ditionem Sy-
 phacis concessit. Quem ceperant exfules mons

*Syphax
vincit Ma-
finissam.*

(1) *id del. Gron. Crev.*

(m) *dimicaturus Gron.*

U. c. 548. tem ; herbidus aquosusque est ; & , quia pe-
a. C. 204. cori bonus alendo erat , hominum quoque ,
 carne ac lacte vescentium , abunde subfaciebat
 alimentis. Inde nocturnis primo ac furtivis
 incursionibus , deinde aperto latrocinio , in-
 festa omnia circa esse : maxime urbi Cartha-
 ginienis ager , quia & plus prædæ , quam
 inter Numidas , & latrocinium tutius erat.
 Jamque adeo licenter eludebant , ut ad mare
 devectam prædam venderent mercatoribus ,
 adpellentibus naves ad id ipsum ; pluresque ,
 quam justo saepe in bello , Carthaginiensium
 caderent caperenturque. Deplorabant ea apud
 Syphacem Carthaginenses , infensumque &
 ipsum ad reliquias belli persequendas instiga-
 bant : sed vix regium videbatur , latronem
 vagum in montibus consecitari.

*Bocchar
mittitur in
Masinissam.*

XXXII. BOCCHAR , ex præfectis regiis vir
 acer & impiger , ad id delectus. Ei data qua-
 tuor millia peditum , duo equitum : præmio-
 rumque ingentium spe oneratus , si caput
 Masinissæ retulisset , aut vivum (id vero
 inæstimabile gaudium fore) cepisset , palatos
 incurioseque agentes improviso adortus , peco-
 rum hominumque ingenti multitudine a præ-
 sidio armatorum exclusa , Masinissam ipsum

LIBER XXIX CAP. XXXII 75

cum paucis in verticem montis compellit. *U. c. 548.
a. C. 204.*
Inde, prope ut jam debellato, nec præda
modo pecorum hominumque captorum missa
ad regem, sed copiis etiam, ut aliquanto ma-
joribus, quam pro reliquiis belli, remissis,
cum quingentis haud amplius pediribus du-
centisque equitibus, degressum jugis Mas-
nissam perfecutus, in valle arta, faucibus
utrimque obseffis, inclusit. Ibi ingens cædes
Mastylorum facta. Masnissa cum quinquagin-
ta haud amplius equitibus per amfractus mon-
tis ignotos sequentibus se eripuit. Tenuit ta-
men vestigia Bocchar : adeptusque eum pa-
tentibus prope Clupear urbem campis, ita
circumvenit, ut, præter quatuor equites,
omnes ad unum interficeret (*n*). Cum iis
ipsum quoque Masnissam saucium prope e-
manibus inter tumultum amisit. In conspectu
erant fugientes : ala equitum, dispersa toto
campo, quibusdam, ut obcurrerent, per ob-
liqua tendentibus, quinque hostes sequeba-
tur. Amnis ingens fugientes accepit, (neque
enim cunctanter, ut quos major metus ur-
gueret, inmiserant equos) raptique gurgite,
& in obliquum prælati. Duobus in conspectu

*In sellit in
fluvium,
unde cune
duobus
emergit.*

(*n*) interficerit Gron. Crev.

V. c. 548. hostium in prærapidum gurgitem haustis ;
a. C. 204. ipse periisse creditus. At duo reliqui equites
cum eo inter virgulta ulterioris ripæ emerse-
runt. Is finis Bocchari sequendi fuit , nec in-
gredi flumen auso , nec habere credenti se
jam , quem sequeretur. Inde vanus auctor
absunni Masinissæ ad regem rediit ; missique ,
qui Carthaginem gaudium ingens nunciarent :
totaque Africa fama mortis Masinissæ reple-

In spelunc-
ea latens ,
vulnus cu-
ratæ . ta varie animos adfecit. Masinissa in spelunca
occulta , quum herbis curaret vulnus , duo-
rum equitum latrocinio per dies aliquot vixit.
Ubi primum duæta cicatrix , patique posse
visa jaëtationem , audacia ingenti pergit ire
ad regnum repetendum : atque , in ipso iti-
nere haud plus quadraginta equitibus con-
lectis , quum in Massylos , palam jam quis
esset ferens , venisset , tantum motum quum
favore pristino , tum gaudio insperato , quod ,
quem periisse crediderant , incolumem cerne-
bant , fecit , ut intra paucos dies sex millia
peditum armatorum , quatuor equitum , ad
eum convenienter ; jamque non in possessione
modo paterni regni esset , sed etiam socios
Carthaginiensium populos Massylorumque
fines (id Syphacis regnum erat) vastaret.

Inde , irritato ad bellum Syphace , inter Cir- *U. c. 54^o.*
tam Hipponeaque in jugis obportunorum ad *a. C. 204.*
omnia montium confedit.

XXXIII. MAJOREM igitur eam rem Syphax
ratus , quam ut per præfectum ageret , cum
filio juvene (nomen Verminæ erat) parte
exercitus missa , imperat , ut , circumducto
agmine , in se intentum hostem ab tergo in-
vadat. Nocte profectus Vermina , qui ex oc-
culto adgressurus erat : Syphax autem inter-
diu aperto itinere , ut qui , signis conlatis ,
acie dimicaturus esset , movit castra. Ubi
tempus visum est , quo pervenisse jam circum-
missi videri poterant , & ipse leni clivo fe-
rente ad hostem , quum multitudine fretus ,
tum præparatis ab tergo insidiis , per adver-
sum montem erectam aciem ducit. Masinissa
fiducia maxime loci , quo multo æquiore
pugnaturus erat , & ipse dirigit suos. Atrox
præclium & diu ariceps fuit ; loco & virtute
militum Masinissam , multitudine , quæ nimio
major erat , Syphacem juvante. Ea multitu-
do divisa , quum pars a fronte urgueret , pars
a tergo se circumfudisset , victoriam haud
dubiam Syphaci dedit : & ne effugium qui-
dem patebat hinc a fronte , hinc ab tergo in-

*Syphax
adversus
eum
contendit.*

*V. c. 148.
a. C. 204.* clufis. Itaque ceteri pedites equitesque cæſi aut capti. Ducentos ferme equites Masinissa circa se congregatos , divisosque turma- tim . in tres partes , erumpere jubet ; loco prædicto , in quem ex dissipata conve- nirent fuga. Ipſe , qua intenderat , inter me- dia tela hostium evasit. Duæ turmæ hæſere : altera metu dedita hosti ; pertinacior in repu- gnando telis obruta & confixa est. Verminam prope vestigiis instantem , in alia atque alia fleſtendo itinera (o) eludens , tædio & despe- ratione tandem fessum , absifere sequendo coëgit. Ipſe cum sexaginta equitibus ad mi- norem Syrtim pervenit. Ibi cum conscientia egregia ſæpe repetiti regni paterni , inter Pu- nica Emporia gentemque Garamantum omne tempus , usque ad C. Lælii classisque Romanæ adventum in Africam , consumfit. Hæc ani- mum inclinant , ut cum mōdico potius , quam cum magno præſidio equitum , ad Scipionem quoque poſtea veniffe Masinifſam credam : quippe illa regnantis multitudo , hæc pauci- tas exſulis fortunæ conveniens eſt.

*Carthaginienſes no-
rum equi-
tatum ſibi
compa-
rant.*

XXXIV. CARTHAGINIENSES , ala equitum cum præfecto amissa , alio equitatu per no-

(o) *itinero Crev.*

LIBER XXIX CAP. XXXIV 79

vum delectum comparato, Hannonem Hamil- *U. c. 548.*
caris filium præficiunt. Hasdrubalem subinde *a. C. 204.*
ac Syphacem per literas nunciosque, postre-
mo etiam per legatos, arcessunt : Hasdruba-
lem opem ferre prope circumfessæ patriæ ju-
bent : Syphacem orant, ut Carthagini, ut
universæ Africæ subveniat. Ad Uricam tum
castra Scipio, ferme mille passus ab urbe,
habebat, translata a mari, ubi paucos dies
stativa conjuncta classi fuerant. Hanno, ne-
quaquam satis valido, non modo ad laceffen-
dum hostem, sed ne ad tuendos quidem a
populationibus agros, equitatu accepto, id
omnium primum egit, ut per conquisitionem
numerum equitum augeret : nec aliarum gen-
tium adspersatus, maxime tamen Numidas
(id longe primum equitum in Africa est ge-
nus) conductit. Jam ad quatuor millia equi-
tum habebat, quum Saleram nomine urbem
occupavit ; quindecim ferme millia ab Ro-
manis castris. Quod ubi Scipioni relatum est ;
» *Æstiva sub te&tis equitatus ! [inquit] sint*
» *(p) vel plures, dum tales ducem habeant.* »
Eoque minus sibi (*q*) cessandum ratus, quo illi

(p) *Æst. s. t, agere equitatus ; sint, inquit, Gron.*

(q) *sibi del. Gron.*

V. c. 548. segnius rem agerent, Masinissam cum equi-
a. C. 204. tatu præmissum portis obequitare, atque
hostem ad pugnam elicere, jubet: ubi omnis
multitudo se effudisset, graviorque jam in
certamine esset, quam ut facile sustineri pos-
set, cederet (*r*) paullatim; se in tempore
pugnæ obventurum. Tantum moratus, quan-
tum satis temporis prægresso visum ad elicien-
dos hostes, cum Romano equitatu fecutus,
tegentibus tumulis, qui perobportune circa
viæ flexus obpositi erant, occultus processit.

Equestre
prærium. Masinissa, ex composito, nunc terrentis, nunc
timentis modo, aut ipsis obequitabat portis,
aut cedendo, quum timoris simulatio auda-
ciam hosti faceret, ad insequendum (*s*) te-
mtere eliciebat. Nondum omnes egressi erant,
varieque dux fatigabatur, alios vino & somno
graves arma caperè, & frenare equos cogendio;
aliis, ne sparsi & inconditi sine ordine;
sine signis omnibus portis excurrerent, ob-
sistendo. Primo incaute se evehentes Masi-
nissa excipiebat: mox plures simul conferti
porta effusi æquaiverant certamen: postremo,
jam omnis equitatus prælio quum adesset,
sustineri

(*r*) cedere Gron. Crev.

(*s*) ad insequendum l. insequentem Gron. Crev.

LIBER XXIX CAP. XXXV 81

sustineri ultra nequiere (t). Non tamē effusa
 fuga Masinissa, sed cedendo sensim, inpetus
 eorum excipiebat: donec ad tumulos tegen-
 tes Romanum equitatum pertraxit. Inde exorti
 equites & ipsi integris viribus, & recentibus
 equis, Hannoni Afrisque pugnando ac sequen-
 do fessis se circumfudere: & Masinissa, fle-
 xis subito equis, in pugnam rediit. Mille fer-
 me, qui primi agminis fuerant, ut quibus
 haud facilis receptus fuit, cum ipso duce
 Hannone interclusi atque imperfecti sunt. Ce-
 reros, ducis præcipue territos cæde, effuse
 fugientes per tria (u) millia passuum victo-
 res fecuti, ad duo præterea millia equitum
 aut ceperunt, aut occiderunt. Inter eos satis
 constabat, non minus ducentos Carthaginien-
 sium equites fuisse, & divitiis quosdam &
 genere inlustres.

XXXV. EODEM forte, quo hæc gesta sunt,
 die naves, quæ prædam in Siciliam vixerant,
 cum commeatu rediere; velut ominatae, ad
 prædam alteram repetendam sese venisse.
 Duo eodem nomine Carthaginiensium duces
 duabus equestribus præliis imperfectos, non

(t) nequivere Gron. Crev.

(u) triginta Crev.

*U. c. 548.**a. C. 204.*

*Vincuntur
 Carthaginenses.*

V. c. 548. omnes auctores sunt : veriti , credo , ne fal-
a. C. 204. leret bis relata eadem res. Cœlius quidem &

Valerius captum etiam Hannonem tradunt.
Scipio præfectos equitesque , prout cujusque
opera fuerat , ante omnes Masinissam , insi-
gnibus donis donat : & , firmo præsidio Sa-
leræ inposito , ipse cum cetero exercitu pro-
fectus , non agris modo , quacumque incede-
bat , populatis , sed urbibus etiam quibusdam
viciisque expugnatis , late fuso terrore belli ,
septimo die , quam profectus erat , magnam
viam hominum & pecoris & omnis generis
prædæ trahens , in castra reddit : gravesque
iterum hostilibus spoliis naves dimittit. Inde ,
omissis expeditionibus parvis populationibus-
que , ad obpugnandam Uticam omnes bellii
vires convertit : eam deinde , si cepisset , se-
dem ad cetera exsequenda habiturus. Simul
& a classe navales socii , qua ex parte urbs
mari adluitur , simul & terrestris exercitus
ab inminente prope ipsis mœnibus tumulo est
admotus. Tormenta machinasque & advexe-
rat secum , & ex Sicilia missa cum commea-
tibus erant : & nova in armamentario , multis
talium operum artificibus de industria inclusis ,
fiebant. Uticensibus tanta undique mole cir-

*Scipio
populatur
Africanam.*

*Uticam
obpugnat.*

cum se fisis in Carthaginensi populo; Carthaginiensibus in Hasdrubale ita, si is movisset *U. c. 548.
a. C. 204.*
 Syphacem, spes omnis erat: sed desiderio indigentium auxilii (*v*) tardius cuncta movebantur. Hasdrubal, intentissima conquisitione quum ad triginta millia peditum, tria equitum confecisset, non tamen ante adventum Syphacis castra proprius hostem movere est ausus. Syphax cum quinquaginta millibus peditum, decem equitum advenit: confestimque motis ab Carthagine castris, haud procul Utica munitionibusque Romanis confedit. Quorum adventus hoc tamen momenti fecit, ut Scipio, quum quadraginta ferme dies ne quidquam omnia experiens obsepperit Uticam, abscederet inde inrito incepto. Et (*x*) (jam enim hiems instabat) castra hiberna in promontorio, quod tenui jugo continent adhaerens in aliquantum maris spatium extenditur, communit: uno vallo & navalia (*y*) castra amplectitur. Jugo medio legionum castris inpositis, litus ad septentrionem versum subductæ navalesque socii tenebant: meri-

Hasdrubalis & Syphacis ingentes compice.

*Scipio
recedit ab
Utica.*

(*v*) *auxilia* Gron.

(*x*) & del. Gron. Crev. sublati parenthesis signis.

(*y*) *navalium* Gron. Crev.

U. c. 548. dianam vallem ad alterum litus devexam equi-
a. C. 204. tatus. Hæc in Africa usque ad extremum au-
 tumni gesta.

*Commea-
tus ad Sci-
pionem ad-
vedi.*

XXXVI. PRÆTER convectum undique ex
 populatis circa agris frumentum, commea-
 tusque ex Sicilia atque Italia advectos, Cn.
 Octavius prætor ex Sardinia ab Ti. Clau-
 dio prætore, cuius ea provincia erat, ingen-
 tem vim frumenti advexit : horreaque non
 solum, quæ jam facta erant, repleta, sed
 nova ædificata. Vestimenta exercitui deerant.
 Id mandatum Octavio, ut cum prætore age-
 ret, si quid ex ea provincia comparari ac
 mitti posset. Ea quoque haud segniter curata
 res. Millæ ducentæ togæ brevi spatio, & (z)
*Sempro-
nius Cos.
cum Han-
nibale ma-
le pugnat.* duodecim millia tunicarum missa. Æstate ea,
 qua hæc in Africa gesta sunt, P. Sempronius
 consul, cui Brutii provincia erat, in agro
 Crotonensi cum Hannibale in ipso itinere tu-
 multuario prælio conflixit. Agminibus magis,
 quam acie, pugnatum est. Romani pulsi, &
 tumultu verius, quam pugna, ad (a) mille
 & ducenti de exercitu consulis interfecti :
 in castra trepide redditum. Neque obpugnare

(z) Et del. Gron. Crev.

(a) ad del. Gron. Crev.

(b)

LIBER XXIX CAP. XXXVI 85

tamen ea hostes ausi. Ceterum silentio proximæ noctis profectus inde consul, præmisso nuncio ad P. Licinium proconsulem, ut suas legiones admoveret, copias conjunxit. Ita duo duces, duo exercitus ad Hannibalem redierunt; nec mora dimicandi facta est: quum consuli duplicatae vires, Poeno recens victoria animo esset. In primam aciem suas legiones Sempronius induxit: in subsidiis locatæ P. Licinii legiones. Consul principio pugnæ ædem Fortunæ Primigeniæ vovit, si eo die hostes fudisset: composque ejus voti fuit. Fusi ac fugati Poeni: supra quatuor millia armatorum cæsa: paullo minus trecenti vivi capti, & equi quadraginta, & undecim militaria signa. Perculsi adverso prælio Hannibal Crotonem exercitum abduxit. Eodem tempore M. Cornelius consul in (b) altera parte Italæ non tam armis, quam judiciorum terrore, Etruriam continet, totam ferme ad Magonem, ac per eum ad spem novandi res, versam. Eas quæstiones ex se natus consulto minime ambititiose habuit. Multique nobiles Etrusci, qui aut ipsi ierant, aut miserant ad Magonem de populorum

*U. c. 543.
a. C. 204.*

*Hanniba-
lem acie
vincit.*

*Cornelius
Cos. Etru-
riam in
officio
continet.*

(b) in del. Gron.

*V. t. 548.
a. C. 204* suorum defectione, primo præsentes erant condemnati; postea, conscientia fibimet ipsi exsilium conscientes, quum absentes damnati essent, corporibus subtractis, bona tantum, quæ publicari poterant, pignoranda pœnæ præbebant.

*Livii
&
Claudii
censura.*

XXXVII. DUM hæc consules diversis regionibus agunt, censores interim Romæ M. Livius & C. Claudius senatum recitaverunt. Princeps iterum lectus Q. Fabius Maximus. Notati septem: nemo tamen, qui sella curuli sedisset. Sarta tecta acriter & cum summa fide exegerunt. Viam e foro Boario ad Veneris, & circa foros publicos, & ædem Matris Magnæ in Palatio faciendam locaverunt. Veſtigal etiam novum ex salario annona statuerunt. Sextante fal & Romæ & per totam Italiam erat. Romæ pretio eodem, pluris in foris & conciliabulis, & alio alibi pretio præbendum locaverunt. Id veſtigal commentum alterum ex censoribus satis credebant, populo iratum, quod iniquo judicio quondam damnatus esset: & in pretio salis maxime oneratas tribus, quarum opera damnatus erat, credebant. Inde Salinatori Livio inditum cognomen. Luſtrum conditum serius,

LIBER XXIX CAP. XXXVII 87

quia per provincias dimiserunt censores, ut *U. c. 548^a*
a. C. 204^b civium Romanorum in exercitibus, quantus
ubique esset, referretur numerus. Censa cum *Census.*
iis ducenta decem quatuor millia hominum,
Condidit lustrum C. Claudius Nero. Duode-
cim deinde coloniarum, (quod numquam
antea factum erat) deferentibus ipsarum co-
loniarum censoribus, censum acceperunt : ut,
quantum numero militum, quantum pecunia
valerent, in publicis tabulis monumenta ex-
starent. Equitum deinde census agi coepit
est : & ambo forte censores equum publicum
habebant. Quum ad tribum Polliam ventum
est, in qua M. Livii nomen erat, & præco
cunctaretur citare ipsum censem ; « Cita,
» [inquit Nero] M. Livium : » & , five ex
residua & vetere simultate, five intempestiva
jaestatione severitatis inflatus, M. (c) Livium,
quia populi judicio esset damnatus, equum
vendere jussit. Item M. Livius, quum ad tri-
bum Arniensem (d) & nomen collegæ ven-
tum est, vendere equum C. Clodium jussit,
duarum rerum causa; unius, quod falsum
adversus se testimonium dixisset; alterius;

*Certamen
notarum
inter
censores.*

(c) M. del. Gron. Crev.

(d) Narriensem Gron. Crev.

*U. c. 548.
q. C. 204.* quod non sincera fide secum in gratiam redif-
set. Itaque ibi fœdum certamen inquinandi
famam alterius, cum suæ famæ damno, factum
est. Exitu censuræ quum in leges jurasset C.
Claudius, & in ærarium escendisset, inter
nomina eorum, quos ærarios relinquebat,
dedit collegæ nomen. Deinde M. Livius in
ærarium venit, & præter Mæciam tribum,
quæ se nec condemnasset, neque condemnata-
tum aut consulem aut censorem fecisset,
populum Romanum omnem, quatuor & tri-
ginta tribus, ærarios reliquit : quod & inno-
centem se condemnasset, & condemnatum
consulem & censorem fecissent : neque infi-
ciari possent, aut judicio semel, aut comitiis
bis ab se peccatum esse. Inter quatuor &
triginta tribus & C. Claudium ærarium fore.
Quod si exemplum haberet bis eundem æra-
rium relinquendi, C. Claudium nominatim
se inter ærarios fuisse relicturum. Pravum
certamen notarum inter censores : castigatio
inconstantiae populi censoria, & gravitate
temporum illorum digna. In invidia censores
quum essent, crescendi ex his ratus esse occa-
sionem Cn. Bæbius tribunus plebis diem ad
populum utriusque dixit. Ea res consensu Pa-

LIBER XXIX CAP. XXXVIII 89

trum discussa est , ne postea obnoxia popu- *U. c. 548.*
a. C. 204.
lari auræ censura esset.

XXXVIII. EADEM æstat: in Brutis Clam-
petia a consule vi capta , Consentia & Pan-
dosia , & ignobiles aliæ civitates , voluntate
in ditionem venerunt. Et , quum comitiorum
jam adpeteret tempus , Cornelium potius ex
Etruria , ubi nihil belli erat , Romam adcirci
placuit. Is consules Cn. Servilium Cæpionem
& C. Servilium Geminum creavit. Inde præ-
toria comitia habita . Creati P. (e) Cornelius *Comitia.*
Lentulus, P. Quinctilius Varus, P. Ælius Pætus,
P. Villius Tappulus. Hi duo , quum ædiles ple-
bis essent , prætores creati sunt. Consul , comi-
tiis perfectis , ad exercitum in Etruriam redit.
Sacerdotes eo anno mortui , atque in locum
eorum subfecti ; Ti. Veturius Philo flamen
Martialis , in locum M. Æmilii Regilli , qui
priore anno mortuus erat , creatus inaugu-
ratusque : & in M. Pomponii Mathonis au-
guris & decemviri locum creati , decemvir M.
Aurelius Cotta , augur Ti. Sempronius Grac.

(e) *Cn. Gron. Crev.*

V. c. 548. chus admodum adolescens, quod tunc perra-
a. C. 204. rum in mandandis sacerdotiis erat. Quadrigæ
aureæ eo anno in Capitolio positæ ab ædili-
bus curulibus, C. Livio & M. Servilio Ge-
mino. Et ludi Romani biduum instaurati. Item
per biduum plebeii ab ædilibus P. Ælio, P.
Villio: & Jovis epulum fuit ludorum caufsa,

E P I T O M E
L I B R I X X X L I V I A N I

*I*n Africa Scipio Carthaginenses & eumdem Syphacem Numidarum regem Hasdrubalemque pluribus præliis vicit, adjuvante Masinissa, binaque hostium castra expugnavit : in quibus quadraginta millia hominum ferro ignique consumta sunt. Syphacem per C. Lælum & Masinissam cepit. Masinissa Sophonisbam, uxorem Syphacis, filiam Hasdrubalis, captam statim adamavit, &, nuptiis factis, uxorem habuit. Castigatus a Scipione venenum ei misit : quo hausto illa decessit. Effectumque est multis Scipionis viatoribus, ut Carthaginenses, in desperationem acli, in auxilium publicæ salutis Hannibalem ex Italia revocarent. Isque, anno decimosexto Italia decedens, in Africam trajecit, tentavitque per conloquium pacem cum Scipione componere :

& , quum de conditionibus pacis non
convenisset , acie vičlus est . Pax Cartha-
giniensibus data est potentibus . Hannibal
Gisgonem , pacem dissidentem , manu sua
detraxit : excusata deinde temeritate facti ,
ipse pacem suasit . Mago , qui bello in
agro Insubrium cum Romanis confixerat ,
vulneratus , dum in Africam per legatos
revocatus revertitur , ex vulnere mortuus
est . Masinissa regnum restitutum est . Re-
versus in urbem Scipio amplissimum no-
biliſſimumque egit triumphum , quem Q.
Terentius Culleo senator pileatus fecutus
est . Scipio Africanus (incertum militari
prius favore , an populari aura ita cognos-
minatus) primus certe hic imperator vičlæ
a se nomine gentis nobilitatus est .

LIBER XXX

I.

C. N. SERVILIUS Cæpio & C. Servilius Ge^a *U. e. 549.*
minus consules, (sextus decimus is annus *a. C. 203.*
belli Punici erat) quum de republica belloque *Provinciæ*
& provinciis ad senatum retulissent, censue-
runt Patres, ut consules inter se compararent,
fortirenturve, uter Bruttios adversus Hanni-
balem, uter Etruriam ac Ligures provinciam
haberet. Cui Brutii evenissent, exercitum a
P. Sempronio (*a*) acciperet. P. Sempronius
(ei quoque enim proconsuli imperium in
annum prorogabatur) Licinio subcederet: is
Romam reverteretur, bello quoque bonus
habitum, ad cetera, quibus nemo ea tempestate
instru^ctior civis habebatur, congestis omnibus
humanis a natura fortunaque bonis. Nobilis
idem ac dives erat: forma viribusque cor-
poris excellebat. Facundissimus habebatur,
seu caussa oranda, seu in senatu, ad (*b*) po-
pulum suadendi ac dissuadendi locus esset:
juris pontifici peritisimus. Super hæc, bel-

*Laus
P. Licinii.*

(*a*) add. *consule Gron.*

(*b*) & ad *Gron.*

U. c. 549. licet quoque laudis (*c*) consulatus compotem
a. C. 203. fecerat. Quod in Brutiis provincia, idem in
Etruria ac Liguribus decretum. M. Cornelius
novo consuli tradere exercitum iussus: ipse,
prorogato imperio, Galliam provinciam
obtinere cum legionibus iis, quas praetor L.
Scribonius priore anno habuisset. Sortiti dein
de provincias: Cæpioni Bruttii, Servilio
Gemino Etruria evenit. Tum praetorum pro
vinciæ in sortem conjectæ. Jurisdictionem
urbanam Pætus Ælius, Sardiniam P. (*d*)
Lentulus, Siciliam P. Villius, Ariminum cum
duabus legionibus (sub Lucretio Spurio eæ
fuerant) Quintilius Varus est sortitus. Et
Lucretio prorogatum imperium, ut Genuam
oppidum a Magone Poeno dirutum exædifi
caret. P. Scipioni, non temporis, sed rei ge
rendæ fine, donec debellatum in Africa fo
ret, prorogatum imperium est: decretumque,
ut supplicatio fieret, quod is in Africam
provinciam trajecisset, ut ea res salutaris
populo Romano ipsique duci atque exercitui
esset.

(*c*) *Laudes Gron.*

(*d*) *Cn. Gron. Crev.*

II. IN Siciliam tria millia militum sunt ^{U. c. 549^a}
scripta. Et, quia, quod roboris ea provincia ^{a. C. 203^a}
habuerat, in Africam transvectum fuerat,
ne qua classis ex Africa trajiceret, quadra-
ginta navibus custodiri placuerat Siciliæ ma-
ritimam oram. Tredecim novas naves Villius
secum in Siciliam duxit: ceteræ in Sicilia
veteres refectæ. Huic classi M. Pomponius,
prioris anni prætor, prorogato imperio præ-
positus, novos milites ex Italia advectos in
naves inposuit. Parem navium numerum Cn.
Octavio, prætori item prioris anni, cum
pari jure imperii ad tuendam Sardiniae oram
Patres decreverunt. Lentulus prætor duo
millia militum dare in naves jussus. Et Italiae
ora, quia incertum erat, quo missuri classem
Carthaginienses forent, (videbantur autem,
quidquid nudatum præfidiis esset, petituri)
M. Marcio, prætori prioris anni, cum toti-
dem navibus tuenda data est. Tria millia mi-
litum in eam classem ex decreto Patrum
consules scripserunt, & duas legiones urba-
nas ad incerta belli. Hispaniae cum exerciti-
bus imperioque veteribus imperatoribus, L.
Lentulo & L. Manlio Acidino, decretæ.
Viginti omnino legionibus, & centum sexa-

Legiones
20.

U. e. 549. ginta navibus longis res Romana eo anno
 a. C. 203. gesta. Prætores in provincias ire jussi. Con-
 naves 160. sulibus imperatum, priusquam ab urbe profi-
 ciscerentur, ludos magnos facerent, quos T.
 Manlius Torquatus dictator in quintum an-
 num vovisset, si eodem statu res publica sta-
 ret. Et novas religiones excitabant in animis
Prodigia. hominum prodigia, ex pluribus locis nuncia-
 ta. Aurum in Capitolio corvi non lacerasse
 tantum rostris crediti, sed etiam edisse. Mu-
 res Antii coronam auream adrosere. Circa
 Capuam omnem agrum locustarum vis ingens,
 ita ut, unde advenissent, parum constaret,
 complevit. Equuleus Reate cum quinque pe-
 dibus natus. Anagniæ sparsi primum ignes
 in cœlo, dein fax ingens arsit. Frusinone ar-
 cus solem tenui linea amplexus est; circu-
 lum deinde ipsum major solis orbis extrin-
 secus inclusit. Arpini terra campestri agro in
 ingentem sinum confudit. Consulum alteri,
 primam hostiam inmolanti, caput jecinoris
 defuit. Ea prodigia majoribus hostiis procu-
 rata. Editi a collegio pontificum Dii, qui-
 bus sacrificaretur.

III. Iis transactis, consules prætoresque in
 provincias profecti. Omnibus tamen, velut
 eam

eam sortitis , Africæ cura erat ; seu quia ibi ^{U. c. 549.}
 summam rerum bellicæ verti cernebant ; seu ^{a. C. 203.}
 ut Scipiōni gratificarentur , in quem tum
 omnis versa civitas erat. Itaque non ex Sar-
 dinia tantum , (sicut ante dictum est) sed
 ex Sicilia quoque & Hispania vestimenta ,
 frumentumque , & arma etiam ex Sicilia ,
 & omne genus commeatus eo portabantur.
 Nec Scipio ullo tempore hiemis belli opera
 remiserat , quæ multa simul tundique eum <sup>Res gestæ
in
Africa</sup>
 circumstabant. Uticam obsidebat. Castra in
 conspectu Haedrubaralis erant. Carthaginenses
 deduxerant naves. Classem paratam instructam-
 que ad commeatus intercipiendos habebant.
 Inter hæc ne Syphacis quidem reconciliandi
 curam ex animo miserat ; si forte jam (e)
 satias amoris in uxore ex multa copia cepis-
 set. Ab Syphace magis pacis cum Carthagi-
 niensibus conditiones , ut Romani Africa ,
 Pœni Italia excederent , quam , si bellaretur ,
 spes ulla desciturum adferebatur. Hæc per
 nuncios magis equidem acta crediderim , (&
 ita pars major auctores sunt) quam ipsum
 Syphacem , ut Antias Valerius prodit , in
 castra Romana ad conloquium venisse. Primo

(e) eum Gron. Crev.

Tom. VII.

G

U. c. 549. eas conditiones imperator Romanus vix au-

a. C. 203. ribus admisit. Postea, ut causa probabilis suis commeandi foret in castra hostium, mollius eadem illa abnuere, ac spem facere, saepius ultro citroque agitantibus rem convenaturam. Hibernacula Carthaginensium, congesta temere ex agris materia exaedificata, lignea ferme tota erant. Numidæ præcipue arundine textis, storeaque pars maxima tectis, passim nullo ordine, quidam, ut sine imperio occupatis locis, extra fossam etiam vallumque habitabant. Hæc relata Scipioni spem fecerant castra hostium per occasionem incendi.

IV. *CUM legatis, quos mitteret ad Syphacem, calonum loco primos ordines spectatæ virtutis atque prudentiæ servili habitu mittebat; qui, dum in conloquio legati essent, vagi per castra, alias alia, aditus exitusque omnes, situm formamque & universorum castrorum, & partium, qua Poeni, qua Numidæ haberent, quantum intervalli inter Hasdrubalis ac regia castra esset, specularentur: moremque simul noscerent stationum vigiliarumque: nocte, an interdiu obportuniores insidianti essent. Et inter crebra conloquia alii atque alii de industria. quo plu-*

*Castra
Hasdruba-
lis &
Syphacis.*

ribus omnia nota essent, mittebantur. Quum
sæpius agitata res certiorem spem pacis in *U. e. 549.
a. C. 203.*
dies & Syphaci & Carthaginensibus per eum
faceret; legati Romani & vetitos se reverti
» ad imperatorem [aiunt] nisi certum respon-
» sum detur. Proinde, seu ipsi staret jam sen-
» tentia, seu consulendus Hasdrubal & Car-
» thaginienses essent, consuleret. Tempus esse
» aut pacem componi, aut bellum naviter-
» geri.» Dum consulitur Hasdrubal ab Syphace,
ab Hasdrubale Carthaginenses; & speculatores
omnia visendi, & Scipio ad comparanda ea,
quæ in rem erant, tempus habuit. Et ex men-
tione ac spe pacis neglegentia, ut fit, apud
Poenos Numidamque orta cavendi, ne quid
hostile interim paterentur. Tandem relatum
responsum, quibusdam (quia nimis cupere
Romanus pacem videbatur) inquis per occa-
sionem adjectis; quæ perobportune cupienti
tollere inducias Scipioni caussam præbuere:
ac nuncio regis, quum relaturum se ad con-
silium dixisset, postero die respondit, « Se
» uno frustra tendente, nulli alii pacem pla-
» cuiisse. Renunciaret igitur, nullam aliam
» spem pacis, quam relictis Carthaginensibus;
» Syphaci cum Romanis esse.» Ita tollit in-

*V. c. 549.
a. C. 203.* ducias , ut libera fide incepta exsequeretur : deductisque navibus (& jam veris principium erat) machinas tormentaque , velut a mari adgressurus Uticam , inponit. Et duo millia militum ad capiendum , quem antea tenuerat , tumulum super Uticam mittit : simul ut ab eo , quod parabat , in alterius rei curam converteret hostium animos : simul ne qua , quum ipse ad Syphacem Hasdrubalemque profectus esset , eruptio ex urbe & inpetus in castra sua , relicta cum levi præsidio , fieret.

*Incensa a
Scipione.*

V. His præparatis , advocateque consilio , edicere exploratoribus jussis , quæ comperta adferrent , Masinissaque , cui omnia hostium nota erant ; postremo ipse , quid pararet in proximam noctem , proponit. Tribunis edicit , ut , ubi , prætorio dimisso , signa concinuisserent , extemplo educerent castris legiones. Ita , ut imperaverat , signa sub occasum solis efferri sunt cœpta. Ad primam ferme vigiliam agmen explicaverunt : media nocte (septem enim millia itineris erant) modico gradu ad castra hostium perventum. Ibi Scipio partem copiarum Lælio , Masinissamque ac Numidas , adtribuit : & castra Syphacis invadere , ignes-

LIBER XXX CAP. VI 101

que conjicere jubet. Singulos deinde separa- *U. c. 549.*
tim, Lælum ac Masinissam, seductos obtestan- *a. C. 203.*
tur, « ut, quantum nox providentiae adimat,
» tantum diligentia expleant curaque. Se Haf-
» drubalem Punicaque castra adgressurum.
» Ceterum non ante cœpturum, quam ignem
» in regiis castris conspexisset. » Neque ea
res morata diu est. Nam, ut proximis casis
inje&etus ignis hæsit, extemplo proxima quæ-
que, & deinceps continua amplexus, totis se
passim dissipavit castris. Et trepidatio quidem,
quanta necesse erat, in nocturno effuso tam
late incendio orta est: ceterum, fortuitum,
non hostilem ac bellicum, ignem rati esse,
sine armis ad restinguendum incendium effusi,
in armatos incidere hostes, maxime Numidas,
ab Masinissa notitia regiorum castrorum ad
exitus itinerum idoneis locis dispositos. Mul-
tos in ipsis cubilibus semisomnos hausit flam-
ma: multi in præcipiti fuga, ruentes super
alios alii, in angustiis portarum obtriti sunt.

VI. RELUCENTEM flamمام primq vigiles
Carthaginiensium, deinde excitati alii noctur-
no tumultu quum conspexissent, ab eodem
errore credere & ipsi sua sponte incendium
ortum. Et clamor inter cædem & vulnera

U. e. 549. sublatus, an ex trepidatione nocturna esset;
a. C. 203. confusus, sensum veri adimebat. Igitur pro se quisque inermes, ut quibus nihil hostile suspectum esset, omnibus portis, qua cuique proximum erat, ea modo, quæ restinguendo igni forent, portantes, in agmen Romanum ruebant. Quibus cæsis omnibus, præterquam hostili odio, etiam ne quis nuncius effugeret, extemplo Scipio neglectas, ut in tali tumultu, portas invadit: ignibusque in proxima tecta conjectis, effusa flamma primo veluti sparsa pluribus locis relaxit, dein per continua serpens, uno repente omnia incendio hausit. Ambusti homines jumentaque foeda primum fuga, dein strage, obruerant itinera portarum. Quos non obpresserat ignis, ferro absunti: binaque castra clade una deleta. Duces tamen ambo, & ex tot millibus armatorum duo millia peditum & quingenti equites semiermes, magna pars saucii, adflatique incendio, effugerunt. Cæsa aut hausta flamnis quadraginta millia hominum sunt, capta supra quinque millia: multi Carthaginiensium nobiles, undecim senatores, signa militaria centum septuaginta quatuor, equi Numidici supra duo millia septingenti, elephanti sex

capti; octo flamma ferroque absunti, magna-
que vis armorum capta. Ea omnia impera-
tor Vulcano sacrata incendit.

*a. f. 549.
U C. 203.*

VII. HASDRUBAL ex fuga, cum paucis, Afrorum urbem proximam petierat: eoque omnes, qui supererant, vestigia ducis sequentes, se contulerant. Metu deinde, ne dederetur Scipioni, urbe excessit. Mox eodem patentibus portis Romani accepti: nec quidquam hostile, quia voluntate concederant in ditionem, factum. Duæ subinde urbes captæ direptæque. Ea præda, & quæ castris ex incensis & igne rapta erat, militi concessa est, Syphax octo millium ferme inde spatio loco communito confedit. Hasdrubal Carthaginem contendit, ne quid per metum ex recenti clade mollius consuleretur. Quo tantus primo terror est adlatus, ut omissa Utica, Carthaginem crederent extemplo Scipionem obfessurum. Senatum itaque suffetes (quod velut consulaire imperium apud eos erat) vocaverunt. Ibi e tribus (*f*) (una de pace legatos ad Scipionem decernebat: altera Hannibalem ad tuendam ab exitiabili bello patriam revo-
cabat: tertia Romanæ in adversis rebus

(*f*) ibi tribus dictis sententiis Gron. Crev.

U. c. 549. constantiae erat ; reparandum exercitum , Syphacemque hortandum (g) , ne bello absisteret , censebat) haec sententia , quia Hasdrubal præsens Barcinæque omnes factionis bellum malebant , vicit . Ide delectus in urbe agrisque haberi coepitus , & ad Syphacem legati missi , summa ope & ipsum reparantem bellum : quum uxor non jam , ut ante , blanditiis , satis potentibus ad animum amantis , sed precibus & misericordia valuisset , plena lacrimarum obtestans , ne patrem suum patriamque proderet , iisdemque flammis Carthaginem , quibus castra conflagrassent , absumi fineret . Spem quoque obportune oblatam adferebant legati : quatuor millia Celtiberorum circa urbem nomine Abbam , ab conqueritoribus suis conducta in Hispania , egregiæ juventutis , sibi obcurrisse : & Hasdrubalem prope diem adfore cum manu haudquam contemnenda . Igitur non benigne modo legatis respondit , sed ostendit etiam multitudinem agrestium Numidarum , quibus per eosdem dies arma equosque dedisset , & omnem juventutem adfirmat excitatum ex regno . « Scire incendio , non prœlio , cladem

Carthaginenses bellum reparant.

(g) *orandum* Gron. Crev.

LIBER XXX CAP. VIII 105

» acceptam. Eum bello inferiorem esse , qui *U. c. 549.*
» armis vincatur. » Hæc legatis responſa. Et *a. C. 202.*
post dies paucos rursus Hasdrubal & Syphax
copiae junxerunt. Is omnis exercitus fuit
triginta ferme millium armatorum.

*Copias
cum
Syphacę
jungunt.*

VIII. SCIPIONEM , velut jam debellato ,
quod ad Syphacem Carthaginienſesque adti-
neret, Uticæ obpugnandæ intentum , jamque
machinas admoventem muris , avertit fama
redintegrati belli : modicisque præſidiis ad
speciem modo obsidionis terra marique re-
liktis , ipſe cum robore exercitus ire ad hostes
pergit. Primo in tumulo , quatuor ferme mil-
lia distante ab caſtris regiis , confedit: postero
die cum equitatu in Magnos (ita vocant)
campos , ſubjectos ei tumulo , degressus ,
ſubcedendo ad stationes hoſtium , laceſſendo
que levibus preliis , diem abſumfit : & per
inſequens biduum tumultuofis hinc atque
illinc excursionibus in vicem , nihil diētu ſa-
tis dignum fecerunt. Quarto die utrimque in
aciem deſcenſum eſt. Romanus principes poſt
haſtatorum prima ſigna , in ſubſidiis triarios
conſtituit : equitatū Italicum ab dextro
cornu , ab laevo Numidas Maſiniflamque ob-
poſuit. Syphax Hasdrubalque , Numidicis ad-

V. c. 549. verfus Italicum equitatum , Carthaginienſi-
a. C. 203. bus contra Masinifſam locatis , Celtiberos in

*Prælium
committi-
tur.* mediam aciem in adverſa ſigna legionum acceperē. Ita inſtructi concurrunt. Primo in-

petu ſimul utraque cornua , & Numidæ & Carthaginienſes pulſi. Näm neque Numidæ , maxima pars agreſteſ , Romanum equitatum , neque Carthaginienſes , & ipſe novus miles ,

*Vincunt
Romani.* Masinifſam , reſenti ſuper cetera victoria ter-ribilem , fuſtiuere. Nudata utriunque corni-

bus Celtiberum acies ſtabat : quod nec in fuga ſalus ulla oſtendebatur locis ignotis , neque ſpes veniæ ab Scipione erat ; quem , bene meritum de ſe & gente ſua , mercenariis armis in Africam obpugnatum veniſſent. Igitur , circumfuſis undique hostibus , alii ſuper alios caſtentes , oſtinati moriebantur : omnibusque in eos verſiſ , aliquantum ad fu-gam temporis Syphax & Hasdrubal præcepe-runt. Fatigatos cæde diutius , quam pugna , victores nox obpreſſit.

IX. POSTERO die Scipio Lælium Masinif-ſamque , cum omni Romano & Numidico equitatū expeditiſque militū , ad perfequen-dos Syphacem atque Hasdrubalem mittit. Ipſe , cum robore exercitus , urbes circa , quæ

LIBER XXX CAP. IX 107

omnes (*h*) Carthaginensium ditionis erant, *U. c. 549.*
a. C. 203.

partim spe , partim metu , partim vi subegit. *Terror*
Poenorum.

Carthagini quidem erat ingens terror , &
circumferentem arma Scipionem , omnibus
finitimis raptim perdomitis , ipsam Carthagi-
nem repente adgressurum credebant. Itaque

& muri reficiebantur , propugnaculisque ar-
mabantur : & pro se quisque , quæ diutinæ
obsidioni tolerandæ sunt , ex agris convehit.

(i) Rara mentio est pacis , frequentior le-
gatorum ad Hannibalem arcessendum mitten-
dorum. Pars maxima classem , quæ ad com-
meatus excipiendo parata erat , mittente ju-
bent ad obprimendam stationem navium ad
Uticam , incaute agentem : forsitan etiam
navalia castra , relicta cum levi præsidio ,
obpressuros. In hoc consilium maxime incli-
nant : legatos tamen ad Hannibalem mitten-
dos censem. Quippe , classi ut felicissime ge-
rantur res , parte aliqua levare Uticæ obsi-
dionem : Carthaginem ipsam qui tueatur (*k*) ,
neque imperatorem alium , quam Hanniba-
lem , neque exercitum alium , quam Hanni-

(h) urbes circa omnes , quæ Gron. Crey.

(i) conveshebat Gron.

(k) tueantur Gron. Crey.

V. e. 549. balis, superesse. Deductæ ergo postero die
a. C. 203.

*Legati
missi ad re-
vocandum
Hanniba-
lem.* naves, simul & legati in Italiam profecti, raptimque omnia, stimulante fortuna, agebantur : &, in quo quisque cessasset, prodi ab se salutem omnium rebatur. Scipio, gravem jam spoliis multarum urbium exercitum trahens, captivis aliaque præda in vetera castra ad Uticam missis, jam in Carthaginem intentus, occupat relictum fuga custodum Tuneta : abest ab Carthagine quindecim millia ferme passuum locus, quum operibus, tum suapte natura tutus, & qui & ab Carthagine conspici, & præbere ipse prospectum, quum ad urbem, tum ad circumfusum mare urbi, posset.

*Classem
Romanam
invadunt
Carthag.* X. INDE, quum maxime vallum Romani jacerent, conspecta classis hostium est, Uticam Carthagine petens. Igitur, omisso opere, pronunciatum iter, signaque raptim ferri sunt cœpta : ne naves, in terram & obsidionem versæ, ac minime navalii prælio aptæ, obprimerentur. Qui enim restitissent agili & nautico instrumento aptæ & armatae classi naves, tormenta machinasque portantes, & aut in oneriarum usum versæ, aut ita ad pulsæ (1) ad muros, ut pro aggere ac pon-

(1) pulsæ Gron. Crev.

tibus præbere adscensus possent? Itaque Scipio, contra quam innaval certamine folet,
U. c. 549.
a. C. 203.
rostratis, quæ præsidio aliis esse poterant, in postremam aciem receptis prope terram, oneriarum quadruplicem ordinem pro muro adversus hostem obposuit: easque ipsas, ne in tumultu pugnæ turbari ordines possent, malis antennisque de nave in navem trajectis, ac validis funibus velut uno inter se vinculo inligatis, comprehendit: tabulasque superinstravit, ut pervium ordinem faceret (*m*): & sub ipsis pontibus intervalla fecit, qua procurrere speculatoriæ naves in hostem, ac tuto recipi possent. His raptim pro tempore instructis, mille ferme delecti propugnatores onerariis inponuntur: telorum maxime misfilium, ut, quamvis longo certamine, subficerent, vis ingens congeritur. Ita parati atque intenti hostium adventum obperiebantur. Carthaginenses, qui, si maturassent, omnia permixta turba trepidantium primo inpetu obpressissent, perculsi terrestribus cladibus, atque inde né in mari quidem, ubi ipsis plus poterant, satis fidentes, die segni navigatione

(*m*) ut pervius in totum navium ordo effet. Gron. Crev.

U. c. 549. absumto; sub occasum solis in portum (*Rufi-
hona Afri vocant*) classe adpulere. Postero
die sub ortum solis instruxere ab alto naves,
velut ad iustum prælium navale, & tamquam
exituris contra Romanis. Quum diu stetis-
sent, postquam nihil moveri ab hostibus vi-
derunt, tum demum onerarias adgrediuntur.
Erat res minime certamini navalii similis,
proxime speciem muros obpugnantium na-
vium. Altitudine aliquantum onerariæ supera-
bant: ex rostratis Pœni vana pleraque (*ut-
pote supino jaætu*) tela in superiorem locum
mittebant: gravior ac pondere ipso librator
superne ex onerariis ictus erat. Speculatoriæ
naves ac levia ipsa navigia, quæ sub constra-
tis pontium per intervalla excurrebant, primo
ipso tantum inpetu ac magnitudine rostrata-
rum obruebantur: deinde & propugnatori-
bus quoque incommodæ erant, quod per-
mixtæ cum hostium navibus inhibere sæpe
tela cogebant, metu ne ambiguo ictu suis
inciderent: postremo afferes ferreo unco
præfixi (*Harpagones vocant* (n)) ex Punicis
navibus injici in Romanas cœpti. Quos quum
neque ipsos, neque catenas, quibus suspensi

(n) *Harpagonas vocat miles*) Gron. Crev.

LIBER XXX CAP. XI iii

injiciebantur, incidere possent; ut quæque retro inhibita rostrata onerariam hærentem unco traheret, scindi videres vincula, quibus alia aliis innexa erat, serièm aliam simul plurium navium trahi. Hoc maxime modo lacerati quidem omnes pontes, & vix transfiliendi in secundum ordinem navium spatium propugnatoribus datum est. Sex ferme onerariæ puppibus abstractæ Carthaginem sunt: major quam prò re lætitia, sed eo gratior, quod inter adsidas clades ac lacrimas unum quantumcumque ex insperato gaudium adfulserat; cum eo, ut adpareret, haud procul exitio fuisse Romanam classem, ni cestatum a præfectis suarum navium foret, & Scipio in tempore subvenisset.

XI. PER eosdem forte dies, quum Lælius & Masinissa quintodecimo ferme die in Numidiam pervenissent, Massyli (o), regnum paternum Masinissæ, læti ut ad regem diu desideratum concessere. Syphax, pulsis inde præfectis præsidiisque suis, vetere se continebat regno, neutquam quieturus. Stimulabant ægrum amore uxor sacerque: & ita viris equisque abundabat, ut subiectæ oculis

*Naves sex
abstractæ
hunt.*

*Masinissa
regnum re-
cuperauit.*

(o) *Massylii* Gron. Crev.

U. c. 549. regni per multos florentis annos vires etiam
a. C. 203. minus barbaro atque inpotenti animo spiritus

*Syphax
bellum
reparat.*

possent facere. Igitur omnibus, qui bello apti erant, in unum coactis equos, arma, tela dividit. Equites in turmas, pedites in cohortes, sicut quondam ab Romanis centurionibus didicerat, distribuit. Exercitu haud minore, quam quem prius habuerat, ceterum omni prope novo atque incondito, ire ad hostes pergit. Et, castris in propinquo positis, primo pauci equites ex tuto speculantes ab stationibus progredi; inde jaculis submoti recurrere ad suos: inde excursiones in vicem fieri, &, quum pulsos indignatio accenderet, plures subire: quod irritamentum certaminum equestrium est, quum aut vincentibus spes, aut pulsis ira adgregat suos. Ita tum a paucis proelio accenso, omnem utrimque postremo equitatum certaminis studium effudit: ac, dum sincerum equestre proelium erat, multitudo Masæfylorum, ingentia agmina Syphace emittente, sustineri vix poterat: deinde, ut pedes Romanus repento per turmas suas viam dantes intercursu stabilem aciem fecit, absterruitque effuse invehementem fese hostem, primo barbari segnus permittere

*Vincitur
a Laelio &
Masinissa.*

equos;

LIBER XXX CAP. XII 113

equos; deinde stare ac prope turbari novo *U. c. 549.*
genere pugnæ; postremo, non pediti solum *a. C. 203.*
cedere, sed ne equitem quidem sustinere,
peditis præsidio audentem. Jam signa quoque
legionum adpropinquabant. Tum vero Ma-
fæsyli non modo primum inpetum, sed ne
conspicuum quidem signorum atque armorum,
tulerunt: tantum seu memoria priorum cla-
dium, seu præsens terror valuit.

XII. IBI Syphax, dum obequitat hostium *Capitur.*
turmis, si pudore, si periculo suo fugam
sistere posset, equo graviter iecto, effusus
obprimitur capiturque, & vivus, lætum ante
omnes Masinissæ præbiturus spectaculum,
ad Lælrium pertrahitur. Cirta (*p*) caput regni
Syphacis erat: eo se ingens hominum con-
tulit vis. Cædes in eo prælio minor, quam
victoria, fuit, quia equestri tantummodo
prælio certatum fuerat. Non plus quinque
millia occisa, minus dimidium ejus hominum
captum est, inpetu in castra facto, quo
perculsa rege amissæ multitudo se contulerat.
Masinissa; «Sibi quidem [dicere] nihil esse
» in præsentia pulchrius, quam victorem;
» recuperatum tanto post intervallo, patrium

(*p*) *Cirtha Gron.*

Tom. VII.

H

U. e. 549. " invisere regnum : sed tam secundis , quam
a. C. 203. " adversis , rebus non dari spatiū ad cessa-
 dum. Si se Lælius cum equitatu vinctoque
 " Syphace Cirtam præcedere sinat , trepida
 " omnia metu se obpressurum : Lælium cum
 " peditibus subsequi modicis itineribus posse ."
 Adsentiente Lælio , prægressus Cirtam , evo-
 cari ad conloquium principes Cirtensium ju-
 bet. Sed apud ignaros regis casus , neque quæ
 acta essent promendo , nec minis , nec suaden-
 do , ante valuit , quam rex vincitus in con-
 spectum datus est. Tum ad spectaculum tam
 foedum comploratio orta : & partim pavore
 mœnia sunt deserta , partim repentina con-
 sensu gratiam apud viætorem quærentium
 patefactæ portæ. Et Masinissa , præsidio circa
 portas obportunaque mœnium dimisso , ne
 cui fugæ pateret exitus , ad regiam occupan-
 dam citato vadit equo. Intranti vestibulum
 Sophonis-
 ba Mas-
 nissa sup-
 plicat.

in ipso limine Sophonisba , uxor Syphacis ,
 filia Hasdrubalis Poeni , obcurrit : & , quum
 in medio agmine armatorum Masinissam in-
 signem , quum armis , tum cetero habitu ,
 conspexisset , regem esse (id quod erat) rata ,
 genibus advoluta ejus : « Omnia quidem (q)

(q) inf. inquit Gron. Crev.

LIBER XXX CAP. XII 115

» ut posses in nobis, Dii (r) dederunt, vir- *U. c. 549.*
» tusque & felicitas tua. Sed, si captivæ *a. C. 203.*
» apud dominum vitæ necisque suæ vocem
» supplicem mittere licet, si genua, si viðtri-
» cem adtingere dextram, precor quæsoque
» per majestatem regiam, in qua paullo ante
» nos quoque fuimus, per gentis Numidarum
» nomen, quod tibi cum Syphace commune
» fuit, per hujusce regiæ Deos, qui te melio-
» ribus omnibus accipient, quam Syphacem
» hinc miserunt, hanc veniam supplici des;
» ut ipse, quodcumque fert animus, de capti-
» va statuas, neque me in cujusquam Romani
» superbum ac crudele arbitrium venire sinas.
» Si nihil aliud, quam Syphacis uxor, suis-
» sem, tamen Numidæ, atque in eadem me-
» cum Africa geniti, quam alienigenæ &
» externi, fidem experiri mallem. Quid Car-
» thaginiensi ab Romano, quid filiæ Hasdru-
» balis timendum sit, vides. Si nulla alia re-
» potes, morte me ut vindices ab Romano-
» rum arbitrio, oro obtestorque. » Forma
erat insignis & florentissima ætas. Itaque
quum modo, dextram amplectens, in id,
ne cui Romano traderetur, fidem exposceret,

(r.) *in nos Dii tibi Gron, Crev.*

*U. c. 549.
a. C. 203.* propiusque blanditias oratio esset, quam praeces; non in misericordiam modo prolapsus est animus victoris, sed (ut est genus Numidarum in Venerem præcepis) amore captivæ victor captus, data dextera in id, quod petebatur, obligandæ fidei, in regiam concedit. Institit deinde reputare secum ipse, quemadmodum promissi fidem præstaret. Quod quum expedire non posset, ab amore temerarium atque impudens mutuatur consilium. Nuptias in eum ipsum diem repente parari jubet, ne quid relinqueret integri aut Lælio, aut ipsi Scipioni, consulendi velut in captivam, quæ Masinissæ jam nupta foret. Factis nuptiis supervenit Lælius: & adeo non dissimulavit improbare se factum, ut primo etiam cum Syphace & ceteris captivis detractam eam toro geniali mittere ad Scipionem conatus sit. Viatus deinde precibus Masinissæ orantis, ut arbitrium, utrius regum duorum fortunæ accessio Sophonisba esset, ad Scipionem reiiceret; missio Syphace & captivis, ceteras urbes Numidiaæ, quæ præsidiis regiis tenebantur, adjuvante Masinissa, recipit (s).

(s) *recepit Gron. Crev.*

XIII. SYPHACEM in castra abduci , quum
 esset nunciatum , omnis velut ad spectaculum
 triumphi multitudo effusa est. Præcedebat ipse
 vinclitus ; sequebatur grex nobilium Numida-
 rum. Tum , quantum quisque plurimum pos-
 set , magnitudini Syphacis , famæ gentis , victo-
 riam suam augendo , addebat : « illum esse
 » regem , cuius tantum majestati duo poten-
 » tissimi in terris tribuerint populi , Romanus
 » Carthaginensisque , ut Scipio imperator
 » suus ad amicitiam ejus petendam , relicta
 » provincia Hispania exercituque , duabus
 » quinqueremibus in Africam navigaverit :
 » Hasdrubal , Pœnorum imperator , non ipse
 » modo ad eum in regnum venerit , sed etiam
 » filiam ei nuptum dederit. Habuisse eum uno
 » tempore in potestate duos imperatores
 » Poenum Romanumque. Sicut ab Diis inmor-
 » talibus pars utraque hostiis maſtandis pacem
 » petisset , ita ab eo utrimque pariter amici-
 » tiā petitam. Jam tantas habuisse opes , ut
 » Masinissam regno pulsum eo redegerit , ut
 » vita ejus fama mortis & latebris , ferarum
 » modo in silvis rapto viventis , tegeretur. »
 His sermonibus circumstantium celebratus
 rex in prætorium ad Scipionem est perductus.

U. s. 549.

a. C. 203.

*Syphax in
 castra Ro-
 manæ ad-
 ducitur.*

*U. c. 549.
a. C. 203.*

*Conloqui-
tur cum
Scipione,*

Movit & Scipionem quum fortuna pristina
viri præsenti fortunæ conlata, tum recorda-
tio hospitii dextræque datæ, & fœderis pu-
blice ac privatim juncti. Eadem hæc & Sy-
phaci animum dederunt in adloquendo victore.
Nam quum Scipio, « quid sibi voluissest, »
quæreret, « qui non societatem solum ab-
» nuiisset Romanam, sed ultro bellum intu-
» lisset; » tum ille, « peccasse quidem fese-
» atque insanisse, » fatebatur; « sed non tum
» demum, quum arma adversus populum Ro-
» manum cepisset: exitum sui furoris fuisse,
» non principium. Tunc se insanisse, tunc
» hospitia privata & publica fœdera omnia
» ex animo ejecisse, quum Carthaginensem
» matronam domum acceperit. Illis nuptiali-
» bus facibus regiam conflagrasse suam: illam
» furiam pestemque omnibus delinimentis
» animum suum avertisse atque alienasse: nec
» conquiesce, donec ipsa manibus suis nefaria
» sibi arma adversus hospitem atque amicum
» induerit. Perdito tamen atque adflieto sibi
» hoc in miseriis solatii esse, quod in omnium
» hominum inimicissimi sibi domum ac penates
» eamdem pestem ac furiam transisse videat.
» Neque prudentiorem, neque constantiorem

LIBER XXX CAP. XIV 119

» Masinissam, quam Syphacem, esse, etiam *U. C. 549.
a. C. 203.*
» juventa incautiorem. Certe stultius illum
» atque intemperantius eam, quam se, du-
» xisse. »

XIV. HÆC non hostili modo odio, sed amoris etiam stimulis, amatam apud æmulum cernens, quum dixisset; non mediocri cura Scipionis animum pepulit. Et fidem criminibus raptæ prope inter arma nuptiæ, neque consulto, neque exspectato Lælio, faciebant; tamque præceps festinatio, ut, quo die captam hostem vidisset, eodem matrimonio junctam acciperet, & ad penates hostis sui nuptiale sacrum conficeret. Eo fœdiora hæc videbantur Scipioni, quod ipsum in Hispania juvenem nullius forma pepulerat captivæ. Hæc secum volutanti Lælius ac Masinissa supervenerunt; quos quum pariter ambo & benigno vultu excepisset, & egregiis laudibus frequenti prætorio celebrasset; abductum in secretum Massinissam sic adloquitur; « Aliqua te existimo, Masinissa, *Masinissam castigat Scipio.*
» intuentem in me bona, & principio in
» Hispania ad jungendam mecum amicitiam
» venisse, & postea in Africa te ipsum spes-
» que omnes tuas in fidem meam commisisse.
» Atqui nulla earum virtus est, propter quas

U. c. 549. " adpetendus tibi visus sim , qua ego æque ;
 a. C. 203. " atque temperantia & continentia libidinum,
 " gloriatus fuerim. Hanc te quoque ad ceteras
 " tuas eximias virtutes , Masinissa , adjecisse
 " velim. Non est , non (mihi crede) tantum
 " ab hostibus armatis ætati nostræ periculum ,
 " quantum ab circumfusis undique voluptati-
 " bus. Qui eas sua temperantia frenavit ac do-
 " muit , multo (t) majus decus majoremque
 " victoriam sibi peperit , quam nos Syphace
 " victo habemus. Quæ , me absente , strenue
 " ac fortiter fecisti , libenter & commemoravi ,
 " & memini. Cetera te ipsum reputare tecum ,
 " quam , me dicente , erubescere malo. Syphax
 " populi Romani auspiciis vinctus captusque
 " est. Itaque ipse , conjux , regnum , ager ,
 " oppida , homines , qui incolunt , quidquid
 " denique Syphacis fuit , præda populi Ro-
 " mani est ; & regem conjugemque ejus ,
 " etiamsi non civis Carthaginensis esset ,
 " etiamsi non patrem ejus imperatorem hostium
 " videremus , Romam oporteret (u) mitti ,
 " ac senatus populique Romani de ea judicium
 " atque arbitrium esse , quæ regem nobis so-

(t) næ multo Gron.

(u) oportet Gron.

» cium allenasse, atque in arma egisse præci- *U. c. 549^a*
 » pitem dicatur. Vince animum. Cave defor- *a. C. 203^b*
 » mes multa bona uno vitio, & tot merito-
 » rum gratiam majore culpa, quam caussa cul-
 » pæ est, corrumpas. »

XV. MASINISSÆ hæc audienti non rubor
 solum subfusus, sed lacrimæ etiam obortæ :
 &, quum « se quidem in potestate futurum
 » imperatoris » dixisset, orassetque eum, « ut,
 » quantum res sineret, fidei suæ temere ob-
 » tricræ consuleret ; promisisse enim, fese in
 » nullius potestatem eam traditurum, » ex
 prætorio in tabernaculum suum confusus con-
 cessit. Ibi, arbitris remotis, quum crebro
 suspiritu & gemitu, quod facile ab circum-
 stantibus tabernaculum exaudiri posset, ali-
 quantum temporis consumisset ; ingenti ad
 postremum edito gemitu, fidum e servis vo-
 cat, sub cujus custodia regio more ad incerta
 fortunæ venenum erat, & mixtum in poculo
 ferre ad Sophonisbam jubet, ac simul nun-
 ciare ; « Masinissam libenter primam ei fidem
 » præstaturum fuisse, quam vir uxori debue-
 » rit. Quoniam arbitrium ejus, qui possint,
 » adimant, secundam fidem præstare, ne viva
 » in potestatem Romanorum veniat. Memor

*Masinissæ
venenum
mittit ad
Sophonis-
bam.*

U. c. 549. " patris imperatoris, patriæque, & duorum
a. C. 203. " regum, quibus nupta fuisset, sibi ipsa con-
 " fuleret." Hunc nuncium ac simul venenum
 ferens minister quum ad Sophonisbam venis-
 set, " Accipio [inquit] nuptiale munus;
 " neque (v) ingratum, si nihil majus vir
 " uxori præstare potuit. Hoc tamen nuncia,
 " melius me moritaram fuisse, si non in fu-
 " nere meo nupsissim." Non locuta est fero-
 cius, quam acceptum poculum, nullo trepi-
 dationis signo dato, inpavide hausit. Quod
 ubi nunciatum est Scipioni, ne quid æger
 animi ferox juvenis gravius consuleret, ad-
 citum eum extempro nunc solatur; nunc,
 quod temeritatem temeritate alia iuerit, tri-
 fioremque rem, quam necesse fuerit, fece-
 rit, leniter castigat. Postero die, ut a præ-
 senti motu averteret animum ejus, in tribu-
 nal escendit, & concionem advocari jussit.
 Ibi Masinissam, primum regem adpellatum,
 eximiisque ornatum laudibus, aurea corona,
 aurea patera, sella curuli, & scipione eburo-
 neo, toga picta, & palmata tunica donat.
 Addit verbis honorem, " Neque magnificen-
 tius quidquam triumpho apud Romanos,

(v) nec Gron. Crev.

Scipio
Masinis-
sam am-
plissimi-
donis de-
corat.

» neque triumphantibus ampliorem eo ornatu *U. c. 549^a*
 » esse; quo unum omnium externorum dignum *a. C. 203^b*
 » Masinissam populus Romanus ducat. » Læ-
 lium deinde , & ipsum conlaudatum , aurea
 corona donat. Et alii militares viri , prout a
 quoque navata opera erat , donati. His hono-
 ribus mollitus regis animus , erectusque in
 spem propinquam , sublato Syphace , omnis
 Numidiæ potiundæ.

XVI. SCIPIO, C. Lælio cum Syphace aliis-
 que captivis Romam missō, cum quibus &
 Masinissæ legati profecti sunt, ipse ad Tuneta
 rursum castra refert, & , quæ munimenta
 inchoaverat, permunit. Carthaginenses, non
 brevi solum, sed prope vano gaudio, ab satis
 prospera in præsens obpugnatione classis per-
 fusi, post famam capti Syphacis, in quo plus
 prope, quam in Hasdrubale atque exercitu
 suo spei reposuerant, perculsi, jam nullo
 auctore belli ultra auditio, oratores ad pacem
 petendam mittunt triginta seniorum princi-
 pes. Id erat sanctius apud illos consilium,
 maximaque ad ipsum senatum regendum vis.
 Qui ubi in castra Romana & prætorium per-
 venerunt, more adulantium (accepto , cre-
 do , ritu ex ea regione, ex qua oriundi erant)

*Carthaginenses pœ-
 cem pe-
 tunt.*

U. c. 549. procubuerunt. Conveniens oratio tam humili
a. C. 203. adulationi fuit, non culpam purgantium, sed
transferentium initium culpæ in Hannibalem
inpotentiæque ejus fautores. Veniam civitati
petebant, civium temeritate bis jam ante
eversæ, incolumi futurae iterum hostium be-
neficio. « Imperium ex viis hostibus popu-
» lum Romanum, non perniciem, petere.
» Paratis obedienter servire, quæ vellet,
» imperaret. » Scipio, « & venisse ea spe in
» Africam se, [ait] & spem suam prospero
» belli eventu auëtam, victoriam se, non
» pacem, domum reportaturum esse. Tamen,
» quum victoriam prope in manibus habeat,
» pacem non abnuere; ut omnes gentes sciant,
» populum Romanum & fuscipere juste bella,
» & finire. Leges pacis se has dicere. Capti-
*Leges
pacis
& Scipione
ditæ.* » vos, & perfugas, & fugitivos restituant:
» exercitus ex Italia & Gallia deducant:
» Hispania abstineant: insulis omnibus, quæ
» inter Italiam & Africam sunt, decedant:
» naves longas, præter viginti, omnes tra-
» dant: tritici quingenta, hordei trecenta
» millia modium. » Pecuniæ summam quan-
» tam imperaverit, parum convenit. Alibi quin-
» que millia talentum, alibi quinque millia pondo

LIBER XXX CAP. XVII 125

argenti, alibi duplex stipendium militibus imperatum invenio. « His conditionibus [inquit] » placeatne pax, triduum ad consultandum » dabitur. Si placuerit, mecum inducias facite, » Romam ad senatum mittite legatos. » Ita dimissi Carthaginenses, nullas recusandas conditiones pacis quum censuissent, (quippe qui moram temporis quærerent, dum Hannibal in Africam trajiceret) legatos alios ad Scipionem, ut inducias facerent, alios Romam ad pacem petendam mittunt, ducentes paucos in speciem captivos, perfugasque, & fugitivos, quo inpetrabilior pax esset.

*U. c. 549.
a. C. 203.*

*Nihil re-
cusant Pa-
ni moram
quærentes.*

XVII. MULTIS ante diebus Lælius, cum Syphace primoribusque Numidarum captivis, Romam venit; quæque in Africa gesta essent, omnia exposuit ordine Patribus, ingenti omnium & in præfens lætitia, & in futurum spe. Consulti inde Patres regem in custodiā Albam mittendum censuerunt: Lælium retinendum, donec legati Carthaginenses venirent. Supplicatio in quatriduum decreta est. P. Ælius prætor, senatu misso, & concione inde advocata, cum C. Lælio in Rostra escendit. Ibi vero audientes, fusos Carthaginien-sium exercitus, devictum & captum ingentis

*Lælius
cum capti-
vis Romam
venit.*

V. c. 549. nominis regem, Numidiam omnem egregia
a. C. 203. Victoria peragratam, tacitum continere gaudium non poterat, quin clamoribus, quibusque aliis multitudo solet, laetitiam inmodicam significarent. Itaque praetor extemplo edixit,

Oratio Legatorum Masinissae in senatu. « Ut aeditui aedes sacras omnes tota urbe aperirent : circumeundi, salutandique Deos, agendique grates per totum diem populo potestas fieret. » Postero die legatos Masinissae in senatum introduxit. Gratulati primum senatui sunt, « quod P. Scipio prospere res in Africa gessisset : » deinde gratias egerrunt, « quod Masinissam non adpellasset modo regem, sed fecisset, restituendo in paternum regnum : in quo post Syphacem sublatum, si ita Patribus visum esset, sine metu & certamine esset regnaturus. » Dein, « quod conlaudatum pro concione amplissimis decoraasset donis : quibus ne indignus esset, & dedisse operam Masinissam, & porro datum esse. Petere, ut regium nomen certaque Scipionis beneficia & munera senatus decreto confirmaret : & , nisi molestum esset, illud quoque petere Masinissam, ut Numidas captivos, qui Romae in custodia essent, remitterent. Id sibi amplum apud

LIBER XXX CAP. XVIII 127

» populares futurum esse. » Ad ea responsum ^{U. c. 549.} legatis : « Rerum gestarum in Africa prospere ^{a. C. 203.} » communem fibi cum rege gratulationem esse. » Scipionem recte atque ordine videri fecisse, » quod eum regem adpellaverit : & , quid- » quid aliud fecerit, quod cordi foret Masi- » nissæ , ea Patres comprobare atque laudare. » Munera , quæ legati ferrent regi , decreve- runt : sagula purpurea duo cum fibulis aureis singulis , & lato clavo tunicis : & equos duo phaleratos : bina equestria arma cum loricis : & tabernacula , militaremque supellecilem , qualem præberi consuli mos esset. Hæc regi prætor mittere jussus. Legatis in singulos dona ne minus quinum millium , comitibus eorum millium æris : & vestimenta bina legatis , fin- gula comitibus Numidisque , qui ex custodia emissi redderentur regi. Ad hoc ædes liberæ , loca , (x) lauria legatis decreta.

XVIII. EADEM æstate , qua hæc decreta Romæ , & in Africa gesta sunt , P. Quintilius Varus prætor & M. Cornelius proconsul in agro Insubrium Gallorum cum Magone Pœno signis conlatis pugnarunt. Prætoris legiones in prima acie fuerunt: Cornelius suas

*Prallum
cum
Magone.*

(x) ædes , libera loca , Gron,

U. c. 549. in subsidiis tenuit, ipse ad prima signa equo ad-
a. C. 203. vectus: proque duobus cornibus prætor ac pro-
 consul milites ad inferenda in hostes signa sum-
 ma vi hortabantur. Postquam nihil commove-
 bant, tum Cornelio Quinctilius: « Lentior,
 ut vides, » fit pugna: (*y*) & induratus præter
 » spem resistendo hostium timor: ac, ne vertat
 » in audaciam, periculum est. Equestrem pro-
 » cellam excitemus, oportet, si turbare ac
 » statu movere volumus. Itaque vel tu ad
 » prima signa prælium sustine, ego inducam
 » in pugnam equites: vel ego hic in prima
 » acie rem geram, tu quatuor legionum equi-
 » tes in hostem emitte. » Utram vellet præ-
 tor, muneris partem proconsule accipiente,
 Quinctilius prætor cum filio, cui Marco
 prænomen erat, in pigro juvene, ad equites
 pergit: jussosque escendere in equos repente
 in hostem emittrit. Tumultum equestrem auxit
 clamor ab legionibus additus: nec stetisset
 hostium acies, ni Mago, ad primum equitum
 motum, paratos elephantos extemplo in præ-
 lium induxisset. Ad quorum stridorem odo-
 remque & adspectum territi equi vanum
 equestre auxilium fecerunt. Et ut permixtus,
 ubi cuspipe uti & cominus gladio posset,

{*y*} add. *inquit Gron. Crev.*

roboris

LIBER XXX CAP. XVIII 129

roboris majoris Romanus eques erat; ita in ablatum parentibus procul equis melius ex intervallo Numidæ jaculabantur. Simul & peditum legio duodecima, magna ex parte cæsa, pudore magis, quam viribus, tenebat locum. Nec diutius tenuisset, ni ex subsidiis tertiadecima legio, in primam aciem inducta, proelium dubium exceperisset. (z) Mago quoque (a) ex subsidiis Gallos integræ legioni obposuit (b). Quibus haud magno certamine fusis, hastati legionis undecimæ congregabant se, atque elephantes jam (c) peditum aciem turbantes invadunt. In quos quum pila confertos conjectissent, nullo ferme frustra emisso, omnes retro in aciem suorum averterunt: quatuor gravati vulneribus conruerunt. Tum prima commota hostium acies, simul omnibus peditibus, ut aversos videre elephantes, ad augendum pavorem ac tumultum effusis. Sed, donec stetit ante signa Mago, gradum sensim referentes ordines, tenorem pugnae servabant; postquam feminine

(z) *expedisset* Gron.

(a) *Magoque* Gron. Crev.

(b) *obposuisset* Gron.

(c) *jam etiam* Gron. Crev.

U. c. 549.

a. C. 203.

*U. c. 549.
a. C. 203.* transfixo cadentem , auferrique ex prælio prope exsanguem videre, extemplo in fugam *Vincunt
Romani.* omnes verfi. Ad quinque millia hostium eo die cæsa , & signa militaria duo & viginti capta. Nec Romanis incruenta victoria fuit : duo millia & trecenti de exercitu prætoris , pars multo maxima ex legione duodecima , amissi. Inde & tribuni militum duo , M. Cosconius , & M. Mænius : tertiae decimæ quoque legionis , quæ postremo prælio adfuerat , Cn. Helvius tribunus militum in restituenda pugna cecidit , & duo & viginti ferme equites inlustres , obtriti ab elephantis , cum centurionibus aliquot perierunt : & longius certamen fuisset , ni vulnere ducis concessa victoria esset.

*Mago
jussus in
Africanam
redire.*

XIX. MAGO , proximæ noctis silentio profectus , quantum pati viæ per vulnus poterat , itineribus extensis , ad mare in Ligures Ingaunos pervenit. Ibi eum legati ab Carthagine , paucis ante diebus in finum Gallicum adpulsis navibus , adierunt , jubentes , primo quoque tempore in Africam trajicere. *Idem* » & fratrem ejus Hannibalem (nam ad eum » quoque esse legatos eadem jubentes) factu- » rum. Non in eo esse Carthaginensium res ,

LIBER XXX CAP. XIX 131

„ut Galliam atque Italiam armis obtineant.“ *U. c. 549.*
a. C. 203.

Mago, non imperio modo senatus periculo-
 que patriæ motus, sed metuens etiam, ne
 viator hostis moranti instaret, Liguresque
 ipsi, relinquì Italiam a Poenis cernentes, ad
 eos, quorum mox in potestate futuri essent,
 deficerent; simul sperans leniorem in náviga-
 tionē, quam in via, jałtationem vulneris
 fore, & curationi omnia commodiora, in-
 positis copiis in naves profectus, vixdum su-
 perata Sardinia, ex vulnere moritur: naves *In naviga-*
 quoque aliquot Poenorū disiectæ in alto a *tione mor-*
 classe Romana, quæ circa Sardiniam erat,
 capiuntur. Hæc terra mariquæ in parte Italæ,
 quæ jacet ad Alpes, gesta. Consul C. Servi-
 lius, nulla memorabili re in provincia Etru-
 ria & Gallia (quoniam eo quoque procef-
 ferat) gesta, patre C. Servilio & C. Luta-
 tio (*d*) ex servitute post sextumdecimum
 annum receptis, qui ad vicum Tanetum a
 Boiis capti fuerant, hinc patre, hinc Catulo
 lateri circumdati, privato magis, quam pu-
 blico decore insignis, Romanū rediit. Latum
 ad populum est, „ne C. Servilio fraudi esset,
 „quod patre, qui sella curuli sedisset, vivo,

(*d*) add. *patruo Gron. Crev.*

U. c. 549. " quum id ignoraret , tribunus plebis atque
a. C. 203. " ædilis plebis fuisse, contra quam sanctum
" legibus erat. " Hac rogatione perlata , in
provinciam rediit. Ad Cn. Servilium consu-
lem , qui in Bruttii erat , Consentia , Uffu-
gum , Vergæ , Besidiæ , Hetriculum , Syphenum ,
Argentanum , Clampetia , multique alii igno-
biles populi , senescere Punicum bellum cer-
nentes , defecere. Idem consul cum Hannibale
in agro Crotoniensi acie conflixit. Obscura
ejus pugnæ fama est. Valerius Antias quin-
que millia hostium cæsa ait. Quæ tanta res
est , ut aut inpudenter ficta sit , aut negle-
genter prætermissa. Nihil certe ultra rei in
Italia ab Hannibale gestum. Nam ad eum
quoque legati ab Carthagine , vocantes in
Africam , iis forte diebus , quibus ad Mago-
nem , venerunt.

Hanniba-
lits revoca-
ti ex Ita-
lia dolor. XX. FRENDENS gemensque , ac vix lacri-
mis temperans , dicitur legatorum verba au-
disse. Postquam edita sunt mandata , " Jam
" non perplexe [inquit] sed palam revocant ,
" qui , vetando supplementum & pecuniam
" mitti , jampridem retrahebant. Vicit ergo
" Hannibalem non populus Romanus toties
" cæsus fugatusque , sed senatus Carthaginien-

LIBER XXX CAP. XX 133

„ sis obtrectatione atque invidia : neque hac *U. c. 549.*
„ deformitate redditus mei tam P. Scipio exsul- *a. C. 203.*
„ tabit atque efferet se, quam Hanno, qui
„ domum nostram, quando alia re non potuit,
„ ruina Carthaginis opprescit. „ Jam hoc ipsum
præsagiens animo, præparaverat ante naves.
Itaque, inutili militum turba præsidii specie
in oppida Brutii agri, quæ pauca magis
metu, quam fide, continebantur, dimissa,
quod roboris in exercitu erat, in Africam
transverkit : multis Itali generis (quia in
Africam secuturos abnuentes concesserant in
Junonis Laciniæ delubrum, inviolatum ad
eam diem) in templo ipso foede imperfectis.
Raro quemquam alium, patriam exsiliī cauſa
relinquentem, magis mœſtum abiffe ferunt,
quam Hannibalem hostium terra excedentem :
respixisse ſæpe Italæ litora, & Deos homi-
nesque accusantem, in ſe quoque ac ſuum
ipsius caput exſecratum, „ Quod non cruen-
tum ab Cannensi victoria militem Romanum
duxiflet. Scipionem ire ad Carthaginem au-
sum, qui consul hostem in Italia Pœnum
non vidiflet. Se, centum millibus armato-
rum ad Trasimenum & Cannas cæſis, cir-
v ca Casilinum, Cumasque, & Nolam con-

*U. c. 549. " senuisse. " Hæc accusans querensque , ex
a. C. 203. diutina possessione Italiae est detractus.*

XXI. ROMAM per eosdem dies , & Mago-
nem & Hannibalem profectos , adlatum est;
Cujus duplicitis gratulationis minuit lætitiam ,
& quod parum duces in retinendis iis (quum
id mandatum ab senatu esset) aut animi , aut
virium habuisse videbantur ; & quod solliciti
erant , omni belli mole in unum ducem exer-
citumque inclinata , quo evasura esset res .
Per eosdem dies legati Saguntini venerunt ,
comprehensos cum pecunia adducentes Car-
thaginienses , qui ad conducenda auxilia in
Hispaniam trajecissent . Ducentum & quinqua-
ginta auri , octingentum pondo argenti in
vestibulo curiæ posuerunt . Hominibus ac-
ceptis & in carcerem conditis , auro argen-
toque redditio , gratiæ legatis æctæ : atque
insuper munera data ac naves , quibus in
Hispaniam reverterentur . Mentio deinde ab
senioribus facta est , « Segnus homines bona ,
» quam mala , sentire . Transitu in Italiam
» Hannibal , quantum terroris favorisque ,
» se se meminisse , quas deinde clades , quos
» luctus incidisse ? Visa castra hostium e mu-
» ris urbis : quæ vota singulorum universo-

LIBER XXX CAP. XXII 135

» rumque fuisse? quoties in conciliis voces, *U. c. 540.*
 » manus ad cœlum porrigentium auditas; en *a. C. 203.*
 » umquam ille dies futurus esset, quo vacuam
 » hostibus Italiam bona pace florentem visuri
 » essent? Dediisse tandem id Deos sextode-
 » cimo demum anno: nec esse, qui Diis
 » grates agendas censeant. Adeo ne advenien-
 » tem quidem gratiam homines benigne acci-
 » pere, nedum ut præteritæ satis memores
 » sint. » Conclamatum deinde ex omni parte
 curiæ est, uti referret P. Ælius prætor: de-
 cretumque, ut quinque dies circa omnia pul-
 vinaria supplicaretur, viætimæque majores
 immolarentur centum viginti. Jam dimisso
 Lælio legatisque Masinissæ, quum Carthagin-
 nensium legatos de pace ad senatum venien-
 tes Puteolis visos, inde terra venturos adlatum
 esset; revocari C. Lælium placuit, ut
 coram eo de pace ageretur. Q. Fulvius Gillo,
 legatus Scipionis, Carthaginenses Romanam
 adduxit: quibus, vetitis ingredi urbem,
 hospitium in villa publica, segatus ad ædem
 Bellonæ datus est.

XII. ORATIONEM eamdem ferme, quam
 apud Scipionem, habuerunt, culpam omnem
 belli a publico consilio in Hannibalem ver-

*Supplica-
tio Romæ
decreta ob
discessum
Hanniba-
lis.*

*Legati
Carthagi-
nenses do
pace.*

U. c. 349. tentes. « Eum injussu senatus non Alpes mo-
a. C. 203. » do , sed Iberum quoque , transgressum : nec
 » Romanis solum , sed ante etiam Saguntinis,
 » privato consilio bellum intulisse. Senatui
 » ac populo Carthaginensi , si quis vere æsti-
 » met , fœdus ad eam (e) diem inviolatum
 » esse cum Romanis. Itaque nihil aliud sibi
 » mandatum esse , uti peterent , quam ut in
 » ea pace , quæ postremo cum consule Luta-
 » tio facta esset , manere liceret . » Quum ,
 more tradito , Patribus potestatem interro-
 gandi , si quis quid vellet , legatos , prætor
 fecisset ; senioresque , qui fœderibus inter-
 fuerant , alia alii interrogarent , nec memi-
 nisse per ætatem (etenim omnes ferme ju-
 venes erant) dicenter legati ; conclamatum
 ex omni parte curiæ est , « Punica fraude
 » electos , qui veterem pacem repeterent ,
 » cuius ipsi non meminissent . »

XXIII. EMOTIS deinde curia legislati , sen-
 tentiæ interrogari coepitæ. M. Livius « C.
 » Servilium consulem , qui propior esset ,
 » arcessendum , ut coram eo de pace agere-
 » tur , » censebat. « Quum de re majore ,
 » quam quanta ea esset , consultatio incidere

(e) eum Gron. Crœv.

LIBER XXX CAP. XXIII 137

» non posset, non videri sibi, absente con- *U. c. 549.*
» sulum a'tero, ambobusve, eam rem agi, *a. C. 203.*
» satis ex dignitate populi Romani esse. » Q.
Metellus, qui triennio ante consul dictator-
que fuerat, « Quum P. Scipio, cædendo
» exercitus, agros populando, in eam neces-
» sitatem compulisset hostes, ut supplices pa-
» cem peterent; & nemo omnium verius
» existimare posset, qua mente ea pax pete-
» tur, quam is, qui ante portas Carthagi-
» nis bellum gereret; nullius alterius consi-
» lio, quam Scipionis, accipiendam abnuen-
» damve pacem esse. » M. Valerius Lævinus,
qui bis consul fuerat, « Speculatores, non
» legatos, venisse, » arguebat: « jubendos-
» que Italia excedere, & custodes cum iis
» usque ad naves mittendos; Scipionique scri-
» bendum, ne bellum remitteret. » Lælius
Fulviusque adjecerunt: « Et Scipionem in eo
» positam habuisse spem pacis, si Hannibal
» & Mago ex (*f*) Italia non revocarentur.
» Omnia simulaturos Carthaginenses, duces
» eos exercitusque exspectantes: deinde,
» quamvis recentium fœderum & Deorum
» omnium oblitos, bellum gesturos. » Eo

(*f*) ex del. Gran. Crey.

U. c. 549. magis in Lævii sententiam discessum. Legati
a. C. 203. pace infecta, ac prope sine responso, dimisi,

Re infecta
dimisi.

XXIV. PER eos dies Cn. Servilius consul,

haud dubius, quin pacatæ Italæ penes se
 gloria esset, velut pulsum ab se Hannibalem

Cn. Servilius ex Si-
cilia revo-
catur.

persequens, in Siciliam, inde in Africam
 transiturus, trajecit. Quod ubi Romæ vul-
 gatum est, primo censuerunt Patres, ut præ-
 tor scriberet consuli, senatum æquum cen-
 sere, in Italiam reverti eum: deinde, quum
 prætor, spreturum eum literas suas, diceret,
 dictator ad id ipsum creatus P. Sulpicius, pro-
 jure majoris imperii, consulem in Italiam
 revocavit: reliquum anni, cum M. Servilio
 magistro equitum, circumueundis Italæ urbi-
 bus, quæ bello alienatæ fuerant, noscendi-
 que singularum caussis consumxit. Per indu-

Commea-
tus ex Sar-
dinia in
Africam.

ciarum tempus & ex Sardinia ab Lentulo
 prætore centum onerariæ naves, cum com-
 meatu & viginti rostratarum præsidio, & ab
 hoste & ab tempestatibus mari tuto, in Afri-
 cam transmiserunt, Cn. Oæstavio ducentis one-

Ex Sicilia. rariis, triginta longis navibus ex Sicilia tra-
 jicienti, non eadem fortuna fuit. In conspectum
 ferme Africæ prospero cursu vextum primo
 destituit ventus; deinde versus in Africum

LIBER XXX CAP. XXV 139

turbavit, ac passim naves disjecit. Ipse cum rostratis, per adversos fluctus ingenti remigum labore eniſus, Apollinis promontorium tenuit. Onerariæ, pars maxima ad Ægimurum (insula ea finum ab alto claudit, in quo sita Carthago est, triginta ferme millia ab urbe) aliæ aduersus urbem ipsam ad Callidas Aquas delatæ sunt. Omnia in conspectu Carthaginis erant. Itaque ex tota urbe in forum concursum est. Magistratus senatum vocare, populus in curiæ vestibulo fremere, ne tanta ex oculis manibusque amitteretur præda. Quum quidam pacis petitæ, alii induciarum (necdum enim dies exierat) fidem obponerent, permixto pene senatus populique concilio, consensum est, ut classe quinquaginta navium Hasdrubal Ægimurum tracieret: inde per litora portusque dispersas Romanas naves conligeret. Desertæ fuga nautarum, primum ab Ægimuro, dein ab Aquis onerariæ Carthaginem puppibus tractæ sunt.

XXV. NONDUM reverterant ab Roma legati, neque sciebatur, quæ senatus Romani de bello aut pace sententia esset; necdum induciarum dies exierat; eo indignorem

U. e. 549.

a. C. 203.

*Classis dis-
jettavento.*

*Naves
onerarie
a Cartha-
ginensibus
captæ.*

*U. e. 549
a. C. 203.*

*Legati
Rom.
a Cartha-
ginensibus
prope vio-
lati.*

injuriam ratus Scipio, ab iis, qui petiissent pacem & inducias, & spem pacis & fidem induciarum violatam esse, legatos Carthaginem, L. (g) Baebium, L. Sergium, L. Fa- bium extemplo misit. Qui, quum multitudinis concursu prope violati essent, nec redi- tum tutiorem cernerent futurum, petierunt a magistratibus, quorum auxilio vis prohi- bita erat, ut naves mitterent, quae se prose- querentur. Datae triremes duae, quum ad Bagradam flumen pervenissent, unde castra Romana conspiciebantur, Carthaginem rediere. Classis Punica ad Uticam stationem habebat. Ex ea tres quadriremes, seu clam misso a Carthagine nuncio, uti fieret, seu Hasdrubale, qui classi praeerat, sine publica fraude auso facinus, quinqueremem Romanam supe- rantem promontorium ex alto repente ad- gressae sunt. Sed neque rostro ferire celeri- tate subterlabentem poterant, neque transfilire armati ex humilioribus in altiore navem: & defendebatur egregie, quoad tela suppedi- tarunt. Quis deficien- tibus, quum jam nulla alia res eam, quam propinquitas terrae, mul- titudoque a castris in litus effusa, tueri pa-

(g) M. Gron. Crev.

(b)

LIBER XXX CAP. XXVI 141

tuisset; concitatam remis, quanto maximo *U. c. 549.
a. C. 203.*
inpetu poterant, in terram quum inmisissent, navis tantum jaictura facta, incolumes ipsi evaserunt. Ita alio super aliud scelere quum haud dubie induciæ ruptæ essent, Lælius Fulviusque ab Roma cum legatis Carthaginensisbus supervenerunt. Quibus Scipio, « Etsi non induciarum modo fides a Carthaginensisbus, sed jus etiam gentium in legatis » violatum esset; tamen se nihil, nec insti- « turis populi Romani, nec suis moribus in- » dignum, in iis facturum esse, » quum di- xisset, legatis dimissis, bellum parabat. Hannibali jam terræ adpropinquanti jussus e nauticis unus (*h*) descendere in malum, ut specu- laretur, quam tenerent regionem, quum di- xisset, sepulcrum dirutum proram spectare, abominatus, prætervehi jusso gubernatore, ad Leptim adpulit classem, atque ibi copias *Leptim
adpellit
Hannibal.*

XXVI. HÆC eo anno in Africa gesta. In- sequentia excedunt in eum annum, quo M. Servilius Geminus qui tum magister equitum ~~est~~, & Ti. Claudius Nero consules facti sunt. Ceterum exitu superioris anni quum

(*b*) *unus del. Gron.*

U. c. 549. legati sociarum urbium ex Græcia questi
a. C. 203. essent, vastatos agrōs ab regiis præsidiis,
Legati ad profectosque in Macedoniam legatos ad res
Philippum repetendas non admissos ad Philippum regem:
misi a Ro- simul nunciassent, quatuor millia militum
maniss. cum Sopatō duce trajecta in Africam dici,
ut essent Carthaginensibus præsidio, & pecu-
niæ aliquantum una missum; legatos ad re-
gem, qui hæc adversus fœdus facta videri
Patribus nunciarent, mittendos censuit sena-
tus. Missi C. Terentius Varro, C. Mamilius,
M. Aurelius. Iis tres quinqueremes datae.
Annis insignis incendio ingenti, quo clivus
Publicius ad solum exustus est, & aquarum
magnitudine: sed annonæ vilitas fuit, præ-
terquam quod pace omnis Italia erat aperta,
etiam quod magnam vim frumenti, ex Hispania
misfam, M. Valerius Falto & M. Fabius
Buteo ædiles curules quaternis æris vicatim
populo descripsérunt. Eodem anno Q. Fabius
Q. Fabii Maximus moritur, exactæ ætatis; siquidem
Max. mors verum est, augurem duos & sexaginta annos
& laudes. fuisse, quod quidam auctores sunt. Vir certe
fuit dignus tanto cognomine, vel si novum
ab eo inciperet. Superavit paternos honores,
avitos æquavit. Pluribus victoriis & majori-

bus prœliis avus insignis Rullus; sed omnia
 æquare unus hostis Hannibal potest. Cautior
 tamen, quam promptior, hic habitus fuit: &,
 sicut dubites, utrum ingenio cunctator fuerit,
 an quia ita bello proprie, quod tum gere-
 batur, aptum erat; sic nihil certius est, quam
 unum hominem nobis cunctando rem resti-
 tuisse, sicut Ennius ait. Augur in locum ejus
 inauguratus Q. Fabius Maximus, filius · in
 ejusdem locum pontifex (nam duo facerdotia
 habuit) Ser. Sulpicius Galba. Ludi Romani
 diem unum, plebeii ter toti instaurati ab
 ædilibus, M. Sextio Sabino & Cn. (i) Tre-
 mellio Flacco. Ii ambo prætores facti, &
 cum iis C. Livius Salinator & C. Aurelius
 Cotta. Comitia ejus anni utrum C. Servilius
 consul habuerit, an (quia eum res in Etruria
 tenuerint, quæstiones ex senatusconfulto
 de conjurationibus principum habentem)
 dictator ab eo dictus P. Sulpicius, incertum
 ut sit, diversi auctores faciunt.

*U. c. 550.
a. C. 202.*

XXVII. PRINCIPIO insequentis anni, M.
 Servilius & (k) Ti. Claudio, senatu in
 Capitolium vocato, de provinciis retulerunt,

*M. Servi-
lio, Ti.
Claudio
Coff.*

(i) C. Gron. Crev.

(k) & del. Gron. Crev.

U. c. 350. Italiam atque Africam in fortē conjici;
 s. C. 202.
~~Provinciæ.~~ Africam ambo cupientes, volebant. Ceterum,
 Q. Metello maxime admittente, neque data,
 neque negata est Africa. Consules iussi cum
 tribunis plebis agere, ut, si iis videretur,
 populum rogarent, quem vellet in Africa bel-
 lum gerere. Omnes tribus P. Scipionem jus-
 ferunt. Nihilominus consules provinciam
 Africam (ita enī senatus decreverat) in
 fortē conjecterunt. Ti. Claudio Africa eve-
 nit, ut quinquaginta navium classem, omnes
 quinqueremes, in Africam trajiceret, pari-
 que imperio cum Scipione imperator esset.
 M. Servilius Etruriam sortitus. In eadem
 provincia & C. Servilio prorogatum impe-
 rium, si consulem manere ad urbem senatiū
 placuisse. Prætores, M. Sextius Galliam est
 sortitus, ut duas legiones provinciamque
 traderet ei P. Quintilius Varus; C. Livius
 Bruttios cum duabus legionibus, quibus P.
 Sempronius proconsul priore anno præfue-
 rat: Cn. Tremellius Siciliam, ut ab P. Villio
 Tappulo prætore prioris anni provinciam &
 duas legiones acciperet; Villius proprætor
 viginti navibus longis, militibus mille, oram
 Sicilicæ turaretur: inde M. Pomponius viginti
 navibus

I
m conjici;
Ceterum,
que data,
jussi cum
deretur,
frica bel-
em juf-
vinciam
rat) in
ca eve-
, omnes
et, pari-
or effet.
eadem
impe-
senatui
lliam est
ciamque
C. Livius
ibus P.
præfue-
Villio
ciam &
oprætor
le, oram
us viginti
navibus

LIBER XXX CAP. XXVIII 145

navibus reliquis mille & quingentos milites *U. c. 550.*
Romam deportaret. C. Aurelio Cottæ urbana *a. C. 202.*
evenit. Ceteris, ita uti quisque obtinebant
provincias exercitusque, prorogata imperia.
Sexdecim non amplius eo anno legionibus *Legiones*
defensum imperium est. Et ut placatis Diis *i6.*
omnia inciperent agerentque, ludos, quos,
M. Claudio Marcello, T. Quinctio consulibus,
T. Manlius dictator, quasque hostias majo-
res voverat, si per quinquennium illud respu-
blica eodem statu fuisset, ut eos ludos con-
sules, priusquam ad bellum proficiscerentur,
facerent. Ludi in circo per quatriduum facti:
hostiaeque, quibus votæ erant Diis, cæsæ.

XXVIII. INTER hæc simul spes, simul cura
in dies crescebat: nec satis certum constare
apud animum poterat, utrum gaudio dignum
effet, Hannibalem, post sextumdecimum an-
num ex Italia decedentem, vacuam posse-
sionem ejus reliquisse populo Romano, an
magis meruendum, quod incolum exercitu
in Africam transisset. « Locum nimirum, non
» periculum, mutatum; cuius tantæ dimica-
» cationis vatem, qui nuper decessisset, Q.
» Fabium haud frustra canere solitum, gra-
» viorem in sua terra futurum hostem Han-

*Anxit
Romani ob
transiūm
Hanibal-
lis.*

U. e. 550. " nibalem , quam in aliena fuisset. Nec Sci-
a. C. 202. " pioni aut cum Syphace , inconditæ barba-
 " riæ rege , cui Statorius semilixa ducere
 " exercitus solitus sit , aut cum socero ejus
 " Hasdrubale , fugacissimo duce , rem futu-
 " ram , aut tumultuariis exercitibus , ex agres-
 " tium semiermi turba subito conlectis ; sed
 " cum Hannibale , prope nato in prætorio
 " patris fortissimi ducis , alito atque educato
 " inter arma , puero quondam fililite , vix-
 " dum juvene imperatore : qui senex vincen-
 " do factus , Hispanias , Gallias , Italiam ab-
 " Alpibus ad fretum monumentis ingentium
 " rerum complexfet : ducere exercitum æqua-
 " lem stipendiis suis , duratum omnium re-
 " rum patientia , quas vix fides fiat homines
 " passos ; perfusum millies cruore Romano ;
 " exuvias non militum tantum , sed etiam
 " imperatorum , portantem. Multos obcur-
 " furos Scipioni in acie , qui prætores , qui
 " imperatores , qui consules Romanos sua
 " manu occidissent , muralibus vallaribusque
 " insignes coronis , pervagatos capta castra ,
 " captas urbes Romanas. Non esse hodie tot
 " fasces magistratibus populi Romani , quor-
 " am captos ex cæde imperatorum præferre posset

» Hannibal. » Has formidines agitando animis, *U. c. 550.*
ipſi curas & metus augebant etiam, quod, *a. C. 202.*
quum adsueſſent per aliquot annos bellum
ante oculos aliis atque aliis in Italie parti-
bus, lenta ſpe, in nullum propinquum debel-
landi finem gerere, erexerant omnium animos
Scipio & Hannibal, velut ad supremum cer-
tamen comparati duces. Ii quoque, quibus
ingens erat in Scipione fiducia & victoriæ
ſpes, quo magis in propinquam eam inimine-
bant animis, eo curæ intentioris erant. Haud
dispar habitus animorum Carthaginensibus
erat: quos modo petiſſe pācem, intuentes
Hannibalem ac rerum gestarum ejus magni-
tudinem, pœnitiebat: modo, quum respice-
rent, bis fefe acie viētos, Syphacem captum,
pulsos se Hispania, pulsos Italia, atque ea
omnia unius virtute & consilio Scipionis
facta, velut fatālem eum ducem in exiūm
ſtium natum horrebant.

XXIX. JAM Adrumetum venerat Hannibal:
unde, ad reficiendum ex jaſtatione maritima
militem paucis diebus ſumtiſ, excitus pavi-
dis nunciis, omnia circa Carthaginem obti-
neri armis, adferentium, magnis itineribus
Zamam contendit. Zama quinque dierum iter

*U. c. 550.
a. C. 202.*

*Speculator-
res Hanni-
balis a
Scipione
dimissi.*

ab Carthagine abeſt. Inde præmissi ſpecula-
tores quum excepti a custodibus Romanis
deducti ad Scipionem eſſent, traditos eos tri-
bunis militum, jufſoſque omiſſo metu viſere
omnia, per caſtra, qua vellent, circumduci
juſſit: percunctatusque, ſatin' per commodum
omnia exploraffent, datis, qui profequeren-
tur, retro ad Hannibalem dimiſit. Hannibal
nihil quidem eorum, quæ nunciabantur,
(nam & , Maſinifſam cum ſex millibus pedi-
tum, quatuor equitum veniſſe eo ipſo forte
die, adſerebant) læto animo audiit (1),
maxime hostis fiducia, quæ non de nihilo
profecto concepta eſt, perculſus. Itaque,
quamquam & ipſe cauſa belli erat, & ad-
ventu ſuo turbaverat & paſtas inducias, &
ſpem foederum; tamen, ſi integer, quam fi-
viſtus, peteret pacem, æquiora impetrari
poſſe ratus, nuncium ad Scipionem miſit,
ut conloquendi ſecum potestatem faceret. Id
utrum ſua ſponte fecerit, an publico conſi-
lio, neutrum cur adſirmem, habeo. Valerius
Antias, primo pœlio viſtum eum a Scipo-
ne, quo duodecim millia armatorum in acie
ſunt cæſa, mille & ſeptingenti capti, lega-

(1) audivit Gron. Crev.

LIBER XXX CAP. XXX 149

tum cum aliis decem legatis tradit in castra *U. c. 550.
a. C. 202.*
ad Scipionem venisse. Ceterum Scipio quum
conloquium haud abnusset, ambo ex com-
posito duces castra protulerunt, ut coire ex
propinquo possent. Scipio haud procul Narag-
gara (*m*) urbe, tum ad cetera loco obpor-
tuno, tum quod aquatio intra teli conjectum
erat, consedit. Hannibal tumulum a quatuor
millibus inde, tutum commodumque alioquin,
nisi quod longinquæ aquationis erat, cepit.
Ibi in medio locus conspectus undique, ne
quid insidiarum esset, delectus.

XXX. SUBMOTIS pari spatio armatis, cum
singulis interpretibus congressi sunt, non suæ
modo ætatis maximi duces, sed omnis ante
se memoriæ, omnium gentium cuilibet re-
gum imperatorumve pares. Paullisper alter
alterius conspectu, admiratione mutua prope
adtoniti conticuere. Tum Hannibal prior,
« Si hoc ita fato datum erat, ut, qui primus *Hannibalis
lis
oratio.*
» bellum intuli populo Romano, quique
» toties prope in manibus victoriam habui,
» is ultro ad pacem petendam venirem; lætor
» te mihi forte potissimum datum, a quo
» peterem. Tibi quoque inter multa egregia

(*m*) *Nadagara Gron. Crev.*

V. c. 550. " non in ultimis laudum hoc fuerit, Hanni-
a. C. 202. " balem, cui tot de Romanis ducibus victo-
" riam Dii dedissent, tibi cessisse; teque huic
" bello, vestris prius, quam nostris, cladi-
" bus insigni, finem inposuisse. Hoc quoque
" ludibrium casus ediderit fortuna, ut, quum
" patre tuo consule ceperim arma, cum eo-
" dem primum Romano imperatore signa con-
" tulerim; ad filium ejus inermis ad pacem
" petendam veniam. Optimum quidem fue-
" rat, eam patribus nostris mentem datam ab
" Diis esse, ut & vos Italiae, & nos Africæ
" imperio contenti essemus: neque enim ne
" vobis quidem Sicilia ac Sardinia satis digna
" pretia sunt pro tot classibus, tot exerciti-
" bus, tot tam egregiis amissis ducibus. Sed,
" præterita magis reprehendi possunt, quam
" corrigi. Ita aliena adpetivimus, ut de nostraris
" dimicaremus, nec in Italia solum vobis
" bellum, nobis in Africa esset: sed & vos
" in portis vestris prope ac mœnibus signa
" armaque hostium vidistis, & nos ab Car-
" thagine fremitum castrorum Romanorum
" exaudimus. Quod igitur nos maxime abo-
" minaremur, vos ante omnia optaretis, in
" meliore vestra fortuna de pace agitur: agi-

VII
LIBER XXX CAP. XXX 151

» mus ii, quorum & maxime interest pacem *U. e. 550^a*
» esse, & qui quodcumque egerimus, ratum *a. C. 202.*
» civitates nostræ habituræ sint. Animo
» tantum nobis opus est non abhorrente
» a quietis consiliis. Quod ad me adti-
» net, jam ætas senem in patriam reverten-
» tem, unde puer profectus sum, jam se-
» cundæ, jam adversæ res, ita erudierunt,
» ut rationem sequi, quam fortunam, malim.
» Tuam & adolescentiam & perpetuam feli-
» citatem, ferociora utraque, quam quietis
» opus est consiliis, metuo. Non temere in-
» certa casuum reputat, quem fortuna num-
» quam decepit. Quod ego fui ad Trasime-
» num, ad Cannas, id tu hodie es. Vixdum
» militari ætate imperio accepto, omnia au-
» dacissime incipientem nusquam fecellit for-
» tuna. Patris & patrui persecutus mortem,
» ab calamitate vestræ domus decus insigne
» virtutis pietatisque eximiæ cepisti : amissas
» Hispanias recuperasti, quatuor inde Puni-
» cis exercitibus pulsis : consul creatus, quum
» ceteris ad tutandam Italiam parum animi
» esset, transgressus in Africam, duobus hic
» exercitibus cæsis, binis eadem hora captis
» simul incensisque castris, Syphace poten-

U. e. 550. » tissimo rege capto , tot urbibus regni ejus,
 a. C. 202. » tot nostri imperii ereptis , me sextumdeci-
 » mum jam annum hærentem in possessione
 » Italiæ detraxisti. Potest victoriam , inquam
 » (n) , malle , quam pacem , animus. Novi (o)
 » spiritus magis magnos , quam utiles. Et
 » mihi talis aliquando fortuna adfulsit. Quod
 » si in secundis rebus bonam quoque mentem
 » darent Dii ; non ea solum , quæ evenissent ,
 » sed etiam ea , quæ evenire possent , repu-
 » taremus. Ut omnium obliviscaris aliorum ,
 » satis ego documenti in omnes casus sum.
 » Quem modo castris inter Anienem atque
 » urbem vestram positis (p) , signa inferen-
 » tem ad mœnia Romana ; hic cernis , duo-
 » bus fortissimis viris fratribus clarissimis
 » imperatoribus orbatum , ante mœnia prope
 » obseßæ patriæ , quibus terrui vestram ur-
 » bem , ea pro mea deprecantem. Maximæ
 » cuique fortunæ minime credendum est. In
 » bonis tuis rebus , nostris dubiis , tibi ampla
 » ac speciosa danti est pax ; nobis potentibus

(n) inquam del. Gron. Crev.

(o) add. vobis Gron. Crev.

(p) positis , ac jam prope scandentem manu
Romæ videras ; hic Gron. Crev.

LIBER XXX CAP. XXX 153

» magis necessaria, quam honesta. Melior *U. c. 550^a*
» tutiorque est certa pax, quam sperata victo- *a. C. 202^a*
» ria. Hæc in tua, illa in Deorum manu
» est. Ne tot annorum felicitatem in unius
» horæ dederis discrimen. Quum tuas vires,
» tum vim fortunæ Martemque belli commu-
» nem, propone animo. Utrumque ferrum,
» corpora humana erunt. Nusquam minus,
» quam in bello, eventus respondent. Non
» tantum ad id, quod data pace jam habere
» potes, si prælio vincas, gloriæ adjeceris;
» quantum ademeris, si quid adversi eveniat.
» Simul parta ac sperata decora unius horæ
» fortuna evertere potest. Omnia in pace
» jungenda tuæ potestatis sunt, P. Cornelii:
» tunc ea habenda fortuna erit, quam Dii
» dederint. Inter pauca felicitatis virtutisque
» exempla M. Atilius quondam in hac eadem
» terra fuisse, si viator pacem petentibus
» dedisset Patribus nostris: non (*q*) statuen-
» do tandem felicitati modum, nec cohiben-
» do efferentem se fortunam, quanto altius
» elatus erat, eo fœdus conruit. Est quidem
» ejus, qui dat, non qui petit, conditiones
» dicere pacis: sed forsitan non indigni simus.

(*q*) *sed non Gron. Crev.*

U. c. 550. " qui nobismet ipsi (r) multam inrogemus;
 q. C. 202. " Non recusamus, quin omnia, propter quæ
 " bellum initum est, vestra sint, Sicilia, Sar-
 " dinia, Hispania, quidquid insularum toto
 " inter Africam Italianaque continentur mari.
 " Carthaginenses, inclusi Africæ litoribus,
 " vos (quando ita Diis placuit) externa
 " etiam terra marique videamus regentes im-
 " peria. Haud negaverim, propter non nimis
 " sincere petitam aut exspectatam nuper pa-
 " cem, suspectam esse vobis Punicam fidem.
 " Multum, per quos petita sit, ad fidem
 " tuendæ pacis pertinet, Scipio. Vestri quo-
 " que (ut audio) Patres nonnihil etiam ob-
 " hoc, quia parum dignitatis in legatione erat,
 " negaverunt pacem. Hannibal peto pacem:
 " qui neque peterem, nisi utilem crederem;
 " & propter eamdem utilitatem tuebor eam,
 " propter quam petii. Et, quemadmodum,
 " quia a me bellum cœptum est, ne quem
 " ejus pœniteret, quoad ipsi invidere Dei,
 " præstiti; ita admittar, ne quem pacis per me
 " partæ pœnitentia. "

*Responso
Seipionis.*

XXXI. ADVERSUS hæc imperator Roma-
nus in hanc fere sententiam respondit. " Non

(r) *ipsiis Gron.*

LIBER XXX CAP. XXXI 155

» me fallebat, Hannibal, adventus tui spe *U. c. 550.*
» Carthaginenses & præsentem induciarum *a. C. 202.*
» fidem, & spem pacis turbasse. Neque tu
» id sane dissimulas, qui de conditionibus su-
» perioribus pacis omnia subtrahas, præter
» ea, quæ jam pridem in nostra potestate
» sunt. Ceterum, sicut tibi curæ est, sentire
» cives tuos, quanto per te onere leventur:
» sic mihi laborandum est, ne, quæ tunc
» pepigerunt, hodie subtraæta ex conditioni-
» bus pacis, præmia perfidiæ habeant. Indigni,
» quibus eadem pateat conditio, ut etiam pro-
» fit vobis fraus, petitis. Neque patres nostri
» priores de Sicilia, neque nos de Hispania
» fecimus bellum. Et tunc Mamertinorum
» sociorum periculum, & nunc Sagunti exci-
» dium nobis pia ac justa induerunt arma.
» Vos lacestissime, & tu ipse fateris, & Dei
» testes sunt: qui & illius belli exitum se-
» cundum jus fasque dederunt, & hujus dant
» & dabunt. Quod ad me adtinet, & huma-
» næ infirmitatis memini, & vim fortunæ
» reproto, & omnia, quæcumque agimus,
» subiecta esse mille casibus scio. Ceterum,
» quemadmodum superbe & violenter me
» faterer facere, si prius, quam in Afri-

*V. c. 550.
e. C. 202.*

» cam trajecissim , te tua voluntate ceden-
 » tem Italia , & , inposito in naves exercitu ,
 » ipsum venientem ad pacem petendam ad-
 » spernarer ; sic nunc , quum prope manu
 » conserta restitantem ac tergiversantem in
 » Africam adtraxerim , nulla sum tibi vere-
 » cundia obstrictus. Proinde si quid ad ea ,
 » in quae tum pax conventura videbatur , (quae
 » sint , nosti) multæ navium cum commeatu
 » per inducias expugnatarum legatorumque
 » violatorum adjicitur ; est , quod referam
 » ad consilium. Sin illa quoque gravia viden-
 » tur , bellum parate , quoniam pacem pati
 » non potuistis. » Ita infecta pace , ex con-
 loquio ad suos quum se recepissent , frustra
 verba jaætata renunciant : armis decernendum
 esse , habendamque eam fortunam , quam
 Dii dedissent.

*Omnia
parantur
ad
prælrium.*

XXXII. In castra ut est ventum , pronun-
 ciant ambo , « Arma expedirent milites ani-
 » mosque ad supremum certamen , non in
 » unum diem , sed in perpetuum , si felicitas
 » adesset , victores. Roma , an Carthago , jura
 » gentibus darent , ante crastinam noctem
 » scituros. Neque enim Africam , aut Italiam ,
 » sed orbem terrarum victoriæ præmium fore;

LIBER XXX CAP. XXXII 157

» par periculum præmio , quibus adversæ *U. e. 5508*
» pugnæ fortuna fuisset. » Nam neque Roma- *a. C. 20. a.*
nis effugium ullum patebat in aliena ignota-
que terra : & Carthagini , supremo auxilio
effuso , adesse videbatur præsens excidium.
Ad hoc discrimen procedunt postero die duo-
rum opulentissimorum populorum duo longe
clarissimi duces , duo fortissimi exercitus ,
multa ante parta decora aut cumulaturi eo
die , aut eversuri. Anceps igitur spes & me-
tus miscebant animos : contemplantibusque
modo suam , modo hostium aciem , quum
oculis magis , quam ratione , pensarent vi-
res , simul læta , simul tristia obversabantur.
Quæ ipsis sua sponte non subcurrebant , ea
duces admonendo atque hortando subjiciunt.
Pœnus sedecim annorum in terra Italia res-
gestas , tot duces Romanos , tot exercitus
occidione occisos , & sua cuique decora , ubi
ad insignem alicujus pugnæ memoria militem
venerat , referebat. Scipio Hispanias , & re-
centia in Africa prælia , & confessionem hos-
tium , quod neque non petere pacem propter
metum , neque manere in ea præ insita ani-
mis perfidia potuissent. Ad hoc , conloquium
Hannibalis in secreto habitum , ac liberum

U. c. 550. fingenti, quā velit, flebit. Ominatur, quibus quondam auspiciis patres eorum pugnaverint ad Aegates insulas, ea illis exeuntibus in aciem portendisse Deos. « Adest finem belli ac laboris. In manibus esse prædam Carthaginis, redditum domum in patriam, » ad parentes, liberos, conjuges, Penatesque » Deos. » Celsus hæc corpore, vultuque ita læto, ut vicisse jam crederes, dicebat. Instruit deinde primos hastatos; post eos principes: triarii postremam aciem clausit.

*Acies
Scipionis.*

XXXIII. Non confertas autem cohortes ante sua quamque signa instruebat, sed manipulos aliquantum inter se distantes, ut effet spatium, quo elephanti hostium accepti nihil ordines turbarent. Lælium (cujus ante legati, eo anno quæstoris extra sortem ex senatus-consulto opera utebatur) cum Italico equitatu ab sinistro cornu, Masinissam Numidasque ab dextro obposuit. Vias patentes inter manipulos antesignanorum velitibus (ea tunc levis armatura erat) complevit: dato præcepto, ut, ad inpetum elephantorum, aut post rectos refugerent ordines, aut, in dextram lævamque discursu adplicantes se antesignanis, viam, qua inruerent in ancipitia tela,

belluis darent. Hannibal ad terrorem primum ^{V. c. 530.}
 elephantes (octoginta autem erant, quot ^{a. C. 202.}
 nulla umquam in acie ante habuerat) instru- ^{Acies}
 xit : deinde auxilia Ligurum Gallorumque, ^{Hanniba-}
 Baliaribus Maurisque admixtis; in secunda
 acie Carthaginenses Afrosque & Macedo-
 num legionem; modico inde intervallo reliquo,
 subsidiarium aciem Italicorum militum (Brut-
 tii plerique erant, vi ac necessitate plures;
 quam sua voluntate, decadentem (s) ex Ita-
 lia secuti) instruxit. Equitatum etiam ipsum
 circumdedit cornibus: dextrum Carthaginien-
 ses, sinistrum Numidæ tenuerunt. Varia ad-
 hortatio erat in exercitu inter tot homines;
 quibus non lingua, non mos, non lex, non
 arma, non vestitus habitusque, non cauffa
 militandi eadem esset. Auxiliaribus & præ-
 sens, & multiplicata merces ex præda ostend-
 tatur. Galli proprio atque insito in Romanos
 odio accenduntur. Liguribus campi uberes
 Italiæ, deductis ex asperrimis montibus, in
 spem victoriæ ostentantur. Mauros Numidas-
 que Masinissæ inpotenti futuro dominatu ter-
 ret. Aliis aliæ spes ac metus jactantur. Car-
 thaginensibus moenia patriæ, Dii Penates,

(s) decadentem Gron. Crev.

*V. c. 550.
a. C. 202.* sepulcra majorum , liberi cum parentibus ;
 conjuges pavidae , aut excidium servitiumque ,
 aut imperium orbis terrarum , nihil aut in
 metum , aut in spem medium ostentatur . Quum
 maxime haec imperator apud Carthaginenses ,
 duces suarum gentium inter populares , ple-
 rique (t) per interpretes inter inmixtos alien-
 nigenis , agerent , tubae cornuaque ab Roma-
 nis cecinerunt : tantusque clamor ortus , ut
 elephanti in suos , sinistro maxime cornu ,
 verterentur , Mauros ac Numidas . Addidit
 facile Masinissa perculsis terrorem , nudavit
 que ab ea parte aciem equestris auxilio . Paucae
 tamen bestiarum , intrepidae in hostem actae ,
 inter velitum ordines cum multis suis vul-
 neribus ingentem stragem edebant . Resilien-
 tes enim ad manipulos velites , quum viam
 elephantis , ne obtererentur , fecissent ; in (u)
 ancipites ad iustum utrumque conjiciebant
 hastas ; nec pila ab antesignanis cessabant ;
 donec undique incidentibus telis exacti ex
 Romana acie , hi quoque in suo dextro cor-
 nu ipsos Carthaginensium equites in fugam
 verterunt . Lælius , ut turbatos yidit hostes ,
 addit perculsis terrorem .

XXXIV,

(t) pleraque Crev. (u) in eos Gron.

LIBER XXX CAP. XXXIV 161

XXXIV. UTRIMQUE equite nudata erat *U. c. 550.*
a. C. 202.
Punica acies, quum pedes concurrit, nec spe,
nec viribus jam par. Ad hoc, dictu parva,
sed magni eadem in re gerenda momenti res,
congruens clamor a Romanis, eoque major
& terribilior; dissimilae illis, ut gentium mul-
tarum discrepantibus linguis, voces. Pugna
Romana stabilis, & suo & armorum pondere
incumbentium in hostem: concursatio & ve-
locitas illinc major, quam vis. Igitur primo
in petu extemplo movere loco hostium aciem
Romani. Ala deinde & umbonibus pulsantes,
in submotos gradu inlato, aliquantum spatii,
velut nullo resistente, incessere; urguntibus
& novissimis primos, ut semel motam aciem
sensere; quod ipsum vim magnam ad pellen-
dum hostem addebat. Apud hostes, auxiliares
cedentes secunda acies, Afri & Carthaginien-
ses, adeo non sustinebant, ut contra etiam
ne resistentes pertinaciter primos cædendo ad
se perveniret hostis, pedem referrent. Igitur
auxiliares terga dant repente: &, in suos
versi, partim refugere in secundam aciem,
partim non recipientes cædere, ut paullo
ante non adjuti, & tunc exclusi. Et prope
duo jam permixta proelia erant, quum Car-

*U. c. 550.
a. C. 202.* thaginienses simul cum hostibus, simul cum suis cogerentur conferere manus. Non tamen ita percusso iratosque in aciem accepere; sed, densatis ordinibus, in cornua vacuum que circa campum extra prælium ejecere, ne pavidos fuga vulneribusque milites in certam & integrum aciem miscerent. Ceterum tanta strages hominum armorumque locum, in quo steterant paullo ante auxiliares, compleverat, ut prope difficilior transitus esset, quam per confertos hostes fuerat. Itaque, qui primi erant, hastati, per cumulos corporum armorumque & tabem sanguinis, qua quisque poterat, sequentes hostem, & signa & ordines confuderunt. Principum quoque signa fluctuari cœperant, vagam ante se cernendo aciem. Quod Scipio ubi vidit, receptui propere canere hastatis jussit: &, sauciis in postremam aciem subductis, principes triariosque in cornua inducit; quo tutior firmiorque media hastatorum acies esset. Ita novum de integro prælium ortum est: quippe ad veros hostes perventum erat, & armorum genere, & usu militiae, & fama rerum gestarum, & magnitudine vel spei vel periculi parés. Sed & numero Romanus su-

VII
LIBER XXX CAP. XXXV 163

perior erat , & animo : quod jam equites , *U. c. 550.*
jam elephantos fuderat : jam , prima acie pul- *a. C. 202.*
fa , in secundam pugnabat.

XXXV. IN tempore Lælius ac Masinissa,
pulsos per aliquantum spatiū secuti equites ,
revertentes in aversam hostium aciem incur-
rere. Is demum equitum impetus fudit hostem. *Vincunt
Romani,*
Multi circumventi in acie cæsi : multi per
patentem circa campum fuga sparsi , tenente
omnia equitatu , passim interierunt. Cartha-
giniensium sociorumque cæsa eo die supra
millia viginti : par ferme numerus captus est ,
cum signis militaribus centum triginta tribus ,
elephantis undecim. Victores ad duo millia
cedere. Hannibal , cum paucis equitibus
inter tumultum elapsus , Adrumetum perfu-
git : omnia & in prælio , & ante aciem ,
priusquam excederet pugna , expertus ; &
confessione etiam Scipionis , omniumque pe-
ritorum militiae , illam laudem adeptus , sin-
gulari arte aciem eo die instruxisse. Elephan-
tos in prima fronte : quorum fortuitus impe-
tus atque intolerabilis vis , signa sequi , & fer-
vare ordines , (in quo plurimum spei pone-
rent) Romanos prohiberet. Deinde auxiliares
ante Carthaginensium aciem , ne homines

U. c. 550. mixti ex (*v*) conluzione omnium gentium,
a. C. 202. quos non fides teneret, sed merces, liberum
 receptum fugæ haberent: simul primum ar-
 dorem atque inpetum hostium excipientes
 fatigarent; ac, si nihil aliud, vulneribus suis
 ferrum hostile hebetarent. Tum, ubi omnis
 spes esset, milites Carthaginenses Afrosque:
 ut, omnibus rebus aliis pares, eo, quod in-
 tegri cum fessis ac fauciis pugnarent, supe-
 riores essent. Italicos, intervallo quoque
 direntos, incertos socii an hostes essent, in
 postremam aciem submotos. Hoc edito velut
 ultimo virtutis opere, Hannibal, quum Ad-
 rumetum refugisset, aditusque inde **Car-**
thaginem sexto ac trigesimo post anno, quam
 puer inde profectus erat, redisset, fassus in
 curia est, non prælio modo se, sed bello
 victum, nec spem salutis alibi, quam in pace
 inpetranda esse.

XXXVI. SCIPIO, confessim a prælio ex-
 pugnatis hostium castris direptisque, cum
 ingenti præda ad mare ac naves rediit; nun-
 cio adlato, P. Lentulum cum quinquaginta
 rostratis, centum onerariis, cum (*x*) omni

(*v*) ex del. Gron. Crev.

(*x*) cum del. Gron. Crev.

LIBER XXX CAP. XXXVI 165

genere commeatus, ad Uticam accessisse. Ad- *D. e. 550.*
movendum igitur undique terrorem perculsa *a. C. 202.*

Carthagini ratus, misso Lælio Romam cum
victoriæ nuncio, Cn. Octavium terrestri iti-
nere ducere legiones Carthaginem jubet:
ipse ad suam veterem nova Lentuli classe
adiuncta, profectus ab Utica portum Cartha-
ginis petit. Haud procul aberat, quum velata
infulis ramisque oleæ Carthaginensium ob-
currit navis. Decem legati erant principes
civitatis, auctore Hannibale missi ad peten-
dam pacem. Qui quum ad puppim prætoriæ
navis accessissent, velamenta supplicum por-
rigentes, orantes, implorantesque fidem &
misericordiam Scipionis; nullum iis aliud
responsum datum, quam ut Tunetem veni-
rent: eo se moturum castra. Ipse ab contem-
plato situ Carthaginis, non tam noscendi in
præsentia, quam deprimenti hostis caussa,
Uticam, eodem & Octavio revocato, rediit.
Inde procedentibus ad Tunetem nuncius adla-
tus, Verminam, Syphacis filium, cum equi-
tibus pluribus, quam peditibus, venire Car-
thaginensibus auxilio. Pars exercitus cum
omni equitatu Saturnalibus primis agmen
adgredita, Numidas levi certamine fudit. Exitu

*Carthagi-
nienses pa-
cem pe-
tunt.*

*U. c. 550.
a. C. 202.*
*Nnumidæ
fus.*
*Legati
Carthag.
ad Scipio-
nem.*
 quoque fugæ intercluso, a parte omni cir-
 cumdatis equitibus, quindecim millia homi-
 num cæsa; mille & ducenti vivi capti sunt,
 & equi Numidici mille & quingenti, signa
 militaria duo & septuaginta (y). Regulus
 ipse inter tumultum cum paucis effugit. Tum
 ad Tunetem eodem, quo antea, loco castra
 posita, legatique triginta Carthagine ad Sci-
 pionem venerunt. Et illi quidem multo mi-
 serabilius, quam ante, (quo magis cogebat
 fortuna) egerunt: sed aliquanto minore cum
 misericordia ab recenti memoria perfidiæ au-
 diti sunt. In consilio quamquam justa ira om-
 nes ad delendam stimulabat Carthaginem;
 tamen, quum, & quanta res esset, & quam
 longi temporis obsidio tam munitæ & tam
 (z) validæ urbis, reputarent, & ipsum
 Scipionem exspectatio successoris, venturi ad
 paratam alterius labore ac periculo finiti belli
 famam, sollicitaret, ad pacem omnium animi
 versi sunt.

*Condicio-
nes pacis
& Scipione
dide.*
 XXXVII. POSTERO die, revocatis legatis,
 & cum multa castigatione perfidiæ monitis,
 ut, tot cladibus edocti, tandem Deos &

(y) septuaginta duo Gron. Crev.

(z) tam del. Gron. Crev.

LIBER XXX CAP. XXXVII 167

jusjurandum esse crederent; conditiones pacis
dictæ: « Ut liberi legibus suis viverent. Quas
» urbes, quosque agros, quibusque finibus
» ante bellum tenuissent, tenerent, populan-
» dique finem eo die Romanus faceret. Per-
» fugas, fugitivosque, & captivos omnes
» redderent Romanis, & nave r stratas,
» præter decem triremes, traderent, elephan-
» tosque, quos haberent domitos: neque do-
» marent alios. Bellum neve in Africa, neve
» extra Africam, injussu populi Romani ge-
» rerent. Masinissæ res redderent, foedusque
» cum eo facerent. Frumentum stipendiumque
» auxiliis, donec ab Roma legati redissent (a)
» præstarent. Decem millia talentum argenti,
» descripta pensionibus æquis in annos quin-
» quaginta, solverent. Obsides centum arbit-
» tratu Scipionis darent: ne minores qua-
» tuordecim annis, neu triginta majores. In-
» ducias ita se daturum, si per priores indu-
» cias naves onerariæ captæ, quæque fuissent
» in navibus, restituerentur. Aliter nec indu-
» cias, nec spem pacis ullam esse. » Has con-
ditiones legati quum domum referre (b) jussi

*U. c. 350.
a. C. 202.*

(a) redissent Gron. Crev.

(b) ferre Gron. *certe certe* unde (c)

*U. e. 350.
a. C. 202*
Gisgonem
contra pa-
cem dicere
vetat Han-
nibal.
*Pacem
accipiunt
Carthag.*
 in concione ederent, & Gisgo ad dissuadendam pacem processisset, audireturque a multitidine, inquieta eadem & inbelli : indignatus Hannibal, dici ea in tali tempore audiri que, adreptum Gisgonem manu sua ex superiori loco detraxit. Quæ insueta liberæ civitati species quum fremitum populi movisset, perturbatus militaris vir urbana libertate, « Novem, [inquit] annorum a vobis profectus, post sextum & trigesimum (c) annum redii. Militares artes, quas me a puero fortuna nunc privata, nunc publica docuit, probe videor scire. Urbis ac fori jura, leges, mores, vos me oportet doceatis. » Excusata imprudentia de pace multis verbis differuit, quam nec iniqua, & necessaria esset. Id omnium maxime difficile erat, quod ex navibus per inducias captis nihil, præter ipsas comparebat naves ; neque inquisitio erat facilis, adversantibus paci, qui arguerentur. Placuit naves reddi, & homines utique inquireti, Cetera, quæ abessent, æstimanda Scipioni permitti : atque ita pecunia luere Carthaginenses. Sunt qui Hannibalem ex acie ad mare pervenisse, inde præparata nave ad re-

(c) *trigesimum sextum Gron. Crev.*

LIBER XXX CAP. XXXVIII 169

gem Antiochum extemulo profectum tradant: *U. c. 550.*
postulantique ante omnia Scipioni, ut Han- *a. C. 202.*
nibal sibi traderetur, responsum esse, Hanni-
balem in Africa non esse.

XXXVIII. POSTQUAM redierunt ad Scipionem legati; quæ publica in navibus fuerant, ex publicis descripta rationibus quæsto-
res: quæ privata, profiteri domini jussi; pro
ea summa pecuniæ viginti quinque millia
pondi argenti præsentia exacta: induciæque
Carthaginensibus datæ in tres menses. Addi-
tum, ne per induciarum tempus alio usquam,
quam Romam, mitterent legatos: &c, qui-
cumque legati Carthaginem venissent, ne
ante dimitterent eos, quam Romanum impe-
ratorem, qui, & quæ petentes venissent,
certiore facerent. Cum legatis Carthagi-
nensibus Romam missi L. Veturius Philo, &
M. Marcius Ralla, & L. Scipio imperatoris
frater. Per (*d*) eos dies commeatus ex Sici-
lia Sardinique tantam vilitatem annonæ effe-
cerunt, ut pro vectura frumentum mercator
nautis relinquere. Romæ ad nuncium pri-
mum rebellionis Carthaginensium trepidatum
fuerat; jussusque erat Ti. Claudio mature in

*Induciatæ
in tres
menses.*

(*d*) Post Gron.

V. c. 550. Siciliam classem ducere, atque inde in Africam trajicere, & alter consul M. Servilius ad urbem morari, donec, quo statu res in Africa essent, sciretur. Segniter omnia in compara-
a. C. 202. randa deducendaque classe ab Ti. Claudio consule facta erant; quod Patres de pace Scipionis potius arbitrium esse, quibus legibus daretur, quam consulis, censuerant. Prodigia quoque, nunciata sub ipsam famam rebellio-
Prodigia. nis, terrorem adtulerant. Cumis solis orbis minui visus, & pluit lapideo imbris. Et in Velertero agro terra ingentibus cavernis con-
fudit, arboresque in profundum haustæ. Ari-
ciæ forum, & circa tabernæ, Frusinone mu-
rus aliquot locis, & porta, de cœlo tacta;
& in Palatio lapidibus pluit. Id prodigium more patro novemdiali sacro, cetera hostiis majoribus expiata. Inter quæ etiam aquarum insolita magnitudo in religionem versa. Nam ita abundavit Tiberis, ut ludi Apollinares, circo inundato, extra portam Collinam ad ædem Erycinæ Veneris parati sint. Ceterum ludorum ipso die, subita serenitate orta, pompa, duci coæpta ad portam Collinam, revocata deductaque in circum est, quum decessisse inde aquam nunciatum esset:

LIBER XXX CAP. XXXIX 171

lætitiamque populo & ludis celebritatem
addidit sedes sua sollemni spectaculo reddita.

*U. c. 552.
a. C. 202.*

XXXIX. CLAUDIUM consulem, profectum tandem ab urbe, inter portus Cosanum Lau-retanumque atrox vis tempestatis adorta in metum ingentem adduxit. Populonios inde quum pervenisset, stetissetque ibi, dum reliquum tempestatis exsæviret, Ilvam insu-lam, & ab Ilva Corsican, a Corsica in Sar-diniam trajecit. Ibi superantem Insanos mon-tes, multo & særior & infestioribus locis tempestas adorta, disjecit classem. Multæ quassatæ armamentisque spoliatae naves: quæ-dam fractæ. Ita vexata ac lacerata classis Ca-rales tenuit. Ubi dum subductæ reficiuntur naves, hiems obpresso; circumactumque anni tempus, &, nullo prorogante imperium, privatus Ti. Claudius classem Romam redu-xit. M. Servilius, ne comitiorum caussa ad urbem reycaretur, dictatore dicto C. Servi-lio Geminio, in provinciam est profectus. Dictator magistrum equitum P. Ælium Pæ-tum dixit. Sæpe comitia indicta perfici tem-pestates prohibuerunt. Itaque, quum pridi- Idus Martias veteres magistratu (e) abissent,

(e) *magistratus Gron. Crev.*

U. e. 550. novi subfecti non essent, respublica sine cu-
a. C. 202. rulibus magistratibus erat. T. (f) Manlius

Torquatus pontifex eo anno mortuus. In lo-
cum ejus subfectus C. Sulpicius Galba. Ab
Licinio Lucullo & Q. Fulvio aedilibus curu-
libus ludi Romani ter toti instaurati. Pecu-
niam ex ærario scribæ viatoresque ædilitii
clam egesisse per indicem comperti, damnati
sunt, non sine infamia Luculli ædilis. P. Ælius
Tubero & L. Lætorius ædiles plebis vitio
creati, magistratu se abdicarunt, quum ludos
ludorumque caussa epulum Jovi fecissent, &
signa tria ex multaticio argento facta in Ca-
pitolio posuissent. Cerealia iudos dictator &
magister equitum ex senatusconsulto fecerunt.

*Legati
Carthaginenses
Romam
veniunt.* XL. LEGATI ex Africa Romani simul Car-
thaginienesque quum venissent Romam, se-
natus ad ædem Bellonæ habitus est. Ubi quum
L. Veturius Philo, pugnatum cum Hannibale
esse suprema Carthaginiensibus pugna, finem-
que tandem lugubri bello inpositum ingenti
lætitia Patrum exposuisset; adjecit, Vermi-
nam etiam, Syphacis filium, quæ parva bene
gestæ rei accessio erat, devictum. In con-
cionem inde prodire jussus, gaudiumque id

(f) L. Gron. Crev.

populo in partire (g). Tum patuere, facta gratulatione, omnia in urbe templa, supplicationesque in triduum decretæ. Legatis Carthaginensium & Philippi regis (nam ii quoque venerant) potentibus, ut senatus sibi daretur, responsum jussu Patrum ab dictatore est, consules novos eis senatum daturos esse.

Comitia inde habita. Creati consules Cn. Cornelius Lentulus, P. Ælius Paetus : Prætores, <sup>U. c. 550.
a. C. 201.</sup>
<sup>Cn. Corne-
lio, P.</sup>
M. Junius Pennus, cui fors urbana evenit ; ^{Ilio,} ^{P.}
M. Valerius Falto Bruttios, M. Fabius Buteo <sup>Ælio Coss.
Provincia.</sup> Sardiniam, P. Ælius Tubero Siciliam est fortitus. De provinciis consulum nihil ante placet agi, quam legati Philippi regis & Carthaginensium auditæ essent. Belli finem alterius, principium alterius prospiciebant ammis. Cn. Lentulus consul cupiditate flagrabat provinciæ Africæ; seu bellum foret, facilem victoriam, seu jam finiretur, finiti tanti belli se consule gloriam petens. Negare itaque prius quidquam agi passurum, quam sibi Africa decreta esset, concedente collega, moderato viro & prudenti; qui gloriæ ejus certamen cum Scipione, præterquam quod iniuum esset, etiam inpar futurum cernebat.

(g) impertire Gron. Crev.

U. e. 551.
 c. C. 201.

Q. Minticius Thermus & M. Acilius Glabrio,
 tribuni plebis, « rem, priore anno nequida-
 » quam tentatam ab Ti. Claudio consule, Cn.
 » Cornelium tentare » aiebant. « Ex au^rori-
 » tate Patrum latum ad populum esse, cuius
 » vellent imperium in Africa esse. Omnes
 » quinque & triginta tribus P. Scipioni id im-
 » perium decresserent. » Multis contentionibus,
 & in senatu & ad populum acta res, postre-
 mo eo deducta est, ut senatui permitterent.
 Patres igitur jurati (ita enim (h) convenerat)
 censuerunt, utri consules provincias inter se
 compararent, sortirenturve, uter classem na-
 vium quinquaginta haberet. Cui classis ob-
 venisset; in Siciliam navigaret: si pax cum
 Carthaginensibus componi nequisset, in Afri-
 cam trajiceret. Consul mari, Scipio eodem,
 quo adiuc, jure imperii terra rem gereret.
 Si conditiones convenient pacis, tribuni
 plebis populum rogarent, utrum consulem,
 an P. Scipionem, juberent pacem dare; &
 quem, si deportandus exercitus victor ex Afri-
 ca esset, deportare. Si pacem per P. Scipio-
 nem dari, atque ab eodem exercitum deportari
 jussissent, ne consul ex Sicilia in Africam

(h) enim del. Gron. Grec.

VII
Ælius Gabrio,
anno nequid-
cio confite, Cn.
Ex aucto-
m esse, cuius
elle. Omnes
scipioni id im-
mentionibus,
a res, potre-
perminerem.
conveneat)
cias inter fe-
er ciudem na-
i classis ob-
pax cuti-
in Afri-
io eodem,
em gereret.
is, tribuni
confulem,
n dare; &
or ex Afri-
P. Scipio-
am deportari
in Africam

LIBER XXX CAP. XLI 175

trajiceret. Alter consul, cui Italia evenisset, *U. s. 551.*
a. C. 201. duas legiones a M. Sextio prætore acciperet.

XLI. P. SCIPION cum exercitibus, quos haberet, in provincia Africa prorogatum imperium. Prætori M. Valerio Faltoni duæ legiones in Bruttii, quibus C. Livius priore anno præfuerat, decretæ. P. Ælius prætor duas legiones in Sicilia ab Cn. Tremellio acciperet. Legio una M. Fabio in Sardiniam, quam P. Lentulus pro prætore habuisset, dcernitur. M. Servilio prioris anni consuli, cum suis duabus item legionibus, in Etruria prorogatum imperium est. Quod ad Hispanias adtineret, aliquot jam annos ibi L. Cornelium Lentulum & L. Manlium Acidinum esse. Ut consules cum tribunis agerent, si eis videretur, ut plebem rogarent, cui juberent in Hispania imperium esse. Is ex duabus exercitibus in unam legionem conserberet Romanos milites, & in quindecim cohortes socios Latini nominis, quibus provinciam obtineret: veteres milites L. Cornelius & L. Manilius in Italiam deportarent. Cornelio consuli quinquaginta navium classis ex duabus classibus, Cn. Octavii, quæ in Africa esset, P. Villii, quæ Siciliæ oram tuebatur,

U. c. 551. decreta, ut, quas naves vellet, deligeret. *P.*
a. C. 201. *Scipio quadraginta* (i) longas naves habe-
 ret, quas habuisset; quibus si *Cn. Octavianum*,
 sicut præfuerit, præesse vellet, *Octavio*
 pro prætore in eum annum imperium esset: si *Lælium* præsiceret, *Octavius* Romam de-
 cederet: reduceretque naves, quibus con-
 suli usus non esset. Et *M. Fabio* in Sardiniam
14 Legioni- decem longæ naves decretæ. Et consules duas
 bus,
 100 navi-
 bus
 res gesta.
Legati
Philippi. legiones urbanas scribere jussi: ut quatuor-
 decim legionibus eo anno, centum navibus
 longis res publica administraretur.

XLII. TUM de legatis *Philippi* & *Cartha-*
giniensium actum. *Priores Macedonas* intro-
 duci placuit: quorum varia oratio fuit; par-
 tim purgantium, quæ questi erant missi ad
 regem a Roma legati de populatione socio-
 rum; partim ultro accusantium quidem &
 socios populi Romani, sed multo infestius
M. Aurelium; (quem ex tribus ad se missis
 legatis, dele&tu habitu, substitisse, & se bel-
 lo lacefuisse contra foedus, & saepe cum præ-
 fectis suis signis conlatis pugnasse) partim
 postulantium, ut *Macedones* duxque eorum
Sopater, qui apud *Hannibalem* mercede mili-
 tassent, captique in vinculis essent, sibi resti-
 tuerentur.

(i) *quinquaginta* Gron. Crev.

LIBER XXX CAP. XLII 177

tuerentur. Adversus ea M. Furius , missus ad id ipsum ab Aurelio ex Macedonia , differuit, « Aurelium relictum , ne socii populi Romani , fessi populationibus atque injuria , ad regem deficerent , finibus sociorum non excessisse : dedisse operam , ne impune in agros eorum transcederent populatores . Sopatrum ex purpuratis & propinquis regis esse : eum cum quatuor millibus Macedonum & pecunia missum nuper in Africam esse , Hannibali Carthaginiensibusque auxilio . » De his rebus interrogati Macedones quum perplexe responderent , ipsi ante responsum tulerunt , « Bellum quærere regem , & , si pergit , propediem inventurum . Dupliciter ab eo foedus violatum : & quod sociis populi Romani injurias fecerit , bello armisque lacessierit : & quod hostes auxiliis & pecunia juverit . Et P. Scipione in recte atque ordine videri fecisse & facere , quod eos , qui arma contra populum Romanum ferentes capti sunt , hostium numero in vinculis habeant . Et M. Aurelium e republica facere , gratumque id senatui esse , quod socios populi Romani , quando iure foederis non posset , armis tueatur . » Cum hoc tam tristis

*Cum tristi
responso
dimisit*

U. c. 551. responso dimissis Macedonibus , legati Cartha-
 a. C. 201. ginenses vocati. Quorum ætatibus dignitati-
 Legati
Carthagi-
nensium. busque conspectis , (nam longe primi civitatis
 erant) tum pro se quisque dicere , vere de
 pace agi. Insignis tamen inter ceteros Hasdrubal erat , (Hædum populares cognomine ad-
 appellabant) pacis semper auctor , adversusque
 factioni Barcinæ. Eo tum plus illi auctorita-
 tis fuit , belli culpam in paucorum cupiditi-
 tam a republica transferenti. Qui quum va-
 ria oratione usus esset , nunc purgando cri-
 mina , nunc quædam fatendo , ne impudenter
 certa negantibus difficilior venia esset , nunc
 monendo etiam Patres conscriptos , ut rebus
 secundis modeste ac moderate uterentur ; « Si
 » se atque Hannonem audissent Carthaginien-
 » ses , & tempore uti voluissent , datusse
 » fuisse pacis conditiones , quas tunc pete-
 » rent. Raro simul hominibus bonam fortu-
 » nam bonamque mentem dari. Populum
 » Romanum eo invictum esse , quod in se-
 » cundis rebus sapere & consulere meminerit.
 » Et , Hercule , mirandum fuisse , si aliter
 » facerent. Ex insolentia , quibus nova bona
 » fortuna sit , inpotentes lætitiae insanire. Po-
 » pulo Romano usitata ac prope jam obsoleta

LIBER XXX CAP. XLIII 179

» ex victoria gaudia esse , ac plus pene par- *U. c. 551^a*
» cendo vi&tis , quam vincendo , imperium *a. C. 201^b*
» auxisse . » Ceterorum miserabilior oratio
fuit , commemorantium , « Ex quantis opibus
» quo recidissent Carthaginensium res . Nihil
» eis , qui modo orbem prope terrarum ob-
» tinuissent armis , superesse , præter Cartha-
» ginis mœnia . Iis inclusos , non terra , non
» mari quidquam sui juris cernere . Urbem
» quoque ipsam ac penates ita habituros , si
» non in ea quoque , quo nihil ulterius sit ,
» sœvire populus Romanus velit . » Quum
fleſti misericordia Pâtres adpareret , senato-
rum unum infestum perfidiæ Carthaginensium
subclamassem ferunt , « Per quos Deos foedus
» i&cturi essent , quum eos , per quos ante
» i&ctum esset , fefellissent ? Per eosdem [in-
» quit Hasdrubal] qui tam infesti sunt fœ-
» dera violentibus . »

XLIII. INCLINATIS omnium ad pacem ani-
mis , Cn. Lentulus consul , cui classis provin-
cia erat , senatusconsulto intercessit . Tum
M'. Acilius & Q. Minucius tribuni plebis ad
populum tulerunt , « Vellent , juberentne se-
» natum decernere , ut cum Carthaginensibus
» pax fieret ; & quem eam pacem dare ,

*U. c. 551.
a. C. 204*

*Plebisci-
tum
de pace.*

*S. C.
de pace.*

» quémque ex Africa exercitus deportare ju-
» berent? » De pace uti rogassent, omnes
tribus jusserunt: pacem dare P. Scipionem,
eumdem exercitus deportare. Ex hac rogatio-
ne senatus decrevit, ut P. Scipio ex decem
legatorum sententia pacem cum populo Car-
thaginiensi, quibus legibus ei videretur, fa-
ceret. Gratias deinde Patribus egere Cartha-
ginienses, petieruntque, ut sibi in urbem
introire, & conloqui cum civibus suis lice-
ret, qui capti in publica custodia essent. Esse
in iis partim propinquos amicosque suos,
nobiles homines; partim ad quos mandata a
propinquis haberent. Quibus conventis, quum
rursus peterent, ut sibi, quos vellent, ex
iis redimendi potestas fieret; jussi nomina
edere: &, quum ducentos ferme ederent,
senatusconsultum factum est, « Ut legati Ro-
» mani ducentos ex captivis, quos Carthagi-
» nienses vellent, ad P. Cornelium Scipionem
» in Africam deportarent; nunciarentque ei,
» ut, si pax convenisset, sine pretio eos Car-
» thaginiensibus redderet. » Feciales quum in
Africam ad foēdus feriendum ire juberentur;
ipsis postulantibus, senatusconsultum in hæc
verba factum est: « Ut privos lapides filices,

Feciales.

LIBER XXX CAP. XLIV 181

» privasque verbenas secum ferrent: uti præ- *U. c. 550.*
 » tor Romanus his imperaret, ut foedus feri- *a. C. 200.*
 » rent, illi prætorēm sagmina poscerent. »
 Herbæ id genus ex arce sumtum dari fecia-
 libus solet. Ita dimissi ab Roma Carthaginien-
 ses, quum in Africam venissent ad Scipio-
 nem, quibus ante dictum est legibus, pacem
 fecerunt. Naves longas, elephantes, perfu-
 gas, fugitivos, captivorum quatuor millia
 tradiderunt. Inter quos Q. Terentius Culleo
 senator fuit. Naves proiectas in altum incendi
 jussit. Quingentas fuisse omnis generis, qua^e *Incensae* ^{500 naves.}
 remis agerentut, quidam tradunt: quarum
 conspectum repente incendium tam lugubre
 fuisse Pœnisi, quam si tum (*k*) ipsa Carthago
 arderet. De perfugis gravius, quam de fugi-
 tivis, consultum; nominis Latini qui erant,
 securi percussi, Romani in crucem sublati.

XLIV. ANNIS ante quadraginta pax cum
 Carthaginensibus postremo facta erat, Q.
 Lutatio, A. Manlio consulibus. Bellum ini-
 tum annis post tribus & viginti, P. Cornelio
 Ti. Sempronio consulibus. Finitum est septi-
 modecimo anno, Cn. Cornelio, P. Ælio Pæ-
 to consulibus. Sæpe postea ferunt Scipionem

(*k*) *tum del. Gron. Crev.*

*U. c. 551.
a. C. 201.* dixisse, Ti. Claudi primum cupiditatem,

deinde Cn. Cornelii, fuisse in mora, quo minus id bellum exitio Carthaginis finiret. Carthagini (1) quum prima conlatio pecuniae diutino bello exhaustis difficilis videtur, mœstitiaque & fletus in curia esset,

*Rifus
Hanniba-
lis in pu-
blico fletu.* ridentem Hannibalem ferunt conspectum. Cujus quum Hasdrubal Haedus risum increparet in publico fletu, quum ipse lacrimarum cauissa esset; « Si, quemadmodum oris habitus cernitur oculis [inquit] sic & animus intus cerni posset, facile vobis adpareret, non laeti, sed prope amentis malis cordis hunc, quem increpatis, risum esse. Qui tamen nequaquam adeo est intempestivus, quam vestræ istæ absurdæ atque abhorrentes lacrimæ sunt. Tunc flesse decuit, quum ademta nobis arma, incensæ naves, interdictum externis bellis. Illo enim vulnera concidimus. Nec esse in vos, odio vestro, consultum ab Romanis credatis. Nulla magna civitas diu quiescere potest. Si foris hostem non habet, domi invenit: ut præ valida corpora ab externis cauissimis tutam vindicetur, sed suis ipsa viribus onerantur.

(1) *Carthaginensibus* Gron. Crev.

LIBER XXX CAP. XLV 183

» Tantum, nimirum, ex publicis malis sepi- *U. c. 531.
a. C. 201.*
» timus, quantum ad privatas res pertinet :
» nec in eis quidquam acrius, quam pecunias
» damnum, stimulat. Itaque, quum spolia
» viæ Carthagini detrahebantur, quum iner-
» mem jam ac nudam destitui inter tot arma-
» tas gentes Africæ cerneretis, nemo inge-
» muit. Nunc, quia tributum ex privato con-
» ferendum est, tamquam in publico funere
» comploratis. Quam vereor, ne propediem
» sentiatis, levissimo in malo vos hodie lacri-
» masse ! » Hæc Hannibal apud Carthaginien-
ses. Scipio, concione advocata, Mafinissam,
ad regnum paternum Cirta oppido & ceteris
urbibus agrisque, quæ ex regno Syphacis in
populi Romani potestatem venissent, adjectis
donavit. Cn. Octavium classem in Siciliam
dutam Cn. Cornelio consuli tradere jussit.
Legatos Carthaginensium Romanam proficiisci,
ut, quæ ab se ex decem legatorum sententia
acta essent, ea Patrum auctoritate populique
iussu confirmarentur.

XLV. PACE terra marique parta, exercitu
in naves inposito, in Siciliam Lilybæum tra-
jecit. Inde magna parte militum in navibus
missa, ipse per lætam pace non minus, quam

*Mafinissa
regno
Syphacis
donatus.*

*Scipio
Romam
reversus
triumphate*

*U. c. 55^a.
a. C. 201^a.* victoria, Italianam, effusis non urbibus modo ad habendos honores, sed agrestium etiam turba obsidente vias, Romam pervenit, triumphaque omnium clarissimo urbem est inventus. Argenti tulit in aerarium pondo centum millia viginti tria. Militibus ex praeda quadragenos aeris divisit. Morte subtraetus spectaculo magis hominum, quam triumphantis gloriae, Syphax est, Tibure haud ita multo ante mortuus, quo ab Alba traductus fuerat. Conspecta mors tamen ejus fuit, quia publico funere est elatus. Hunc regem in triumpho ductum Polybius, haudquaquam spernendus auctor, tradit. Secutus Scipionem triumphantem est pileo capiti inposito Q. Terentius Culleo: omnique deinde vita, ut dignum erat, libertatis auctorem coluit. Africanum cognomen militaris prius favor, an popularis aura, celebraverit, an, sicuti Felicis Sullae Magnique Pompeii patrum memoria, coepit ab adseritatione familiari sit, parum compertum habeo. Primus certe hic imperator nomine victae ase gentis est nobilitatus. Exemplo deinde hujus, nequaquam Victoria pares, insignes imaginum titulos claraque cognomina familiæ fecere.

EPITOME
LIBRI XXXI LIVIANI

BELLI adversus Philippum Macedoniæ regem, quod intermissum erat, repetitū caussæ referuntur hæc. Tempore Initiorum duo juvenes Acarnanes, qui non initiatæ erant, Athenas venerunt, & in sacrum Cereris cum aliis popularibus suis intraverunt. Ob hoc, tamquam nefas summum commisissent, ab Atheniensibus cæse sunt. Acarnanes, mortibus suorum commoti, ad vindicandos illos auxilium a Philippo petierunt. Paucis mensibus post pacem Carthaginensibus datam, quingeniesimo quinquagesimo anno ab urbe condita, quum Atheniensium, qui obsidebantur a Philippo, legati auxilium a senatu petissent, & senatus id censuisset ferendum, plebe, quod tot bellorum continuus labor gravis erat, dissentiente, tenuit auctoritas Patrum, ut sociæ civitati ferri

*opem populus quoque juberet. Bellum id
P. Sulpicio consuli mandatum est : qui,
exercitu in Macedoniam duculo, equestribus
præliis cum Philippo prospere pugnavit.
Abydeni a Philippo obseSSI, ad exemplum
Saguntinorum, suos seque occiderunt. L.
Furius prætor Gallos Insubres rebellantes
& Hamilcarem Pœnum, bellum in ea
parte molientem, acie vicit. Hamilcar eo
bello occisus est, & millia hominum tri-
ginta sex. Præterea expeditiones Philippi
regis & Sulpicii consulis, expugnationes-
que urbium ab utroque factas, continet.
Sulpicius consul, adjuvantibus rege At-
tealo & Rhodiis, bellum gerebat. Trium-
phavit de Gallis L. Furius prætor.*

LIBER XXXI

L

Me quoque juvat, velut ipse in parte la- *U. e. 551.
a. C. 201.*
boris ac periculi fuerim, ad finem belli Pu-
nici pervenisse. Nam et si profireri ausum,
perscripturum res omnes Romanas, in par-
tibus singulis tanti operis fatigari minime
conveniat; tamen, quum in mentem venit,
tres & sexaginta annos (tot enim sunt a pri-
mo Punico ad secundum bellum finitum)
æque multa volumina occupasse mihi, quam
occuparint quadringenti octingenti octo (*a*)
anni a condita urbe ad Ap. Claudium con-
sulem, qui primus bellum Carthaginensibus
intulit; jam provideo animo, velut qui pro-
ximis litori vadis inducti mare pedibus ingre-
diuntur, quidquid progrederior, in vastiorem
me altitudinem, ac velut profundum invehiri,
& crescere pene opus, quod prima quæque
perficiendo minutu videbatur. Pacem Punicam
bellum Macedonicum exceptit; periculo haud-
quaquam comparandum, aut virtute ducis,
aut militum robore: claritate regum anti-

(a) *septem Crev.*

*V. e. 551.
a. C. 201.* quorum , vetustaque (b) fama gentis , & magnitudine imperii , quo multam quondam Europæ , majorem partem Asiæ obtinuerant armis , prope nobilius . Ceterum cœptum bellum adversus Philippum deçem ferme ante annis , triennio prius depositum erat , quum Ætolis & belli & pacis fuissent cauſæ (c) : Vacuos deinde pace Punica jam Romanos & infenos Philippo , quum ob infidam adverſus Ætolos aliosque regionis ejusdem socios pacem , tum ob auxilia cum pecunia nuper in Africam missa Hannibali Pœnisque , preces Atheniensium , quos agro pervaſtato in urbem compulerat , excitaverunt ad renovan- dum bellum .

*Querela
de
Philippo.* II. SUB idem fere tempus & ab Attalo rege , & Rhodiis legati venerunt , nunciantes , Asiæ quoque civitates follicitari . His legationibus responsum est , curæ Asianam rem senatui fore . Consultatio de Macedo- nico bello integra ad consules , qui tunc in prœlio cum Boiis erant , rejecta est . Interim ad Ptolemæum Ægypti regem legati tres missi , C. Claudius Nero , M. Æmilius Lepidus ,

*Legati in
Ægyptum.*

(b) *vetustaque* Gron. Crev.

(c) *cauſa* Gron. Crev.

LIBER XXXI CAP. II 189

P. Sempronius Tuditanus : ut & adnunciarent *U. c. 551.
a. C. 201³* viētum Hannibalem Pœnosque , & gratias
ägerent regi , quod in rebus dubiis , quum
finitimi etiam socii Romanos defererent , in
fide mansisset ; & peterent , tit , si coacti
injuriis bellum adversus Philippum suscepis-
sent , pristinum animum erga populum Ro-
manum conservaret . Eodem fere tempore P.
Ælius consul in Gallia , quum audisset a
Boiis ante suum adventum incursionses in
agros sociorum factas , duabus legionibus
subitariis tumultus ejus caussa scriptis , addi-
tisque ad eas quatuor cohortibus de exercitu
suo , C. Oppium præfetum socium hac tu-
multuaria manu per Umbriam (quam tribum
Sappinium vocant) agrum Boiorum invadere
jussit . Ipse eodem , aperto itinere , per me-
dios montes duxit . Oppius , ingressus hostium
fines , primo populationes satis prospere ac-
tuto fecit . Delecto deinde ad castrum Mu-
tilum satis idoneo loco , ad demetenda fru-
menta (jam enim maturæ erant segetes) pro-
fecitus , neque explorato circa , nec stationi-
bus satis firmis , quæ armatæ inermes atque
operi intentos tutarentur , positis , improviso
inpetu Gallorum cum frumentatoribus est

*U. c. 551.
a. C. 201.* circumventus. Inde pavor fugaque etiam armatos cepit. Ad septem millia hominum palata per segetes sunt cæsa : inter quos ipse *C. Oppius circumveniens a Boiis.* C. Oppius præfetus. Ceteri in castra metu compulsi, inde sine certo duce consensu militari proxima nocte, relicta magna parte rerum suarum, ad consulem per saltus prope invios pervenere. Qui, nisi quod populatus est Boiorum fines, & cum Ingaunis Liguribus foedus icit, nihil, quod esset memorabile, aliud in provincia quam gessisset, Romanam rediit.

III. QUUM primum senatum habuit, universis postulantibus, ne quam prius rem, quam de Philippo socrorumque querelis, ageret; relatum exemplo est : decrevitque frequens senatus, ut P. Ælius consul, quem videretur ei, cum imperio mitteret, qui, classe accepta, quam ex Sicilia Cn. Octavius reduceret, in Macedoniam trajiceret. M. Valerius Lævinus prætor missus, circa Vibonem duodequadraginta navibus ab Cn. Octavio acceptis, in Macedoniam transmisit. Ad quem quum M. Aurelius legatus venisset, edocuisseque eum, quantos exercitus, quantum navium numerum comparasset rex, & quem-

LIBER XXXI CAP. IV 191

admodum circa omnes non continentis modo *U. e. 551.
a. C. 201.*
urbes, sed etiam insulas, partim ipse adeundo, partim per legatos, conciret homines ad arma; majore conatu Romanis id capeſſendum bellum esse, ne, cunctantibus iis, auderet Philippus, quod Pyrrhus prius ausus ex alio quanto minore regno effet; hæc eadem scribere Aurelium consulibus & Senatui placuit.

IV. EXITU hujus anni quum de agris veterum militum relatum effet, qui ductu atque auspicio P. Scipionis in Africa bellum perfecſſent; decreverunt Patres, ut M. Junius prætor urbis, si ei videretur, decemviros agro Samniti Appuloque, quod ejus publicum populi Romani effet, metiendo dividendoque crearet. Creati P. Servilius, Q. Cæcilius Metellus, C. & M. Servilii; (Geminis ambobus cognomen erat) L. & A. Hostilii Catones, P. Villius Tappulus, M. Fulvius Flaccus, P. Ælius Pætus, Q. Flaminius. Per eos dies, P. Ælio consule comitia habente, creati consules P. Sulpicius Galba, C. Aurelius Cotta. Prætores exinde facti, Q. Minucius Rufus, L. Furius Purpureo, Q. Fulvius Gillo, Cn. Sergius Plancus. Ludi Romani scenici eo anno magnifice adparateque facti

ab ædilibus curulibus, L. Valerio Flacco & L. Quintio Flaminino. Biduum instauratum est. Frumentique vim ingentem, quod ex Africa P. Scipio miserat, quaternis æris populo cum summa fide & gratia divisorunt. Et plebeii ludi ter toti instaurati ab ædilibus plebis, L. Apustio Fullone & Q. Minucio Rufo: qui ex ædilitate prætor creatus erat: & Jovis epulum fuit ludorum caussa.

*U. e. 552.
a. C. 200.*

*P. Sulpicio
Aurelio
Coff.*

*Belli
Macedoni-
ei initium.*

V. ANNO quingentesimo quinquagesimo ab urbe condita, P. Sulpicio Galba, C. Aurelio consulibus, bellum cum rege Philippo initum est, paucis mensibus post pacem Carthaginensibus datam. Omnia primum eam rem Idibus Martiis, quo die tum consulatus inibatur, P. Sulpicius consul retulit: senatusque decretivit, uti consules majoribus hostiis rem divinam facerent, quibus Diis ipsis videretur, cum prectione ea: « Quam rem » senatus populisque Romanus de republica » deque in eundo novo bello in animo habeat » ret, ea res uti populo Romano, sociisque, » ac nomini Latino, bene ac feliciter eveniret: » secundum rem divinam prectionemque, ut de republica deque provinciis senatum consulerent. Per eos dies obportue in ritandis ad bel-

lum

LIBER XXXI CAP. VI 193

lum animis, & litteræ a M. Aurelio legato, & M. ^{U. s. 552.}
^{a. C. 200} Valerio Lævino proprætore adlatæ : & Athe-
 niensium nova legatio venit, quæ regem ad-
 propinquare finibus suis nunciatet : brevique,
 non agros modo, sed urbem etiam in ditione
 ejus futuram, nisi quid in Romanis auxiliu
 foret. Quum pronunciaſſent consules, rem
 divinam rite perfectam esse, & precationem
 admisſe Deos aruspices respondere, lætaque
 exta fuiffe, & prolationem finium, victoriame-
 que, & triumphum portendi; tum literæ Va-
 lerii Aureliique leſtæ, & legati Atheniensium
 audit. Senarus inde consultum factum est,
 ut sociis gratiæ agerentur; quod diu sollici-
 tati, ne obsidionis quidem metu fide deces-
 ſiffent. De auxilio mittendo tum respondere
 placere, quum consules provincias fortiti
 effent: atque is consul, cui Macedonia
 provincia evenifset, ad populum tulifset, ut
 Philippo regi Macedonum indiceretur bellum.

VI. P. SULPIO provincia Macedonia forte ^{Provincia-}
 evenit, ifque rogationem promulgavit, « Vel-
^{rum} ^{diviſſea}
 » lent, juberent Philippo regi Macedonibus-
 » que, qui sub regno ejus effent, ob injurias
 » armaque inflata sociis populi Romani, bel-
 » lum indici. » Alteri consuli Aurelio Italia

*U. c. 552.
a. C. 200.* provincia obtigit. Prætores exinde sortiti sunt, Cn. Sergius Plancus urbanam, Q. Fulvius Gillo Siciliam, Q. Minucius Rufus Brutrios, L. Furius Purpureo Galliam. Rogatio de bello Macedonico primis comitiis ab omnibus ferme centuriis antiquata est. Id quum fessi diuturnitate & gravitate belli sua sponte homines tædio laborum periculorumque fecerant, tum Q. Bæbius tribunus plebis, viam antiquam criminandi Patres ingressus, incusaverat bella ex bellis seri, ne pace umquam frui plebs posset. Ægre eam rem passi Patres, laceratusque probris in senatu tribunus plebis: & consulem pro se quisque hortari, ut de integro comitia rogationi rendæ ediceret, castigaretque segnitiem populi, atque doceret, quanto damno dedecoriique dilatio ea belli futura esset.

VII. CONSUL in campo Martio comitiis habitis, priusquam centurias in suffragium mitteret, concione advocata, « Ignorare [in-
» quit] videmini mihi, Quirites, non, utrum
» bellum an pacem habeatis, vos consuli:
» (neque enim liberum id vobis permittit Phi-
» lippus, qui terra marique ingens bellum
» molitur) sed utrum in Macedoniam legio-

LIBER XXXI CAP. VII 195

» nes transportetis, an hostem in Italiam ac- U. c. 552.
a. C. 200.
» cipiat. Hoc quantum interfit, si umquam
» ante alias, Punico certe proximo bello ex-
» perti estis. Quis enim dubitat, quin, si
» Saguntinis obseffis fidemque nostram inplot-
» rantibus in pigre tulissimus opem, sicut pa-
» tres nostri Mamertinis tulerant, totum in
» Hispaniam aversuri bellum fuerimus, quod
» cunctando cum summa clade nostra in Ita-
» liam accepimus? Ne illud quidem dubium
» est, quin hunc ipsum Philippum, pactum
» jam per legatos literasque cum Hannibale
» in Italiam trajicere, missio cum classe Læ-
» vino, qui ultro ei bellum inferret, in Ma-
» cedonia continuuerimus. Et quod tunc feci-
» mus, quum hostem Hannibalem in Italia
» haberemus, id nunc, pulso Italia Hannibale,
» devictis Carthaginensibus, cunctamur fa-
» cere? Patiamur expugnandis Athenis, sicut
» Sagunto expugnando Hannibalem passi fu-
» mus, segnitiem nostram experiri regem:
» Non quinto inde mense, quemadmodum ab
» Sagunto Hannibal, sed quinto inde die,
» quam ab Corintho solverit naves, in Ita-
» liam perveniet. Ne æquaveritis Hannibali
» Philippum, ne Carthaginensibus Macedo-

U. c. 552. "nas; Pyrrho certe æquabitis: dico, quan-
a. C. 200. " tum vel vir viro, vel gens genti præstat.
" Minima accessio semper Epirus regno Mace-
" doniæ fuit, & hodie est. Peloponesum to-
" tam in ditione Philippus habet, Argosque
" ipsos, non vetere fama magis, quam morte
" Pyrrhi nobilitatos. Nostra nunc compara.
" Quanto magis florentem Italiam, quanto
" magis integras res, salvis ducibus, salvis
" tot exercitibus, quos Punicum postea bel-
" lum absunt, adgressus Pyrrhus tamen
" concussit, & victor prope ad ipsam urbem
" Romam venit! Nec Tarentini modo oraque
" illa Italizæ, quam majorem Græciam vocant,
" ut linguam, ut nomen secutos crederes,
" sed Lucanus, & Bruttius, & Samnis, a
" nobis defecerunt. Hæc vos, si Philippus
" in Italiam transmiserit, quietura aut man-
" sura in fide creditis? Manserunt enim Pu-
" nico postea bello. Numquam isti populi,
" nisi quum deerit, ad quem desciscant, a
" nobis non deficient. Si pugnisset vos in
" Africam tracicere, hodie in Italia Hanniba-
" lem & Carthaginenses hostes haberetis.
" Macedonia potius, quam Italia, bellum ha-
" beat: hostium urbes agrique ferro atque

LIBER XXXI CAP. VIII 197

» igni vastentur. Experti jam sumus foris no- *U. e. 552.*
» bis , quam domi , feliciora potentioraque *a. C. 200.*
» arma esse. Ite in suffragium , bene juvan-
» tibus Diis ; & , quæ Patres censuerunt,
» vos jubete. Hujus vobis sententiæ non con-
» sul modo auctor est , sed etiam Dii inmor-
» tales ; qui mihi sacrificanti precantique , ut
» hoc bellum mihi , senatui , vobisque , & fo-
» ciis ac nomini Latino , classibus exercitibus-
» que nostris bene ac feliciter eveniret , læta
» omnia prosperaque portendere. »

VIII. AB hac oratione in suffragium missi ,
uti rogarat , bellum jusserunt. Supplicatio
inde a consulibus in triduum ex senatuscon-
sulto indicta est , obsecratique circa omnia
pulvinaria Diis , ut , quod bellum cum Philippo
populus jussisset , id bene ac feliciter eveni-
ret. Consultique faciales ab consule Sulpicio;
bellum , quod indiceretur regi Philippo ,
utrum ipsi utique nunciari juberent; an satis
esset , in finibus regni quod proximum præ-
sidium esset , eo nunciari? faciales decreve-
runt , utrum eorum fecisset , reðte facturum.
Consuli a Patribus permisum , ut , quem vi-
deretur , ex iis , qui extra senatum essent ,
legatum mitteret ad bellum regi indicendum.

*P. R.
Bellum
jubet.
Supplica-
tio indicta.
Consulti
faciales.*

U. c. 552. Tum de exercitibus consulum prætorumque
 a. C. 200.
Exercitus comparantur. actum. Consules binas legiones scribere jussi ;
 veteres dimittere exercitus. Sulpicio , cui
 novum ac magni nominis bellum decretum
 erat , permisum , ut de exercitu , quem P.
 Scipio ex Africa deportasset , voluntarios ,
 quos posset , duceret : invitum ne quem mi-
 litem veterem ducendi jus esset. Prætoribus
 L. Furio Purpureoni & Q. Minucio Rufo
 quina millia socium Latini nominis consul
 daret : quibus præfidiis alter Galliam , alter
 Bruttios provinciam obtineret. Q. Fulvius
 Gillo & ipse jussus ex eo exercitu , quem
 P. Ælius consul habuisset , ut quisque minime
 multa stipendia haberet , legere , donec &
 ipse quinque millia socium ac nominis Latini
 effecisset : id præsidio Siciliæ provinciæ esset.
 M. Valerio Faltoni , qui prætor priore anno
 Campaniam provinciam habuerat , proroga-
 tum in annum imperium est ; uti proprætor
 in Sardiniam trajiceret , atque de exercitu ,
 qui ibi esset , quinque millia socium nominis
 Latini , qui eorum minime multa stipendia
 haberet , legeret. Et consules duas urbanas
 legiones scribere jussi : quæ , si quo res pos-
 ceret , multis in Italia contactis gentibus

LIBER XXXI CAP. IX 199

Punici belli societate, iraque inde fumentibus, mitterentur. Sex legionibus Romanis eo anno usura respublica erat.

U. c. 552

a. C. 200

Legiones 6.

IX. In ipso adparatu belli legati ab rege Ptolemæo venerunt, qui nunciarunt, « Athenies adversus Philippum petisse ab rege auxilium. Ceterum, et si communes socii sint, tamen, nisi ex auctoritate populi Romanie, neque classem, neque exercitum defendendi aut obpugnandi cuiusquam causa regem in Græciam missurum esse. Vel quieturum eum in regno, si populo Romano socios defendere liceat; vel Romanos quiete cere, si malint, passurum, atque ipsum auxilia, quæ facile adversus Philippum tueri Athenas possent, missurum. » Gratiæ regi ab senatu aetæ, responsumque; « Tutari socios populo Romano in animo esse: si qua re ad id bellum opus sit, indicaturos regi, regnique ejus opes scire subsidia firma ac fidelia suæ republicæ esse. » Munera deinde legatis in singulos quinum millium æris ex senatusconsulto missa. Quum delectum consules haberent, pararentque, quæ ad bellum opus essent; civitas religiosa, in principiis maxime novorum bellorum, supplicationibus

*Legati
Ptolemai.*

V. e. 352. a. C. 200. habitis jam , & obsecratione circa omnia pulvinaria facta , ne quid prætermitteretur , quod aliquando factum esset , ludos Jovi donumque vovere consulem , cui provincia Macedonia evenisset , jussit . Moram voto publico Licinius pontifex maximus adtulit , qui negavit , « ex incerta pecunia vovere debere , » si ea pecunia non posset in bellum usui esse . Reponi statim debere , nec cum alia pecunia misceri . Quod nisi factum esset , votum rite solvi non posse . » Quanquam & res , & auctor movebat , tamen ad collegium pontificum referre consul jussus , si posset recte votum incertæ pecuniae suscipi . Posse , recitusque etiam esse , pontifices decreverunt . Vovit in eadem verba consul , præeunte maximo pontifice , quibus antea quinquennalia vota suscipi solita erant : præterquam quod tanta pecunia , quantam tum , quum solvere- tur , senatus censuisset , ludos donaque facturum vovit . Toties ante ludi magni de certa pecunia voti erant : ii primi de incerta .

X. OMNIUM animis in bellum Macedoniu-
Gallicus cum versis , repente nihil minus eo tempore
tumultus , timentibus , Gallici tumultus fama exorta est .
autore
Hamilcare Insubres , Cenomanique , & Boii , excitis

Salyis, Ilvatibusque, & ceteris Ligustinis *U. e. 552.*
populis, Hamilcare Pœno duce, qui in iis *a. C. 200.*
locis de Hasdrubalis exercitu substiterat,
Placentiam invaserant: &c, direpta urbe, ac
per iram magna ex parte incensa, vix duobus
millibus hominum inter incendia ruinasque
relictis, trajecto Pado ad Cremonam diripien-
dam pergunt. Vicinæ urbis audita clades spa-
tium colonis dedit ad claudendas portas, præ-
sidiaque per muros disponeada, ut obsideren-
tur tamen prius, quam expugnarentur, nun-
ciosque mitterent ad prætorem Romanum.
L. Furius Purpureo tum (*d*) provinciæ præ-
erat, cetero ex senatusconsulto exercitu di-
misso, præter quinque millia socium ac La-
tini nominis, cum iis copiis in proxima re-
gione provinciæ circa Ariminum substite-
rat. Is tum senatus scripsit, quo in tumultu
provincia esset. « Duarum coloniarum, qua
» ingentem illam tempestatem Punici belli
» subterfugient, alteram captam ac direptam
» ab hostibus, alteram obpugnari. Nec in
» exercitu suo satis præsidii colonis laboran-
» tibus fore, nisi quinque millia socium qua-
» draginta millibus hostium (tot enim in ar-
» mis esse) trucidanda objiceret velit, & tanta

(d) qui tum Gron. Crev.

U. c. 552. » sua clade, jam inflatos excidio coloniae Ro-
a. C. 200. » manæ , augere hostium animos. »

XI. His literis recitatis decreverunt, ut
 C. Aurelius consul exercitum , cui in Etru-
 riam ad convenientum diem edixerat, Arimini
 eadem die adefse juberet, & aut ipse , si per
 commodum reipublicæ posset, ad obprimen-
 dum Gallicum tumultum proficeretur, aut
 L. Furio prætori scriberet, ut , quum ad eum
 legiones ex Etruria venissent, missis in vicem
 earum quinque millibus sociorum , qui inte-
 rim Etruriæ præsidio essent , proficeretur
 ipse ad coloniam liberandam obsidione. Le-
 gatos item mittendos in Africam censuerunt,
 eosdem Carthaginem , eosdem in Numidiam
 ad Masinissam. Carthaginem , ut nunciarent ,
 « civem eorum Hamilcarem relictum in Gal-
 lia, haud satis scire ex Hasdrubalis prius ,
 » an ex Magonis postea exercitu , bellum
 » contra foedus facere. Exercitus Gallorum
 » Ligurumque excivisse ad arma contra popu-
 » lum Romanum. Eum , si pax placeret , revo-
 » candum illis , & dedendum populo Romano
 » esse. » Simul nunciare jussi , « perfugas
 » sibi non omnes redditos esse ; ac (e) ma-

*Legati
Carthagi-
nem missi.*

(e) ac del. Gron. Crev.

LIBER XXXI CAP. XI 203

U. e. 552.
a. C. 200.

» gnam partem eorum palam Carthagini ob-
» versari dici : quos comprehendi conquiri-
» que debere , ut sibi ex fœdere restituan-
» tur. » Hæc ad Carthaginenses mandata.
Masinissæ gratulari jussi , « quod non patrium
» modo recuperasset regnum , sed , parte flo-
» rentissima Syphacis finium adjecta , etiam
» auxisset. » Nunciare præterea jussi , « bellum
» cum rege Philippo suscepsum , quod Car-
» thaginienses auxiliis juvisset , injuriasque
» inferendo sociis populi Romani , flagrante
» bello Italia (f) , coëgisset classes exercitus-
» que in Græciam mitti ; & , distinendo
» copias , caussa in primis suisser serius in
» Africam trajiciendi. Petere , ut ad id bellum
» mitteret auxilia Numidarum equitum. » Dona
ampla data , quæ ferrent regi , vasa aurea
argenteaque , toga purpurea , & palmaria tu-
nica cum eburneo Scipione , & toga prætexta
cum curuli sella : jussique polliceri , « si quid
» ei ad firmandum agendumque regnum opus
» esse judicasset , enise id populum Romanum
» merito ejus præstaturum. » Verminæ quo-
que Syphacis filii legati per eos dies senatum
adierunt , excusantes errorem adolescentiam-

*Iidem ad
Masinissam.*

*Verminæ
Syphacis
filii legati.*

(f) *Italiæ Gron.*

U. c. 552.
 a. C. 200. que , & culpam omnem in fraudem Cartha-
 ginensium avertentes. « Et Masinissam Roma-
 » nis ex hoste amicum factum : Verminam
 » quoque adnisurum , ne officiis in populum
 » Romanum aut a Masinissa , aut ab ullo alio
 » vincatur. Petere , ut rex , sociusque , &
 » amicus ab senatu adpellaretur. » Responsum
 legatis est : « Et patrem ejus Syphacem sine
 » causa ex socio & amico hostem repente
 » populi Romani factum : & eum ipsum rudi-
 » mentum adolescentiae bello laceffentem
 » Romanos posuisse. Itaque pacem illi prius
 » petendam a populo Romano esse , quam ut
 » rex , sociusque , & amicus adpelletur. No-
 » minis ejus honorem pro magnis erga se
 » regum meritis dare populum Romanum
 » consuesse. Legatos Romanos in Africa fore ,
 » quibus mandaturum senatum , ut Verminæ
 » pacis dent leges , liberum arbitrium eis po-
 » pulo Romano permittente. Si quid ad eas
 » addi , demi , mutarive vellet , rursus ab
 » senatu ei postulandum fore. » Legati cum
 iis mandatis in Africam missi , C. Terentius
 Varro , Sp. (g) Lucretius , Cn. Octavius.
 Quinqueremes singulis datæ.

(g) P. Gron. Crev.

XII. LITERÆ deinde in senatu recitatæ sunt
 Q. Minucii prætoris, cui Brutii provincia
 erat; « Pecuniam Locris ex Proserpinæ the-
 » fauris nocte clam sublatam: nec, ad quos
 » pertineat facinus, vestigia nulla extare. »

Indigne passus senatus, non cessari ab sacri-
 legiis, & ne Pleminium quidem, tam clarum
 recensque noxæ simul ac pœnæ exemplum,
 homines detergere. C. (h) Aurelio consuli
 negotium datum, ut ad prætorem in Brutios
 scriberet: senatui placere, quæstionem de
 » expilatis thesauris eodem exemplo haberi,
 » quo M. Pomponius prætor triennio ante
 » habuisset. Quæ inventa pecunia esset, re-
 » poni. Si quo minus inventum foret, expleri:
 » ac piacularia, si videretur, sicut ante ponti-
 » fices censuerint, fieri caussa expiandæ vio-
 » lationis ejus templi. » Prodigia etiam sub
 idem tempus pluribus locis nunciata accide-
 runt. In Lucanis cœlum arsisse adferebant.
 Priverni fereno per diem totum rubrum so-
 lem fuisse. Lanuvii templo Sospitæ Junonis
 nocte strepitum ingentem exortum. Jam ani-
 malium obscœni fœtus pluribus locis nun-
 ciabantur: in Sabinis incertus infans natus,

*U. c. 552_a**C. 200.**Sublata**pecunia &**fano**Proserpi-**næ.*

U. c. 552. masculus an femina esset : alter sexdecim
a. C. 200. jam annorum item ambiguo sexu inventus :
 Frusinone agnus cum suillo capite, Sinuesse
 porcus cum capite humano natus : in Luca-
 nis in agro publico equuleus cum quinque
 pedibus. Fœda omnia & deformia, errantissi-
 que in alienos foetus naturæ visa. Ante om-
 nia abominati semimares jussique, in mare ex-
 templo deportari : sicut proxime, C. Claudio,
 M. Livio consulibus, deportatus similis pro-
 digii foetus erat. Nihilo minus decemviro
 adire libros de portento eo jusserunt. De-
 cemviri ex libris res divinas easdem, quæ
 proxime secundum id prodigium factæ essent,
 imperarunt. Carmen præterea ab ter novenis
 virginibus cani per urbem jusserunt, donum-
 que Junoni Reginæ ferri. Ea uti fierent, C.
 Aurelius consul ex decemvirorum responso
 curavit. Carmen, sicut patrum memoria Li-
 vius, ita tum condidit P. Licinius Tegula.

*Redditæ
Proserpinæ
pecunia.*

XIII. EXPIATIS omnibus religionibus, (nam
 etiam Locris sacrilegium pervestigatum a Q.
 Minucio erat, pecuniaque ex bonis noxiou-
 rum in thesauros reposita) quum consules in
 provincias proficiisci vellent; privati frequen-
 tes, quibus ex pecunia, quam M. Valerio,

M. Claudio consulibus mutuam dederant, tertia *U. c. 552.*
 pensio debebatur eo anno, adierunt senatum: *a. C. 200.*
 quia consules, quum ad novum bellum, quod
 magna classe magnisque exercitibus gerendum
 esset, vix ærarium subficeret, negaverant
 esse, unde iis in præsentia solveretur. Sena-
 tus querentes eo non sustinuit, « Si in Puni-
 » cum bellum pecunia data, in Macedonicum
 » quoque bellum uti respublica vellet; aliis
 » ex aliis orientibus bellis, quid aliud quam
 » publicatam, pro beneficio, tamquam ob-
 » noxam, suam pecuniam fore? » Quum &
 privati æquum postularent, nec tamen sol-
 vendo ære alieno respublica esset, quod me-
 dium inter æquum & utile erat, decreverunt,
 « Ut, quoniam magna pars eorum agros vulgo
 » venales esse diceret, & sibimet emtis opus
 » esse; agri publici, qui intra quinquagesi-
 » mum lapidem esset, copia iis fieret. Con-
 » sules agrum æstimatueros, & in jugera asses
 » vectigales, testandi caussa publicum agrum
 » esse, inposituros; ut, si quis, quum solvere
 » posset populus, pecuniam habere, quam
 » agrum, mallet, restitueret agrum populo. »
 Læti eam conditionem privati accepere. Trien-
 tius Tabiliusque is ager, quia pro tertia parte
 pecuniae datus erat, appellatus.

Privatis
 pro
 pecunia
 in bellum
 data agri
 adsignati.

*U. c. 552.
a. C. 200.*

*Sulpicius
Cof. it in
Macedo-
niam.*

*Athenæ
Macedon.
obſeffæ.*

XIV. TUM P. Sulpicius , secundum vótā in
Capitolio nuncupata , paludatus cum lictori-
bus profectus ab urbe , Brundisium venit,
& , veteribus militibus voluntarīs ex Afri-
cāno exercitu in legiones descriptis , navibus
que ex claſſe consulis Cornelii lectis , altera
die , quam a Brundisio solvit , in Macedoniam
trajecit. Ibi ei præsto fuere Atheniensium
legati , orantes , ut se obſidione eximeret.
Mifius extemplo Athenas est C. Claudius
Centho , cum viginti longis navibus , & mili-
tum copiis. Neque enim ipſe rex Athenas
obſidebat. Eo maxime tempore Abydum ob-
pugnabat , jam cum Rhodiis & Attalo nava-
libus certaminibus , neutro feliciter prælio ,
vires expertus. Sed animos ei faciebat , præ-
ter ferociam iñſitam , fœdus iustum cum An-
tiocho Syriæ rege , divisæque jam cum eo
Ægypti opes ; cui , morte audita Ptolemæi
Causa belli regis , ambo imminebant. Contraxerant autem
*Athenien-
ſes inter &
Philippum.* ſibi cum Philippo bellum Athenienses haud-
quaquam digna cauſſa : dum ex vetere for-
tuna nihil præter animos fervant. Acarnanes
duo juvenes per Initiorum dies , non initiati ,
templum Cereris , imprudentes religionis ,
cum cetera turba ingressi ſunt. Facile eos

ſermo

LIBER XXXI CAP. XV 209

fermo prodidit, absurde quædam percunctantes : deductique ad antistites templi, quum palam esset, per errorem ingressos, tamquam ob infandum scelus, interfæcti sunt. Id tam foede atque hostiliter factum gens Acarnanum ad Philippum detulit : impetravitque ab eo, ut, datis Macedonum auxiliis, bellum se inferre Atheniensibus pateretur. Hic exercitus, primo terram Atticam ferro ignique depopulatus, cum omnis generis præda in Acarniam rediit : & irritatio animorum ea prima fuit. Postea justum bellum decretis civitatis ultro indicendo factum. Attalus enim rex Rhodioque, persecuti (*i*) cedentem in Macedoniam Philippum, quum Æginam venissent; rex Piræum, renovandæ firmandæque cum Atheniensibus societatis cauffa, træjicit. Civitas omnis obviam effusa cum conjugibus ac liberis, sacerdotes cum insignibus suis, intrantem urbem, ac Dii prope ipsi exciti sedibus suis, exceperunt.

U. e. 552.

a. C. 200^b

*Attalus
Atheniæ*

XV. In concionem extemplo populus vocatus, ut rex, quæ vellet, coram ageret: deinde ex dignitate magis visum, scribere eum, de *Populum
scripto
ad loquitus* quibus videretur, quam præsentem aut refe-

(*i*) *secuti* Gron.

*U. c. 552.
a. C. 200.* rendis suis in civitatem beneficiis erubescere, aut significationibus adclamationibusque multitudinis, adsentatione inmodica pudorem onerantis. In literis autem, quæ missæ in concessionem recitatæque (*k*) sunt, commemoratio erat beneficiorum primum in civitatem sociam; deinde rerum, quas adversus Philippum gessisset; ad postremum adhorratio; « *Cap* » pessimum bellum, dum se, dum Rhodios, » tum quidem, dum etiam Romanos haberent. » Nequidquam postea, si tum cessassent, prætermissam occasionem quæsitos. » Rhodi deinde legati auditи sunt: quorum recens erat beneficium, quod naves longas quatuor Atheniensium, captas nuper a Macedonibus recuperatasque, remiserant. Itaque ingenti consensu bellum adversus Philippum decreatum. Honores regi primum Attalo inmodici, deinde & Rhodiis habitи: tum primum mentione inlata de tribu, quam Attalida adpellarent, ad decem veteres tribus addenda: & Rhodiorum populus corona aurea virtutis gratia donatus, civitasque Rhodiis data, quemadmodum Rhodii prius Atheniensibus dederant. Secundum hæc rex Attalus Æginam

*Athenien-
ses bellum
decernunt
in Philip-
pum.*

(*k*) *recitatae Gron, Crev.*

LIBER XXXI CAP. XVI 211

ad classem se recepit. Rhodii Ciam ab Ægina, *U. c. 552.
a. C. 200.* inde per insulas Rhodum navigarunt : omnibus, præter Andrum, Parumque, & Cythnum, quæ præsidis Macedonum tenebantur, in societatem acceptis. Attalum Æginæ, missi in Ætoliam nuncii, exspectatique inde legati, aliquamdiu nihil agentem tenuere : & neque illos excire ad arma potuit, gaudentes utcumque compofita cum Philippo pace ; & ipse Rhodiisque, si institiffent tunc Philippo, egregium liberatæ per se Græciæ titulum habere potuissent : patiendo rursus eum in Hellefponsum trajicere, occupantemque Græciæ obportuna loca vires conligere, bellum alueare, gloriandumque ejus gesti perfectique Romanis concesserunt.

XVI. PHILIPPUS magis regio animo est usus : qui, quum Attalum Rhodiosque hostes non sustinuissebat, ne Romano quidem, quod inminebat, bello territus, Philocle quodam ex præfectis suis cum duobus millibus peditum, equitibus ducentis ad populandos Atheniensium agros misso, classe tradita Heraclidi, ut Maroneam peteret, ipse terra eodem cum expeditis duobus millibus peditum, equitibus ducentis pergit. Et Maroneam quidem

*U. c. 552.
a. C. 200.* primo inpetu expugnavit : Ænum inde cum magno labore, postremo proditione Ganymedis præfeti Ptolemæi, cepit. Deinceps alia castella, Cypsela, & Doriscon, & Serrheum, occupat. Inde progressus ad Chersonesum, Elæunta & Alopeconnesum, tradentibus ipsis, recepit. Callipolis quoque & Madytos dedita, & castella quædam ignobilia. Abydeni, ne legatis quidem admisisse, regi portas clauerunt. Ea obpugnatio diu Philipum tenuit : eripique ex obsidione, ni cefsatum ab Attalo & Rhodiis foret, potuerunt. Attalus trecentos tantum milites in præsidium, Rhodii quadriremem unam ex classe, quum ad Tenedum staret, miserunt. Eodem postea, quum jam vix sustinerent obsidionem, & ipse Attalus quum trajecisset, spem tantum auxilii ex propinquo ostendit, neque terra, neque mari adjutis sociis.

*Philippos
Abydum
obsidet.*

XVII. ABYDENI primo tormentis per muros dispositis, non terra modo adeuentes aditu arcebant, sed navium quoque stationem infestam hosti faciebant. Postea, quum & muri pars strata ruinis, & ad interiorem raptim obpositum murum cuniculis jam perventum esset; legatos ad regem de conditionibus

Enam inde cum
prodicione Gany-
epi. Deinceps
erlcon, & Ser-
vias ad Cherio-
neum, traden-
tia quoque &
adum ignobilia,
a alibus, regi-
natio fia Philip-
pide, ni cel-
sor, potue-
num milites in
unum unam ex-
ret, miserunt.
dulcinerent ob-
trum traecliset,
inquo offendit,
us sociis.
mentis per mu-
adeantes adiu-
tationem in-
quam & muri
meriore rapim
de conditionibus
de pervenimus

LIBER XXXI CAP. XVII 213

tradendæ urbis miserunt. Paciscebantur autem, *U. e. 552.*
ut Rhodiam quadrirèmem cum sociis nava- *a. C. 200.*

libus, Attalique præsidium emitti liceret; atque ipsis urbe excedere cum singulis vestimentis. Quibus quum Philippus nihil pacati, *Abydeno-*
rum rabies. nisi omnia permittentibus, respondisset; adeo renunciata hæc legatio ab indignatione simul ac desperatione iram accedit, ut, ad Saguntinam rabiem versi, matronas omnes in templo Dianæ, pueros ingenuos, virginesque, infantes etiam cum suis nutricibus, in gymnasium includi juberent: aurum & argentum in forum deferri, vestem pretiosam in naves Rhodiam Cyzicenamque, quæ in portu erant, congeri (*1*): sacerdotes viñtasque adduci, & altaria in medio poni. Ibi delecti primum, qui, ubi cæsam aciem suorum, pro diruto muro pugnantem, vidissent, extemplo conjuges liberosque interficerent; aurum, argento, vestemque, quæ in navibus esset, in mare dejicerent; tectis publicis privatisque, quamplurimis locis possent, ignes subjicerent, &, se facinus perpetraturos, præeuntibus exsecrabile carmen sacerdotibus, jurejurando adaecti: tum militaris ætas jurare, neminem

(*1*) *conjici* Gron.

U. c. 352. vivum, nisi vi^{ct}orem, acie excessurum. Hi,
a. C. 204. memores Deorum, adeo pertinaciter pugna-
verunt, ut, quum nox prœlium diremtura
esset, rex prior, territus rabie eorum, pugna
Urbs dedi- abstiterit. Principes, quibus atrocior pars
tur a
principi- bus. facinoris delegata erat, quum paucos & con-
fectos vulneribus ac lassitudine superesse prœ-
lio cernerent, luce prima sacerdotes cum
infusis ad urbem dedendam Philippo mittunt.

XVIII. ANTE ditionem ex iis legatis
Romanis, qui Alexandriam missi erant, M.
Æmilius trium consensu minimus natu, au-
dita obsidione Abydenorum, ad Philippum
venit. Qui, questus Attalo Rhodiisque ar-
ma inlata, & quod tum maxime Abydum
obpugnaret, quum rex ab Attalo & Rhodiis
ultra se bello lacefatum diceret ; « Num Aby-
» deni quoque [inquit] ultro tibi intulerunt
» arma ? Insueta vera audire ferocior ora-
tio visa est, quam quæ habenda apud regem
estet. « Ætas [inquit] & forma, & super
» omnia Romanum nomen te ferociorem fa-
» cit. Ego autem primum velim, vos fœde-
» rum memores servare mecum pacem. Si
» bello laceferitis, mihi quoque in animo
» est facere, ut regnum Macedonum nomen-

LIBER XXXI CAP. XVIII 215

» que , haud minus quam Romanum , nobile *U. e. 552.*
 » bello sentiatis. » Ita dimisso legato , Philip- *a. C. 200.*
 pus , auro argentoque , quæ coacervata erant ,
 accepto , hominum prædam omnem amisit .
 Abydeni
 se ipsi
 trucidant.
 Tanta enim rabies multitudinem invasit , ut
 repente proditos rati , qui pugnantes mortem
 obcubuissent , perjuriumque aliis alii expro-
 brantes , & sacerdotibus maxime , qui , quos
 ad mortem devovissent , eorum ditionem
 vivorum hosti fecissent , repente omnes ad
 cædem conjugum liberorumque discurrerent ,
 seque ipsi per omnes vias lethi interficerent .
 Obstupefactus eo furore rex , subpressit in-
 petum militum : & , « triduum se ad morien-
 dum Abydenis dare , » dixit . Quo spatio
 plura facinora in se vieti ediderunt , quam
 infesti edidissent viatores : nec , nisi quem
 vincula aut alia necessitas mori prohibuit ,
 quisquam vivus in potestatem venit . Philippus ,
 inposito Abydi præsidio , in regnum rediit .
 Quum velut Sagunti excidium Hannibali ,
 sic Philippo Abydenorum clades ad Romanum
 bellum animos fecisset , nuncii obcurrerunt ,
 consulem jam in Epiro esse , & Apolloniam
 terrestres copias , navales Corcyram in hiber-
 na deduxisse .

*V. e. 352.
a. C. 200.*

*Legati
Rom. in
Africa.*

XIX. INTER hæc legatis, qui in Africam missi erant, de Hamilcare Gallici exercitus duce responsum a Carthaginensibus est, nihil ultra se facere posse, quam ut exsilio eum multarent, bonaque ejus publicarent. Per fugas & fugitivos, quos inquirendo vestigare potuerint, reddidisse: & de ea re missuros legatos Romam, qui senatui satisfacerent. Ducenta millia modium tritici Romam, ducenta ad exercitum in Macedoniam miserunt. Inde in Numidiam ad reges profecti legati. Dona data Masinissæ, mandataque edita. Equites mille Numidæ (quum duo millia daret) accepti. Ipse in naves inponendos curavit: & cum ducentis millibus modium tritici, ducentis hordei, in Macedoniam misit. Tertia legatio ad Verminam erat. Is ad primos fines regni legatis obviam progressus, ut scriberent ipsi, quas vellent, pacis conditiones, permisit. Omnem pacem bonam justamque fore sibi cum populo Romano. Datae leges pacis, jussusque ad eam confirmandam mittere legatos Romam.

*Lentulo ex
Hispania
reduci
concessa
oratio.*

XX. PER idem tempus L. Cornelius Lentulus pro consule cx Hispania rediit. Qui quum in senatu res ab se per multos annos

fortiter feliciterque gestas exposuisset, postu- U. c. 552.
a. C. 200.
lassetque, ut triumphanti sibi invehi liceret
in urbem; « res triumpho dignas esse » cen-
sebat senatus: « sed exemplum a majoribus
» non accepisse, ut, qui neque dictator, ne-
» que consul, neque prætor res gessisset,
» triumpharet. Pro consule illum Hispaniam
» provinciam, non consulem, aut prætorem,
» obtinuisse. » Decurrebatur tamen eo, ut
ovans urbem iniret, intercedente Ti. Sempro-
nio Longo tribuno plebis, qui nihilo ma-
gis id more majorum, aut ullo exemplo
futurum diceret. Postremo vietus consensu
Patrum tribunus cessit: & ex senatusconsulto
L. Lentulus ovans urbem est ingressus. Argenti-
tulit ex præda quadraginta quatuor millia
pondi; auri duo millia quadringenta quin-
quaginta (^m). Militibus ex præda centum
viginti asses divisit.

XXI. JAM exercitus consularis ab Arretio
Ariminum traductus erat, & quinque millia
socium Latini nominis ex Gallia in Etruriam
transierant. Itaque L. Furius, magnis itineri-
bus ab Arimino adversus Gallos, Cremonam
tum obsidentes, profectus, castra mille quin-

(m) quinquaginta del. Gron, Crev.

U. c. 552. gentorum passuum intervallo ab hoste posuit.
a. C. 200.

Occasio egregie rei gerendæ fuit, si protinus de via ad castra obpugnanda duxisset. Palati passim vagabantur per agros, nullo satis firmo reliquo præsidio. Lassitudini militum timuit, quod raptim ductum agmen erat. Galli, clamore suorum ex agris revocati, omissa præda, quæ in manibus erat, castra repetivere, & postero die in aciem progressi. Nec Romanis moram pugnandi fecit. Sed vix spatum instruendi fuit: eo cursu hostes in ptoelium venerunt. Dextra ala (in alas divisum socialem exercitum habebat) in prima acie locata est: in subsidiis duæ Romanæ legiones. M. Furius dextræ alæ, legionibus M. Cæcilius, equitibus L. Valerius Flaccus (legati omnes erant) præpositi. Prætor secum duos legatos, Cn. Lætorium & P. Titinium (*n*), habebat; cum quibus circumspicere & obire ad omnes hostium subitos conatus posset. Primo Galli, omni multitudine in unum locum connisi (*o*), obruere atque obterere sese dextram alam, quæ prima erat, sperarunt posse. Ubi id parum procedebat, circumire (*p*) a cornibus,

(*n*) *Titinium* Gron. Crev.

(*o*) *annixi* Gron. Crev.

(*p*) *circumvenire* Gron. Crev.

*U. c. 552.
a. C. 200.*

& amplecti hostium aciem (quod in multitudo aduersus paucos facile videbatur) connotati sunt. Id ubi vidit prætor, ut & ipse dilataret aciem, duas legiones ex subsidiiis dextra laevaque alæ, quæ in prima acie pugnabat, circumdat, ædemque Deo Jovi vovit, si eo die hostes fudisset. L. Valerio imperat, ut parte duarum legionum equites, altera scutorum equitatum in cornua hostium emittat, nec circumire (q) eos aciem patiatur. Simul & ipse, ut extenuatam medium deductis cornibus aciem Gallorum videt, signa inferre confertos milites, & perrumpere ordines jubet. Et cornua ab equitibus, & medii a pedite pulsi. Ac repente, quum omni parte cæde ingenti sterterentur, Galli terga vertunt, fugaque effusa repetunt castra. Fugientes persecutus eques, mox & legiones infestatae in castra inpetum fecerunt. Minus sex millia hominum inde effugerunt. Cæsa autem (r) capta supra quinque & triginta millia cum signis militaribus septuaginta (s), carpentis Gallicis, multa præda oneratis, plus

(q) circumvenire Gron.

(r) & Gron. Crev.

(s) octoginta Gron. Crev.

*U. c. 552.
a. C. 200.* ducentis. Hamilcar dux Poenus eo prælio cecidit, & tres imperatores nobiles Gallorum. Placentini captivi ad duo millia librorum capitum redditii colonis.

XXII. MAGNA victoria lætaque Romæ fuit. Literis adlatis, supplicatio in triduum decreta est. Romanorum sociorumque ad duo millia eo prælio ceciderunt : plurimi dextræ alæ, in quam primo in petu vis ingens hostium inlata est. Quamquam per prætorem prope debellatum erat, consul quoque C. Aurelius, perfectis, quæ Romæ agenda fuerant, profectus in Galliam, viætorem exercitum a prætore accepit. Consul alter, quum autumno ferme exacto in provinciam venisset, circa Apolloniā hibernabat. Ab classe, quæ Corcyrae subducta erat, C. Claudius triremesque Romanæ, (sicut ante dictum est) Athenas missæ, quum Piræum pervenissent, despondentibus jam animos sociis spem ingentem adulterant. Nam & terrestres ab Corintho, quæ per Megaram incursions in agros fieri solitæ erant, non siebant; & prædonum a Chalcide naves, quæ non mare solum infestum, sed etiam omnes maritimos agros Atheniensibus fecerant, non modo Su-

*Res
Graciæ.*

*Athenæ
defensa.*

LIBER XXXI CAP. XXIII 221

nium superare, sed nec extra fretum Euripi *U. c. 552,
a. C. 200.*
committere aperto mari se audebant. Super-
venerunt his tres Rhodiæ quadriremes, &
erant Atticæ tres apertæ naves, ad tuendos
maritimos agros comparatæ. Hac classe si urbs
agrique Atheniensium defenserentur, fatis in
præsentia existimanti Claudio esse, majoris
etiam rei fortuna oblata est.

XXIII. EXSULES ab Chalcide, regiorum *Chalcidem
occupant
Romani,*
injuriis pulsi, adulterunt, occupari Chalcidem
fine certamine ullo posse: nam & Macedonas,
quia nullus in propinquo sit hostium metus,
vagari passim, & oppidanos, præsidio Mace-
donum fretos, custodiam urbis neglegere.
His auctoribus profectus, quamquam Sunium
ita mature pervenerat, ut inde provehi ad
primas angustias Eubœæ posset; ne superato
promontorio conspiceretur, classem in statio-
ne usque ad noctem tenuit. Primis tenebris
movit: & tranquillo pervectus Chalcidem,
paullo ante lucem, qua infrequentissima urbis
sunt, paucis militibus turrim proximam mu-
rumque circa scalis cepit, alibi sotiris custo-
dibus, alibi nullo custodiente. Progreffi inde
ad frequentia ædificiis loca, custodibus inter-
fectis, refraetaque porta, ceteram multitudi-

U. c. 552. nem armatorum acceperunt. Inde in totam
a. C. 200. urbem discursum est , aucto etiam tumultu ,
 quod circa forum ignis teatris injectus erat.
 Conflagravit & horrea regia , & armamentarium
 cum ingenti adparatu machinarum tor-
 mentorumque. Cædes inde passim fugientium
 pariter ac repugnantium fieri cœpta est. Nec
 ullo jam , qui militaris ætatis esset , non aut
 cæso , aut fugato , Sopatro etiam Acarnane
 præfesto præsidii interfecto , præda omnis
 primo in forum conlata , deinde in naves in-
 posita. Carcer etiam ab Rhodiis refractus :
 emissique captivi , quos Philippus tamquam
 in tutissimam custodiam condiderat. Statuis
 inde regis dejecitis truncatisque , signo receptui
 dato , consenderunt naves , & Piræum ,
 unde profecti erant , redierunt. Quod si tan-

Direptam
relinquent. tum militum Romanorum fuisse , ut & Chal-
 cis teneri , & non deseriri præsidium Athenarum
 potuisset ; magna res principio statim
 belli , Chalcis & Euripus ademta regi forent .
 Nam ut terra Thermopylarum angustiæ Græ-
 ciæ , ita mari fretum Euripi claudit .

Ad volunt
Philippus
sed sero. XXIV. DEMETRIADE tum Philippus erat .
 Quo quum esset nunciata clades sociæ urbis ;
 quamquam serum auxilium perditis erat ,

VII
LIBER XXXI CAP. XXIV 223

ramen, quæ proxima auxilio est, ultiōem ^{U. c. 552.}
petens, cum expeditis quinque millibus pedi-
tum, & trecentis equitibus extemplo profec-
tus, cursu prope Chalcidem contendit, haud-
quaquam dubius obprimi Romanos posse. A
qua destitutus spe, nec quidquam aliud,
quam ad deformē spectaculum semirutæ ac
fumantis sociæ urbis quum venisset, paucis
vix, qui sepelirent bello absuntos, relictis,
æque raptim ac venerat, transgressus ponte
Euripum, per Boeotiam Athenas dicit, pari
incepto haud disparem eventum ratus respon-
surum. Et respondisset, ni speculator, (he-
merodromos vocant Græci, ingens die uno
cursu emientes spatiū) contemplatus re-
gium agmen e specula quadam, prægressus
nocte media Athenas pervenisset. Idem ibi
somnia, eademque neglegentia erat, quæ
Chalcidem dies ante paucos prodiderat. Excit-
ati nuncio trepido & prætor Atheniensium,
& Dioxippus præfectus cohortis mercede mi-
litantium auxiliorum, convocatis in forum
militibus, tuba signum ex arce dari jubent,
ut hostes adesse omnes scirent. Ita undique
ad portas, ad muros discurrunt. Paucas post
horas Philippus, aliquanto tamen ante lucem,

Dicit
Athenas.

U. c. 552. adpropinquans urbi, conspectis luminibus cre-
a. C. 200. bris, & fremitu hominum trepidantium (ut
 in tali tumultu) exaudito, sustinuit signa :
 & considere ac conquiescere agmen jussit, vi-
 aperta propalam usurus, quando parum dolus
 profuerat. Ab Dipylo accessit. Porta ea, velut
 in ore urbis posita, major aliquanto paten-
 tiorque, quam ceteræ, est : & intra eam
 extraque latæ sunt viæ, ut & oppidani diri-
 gere aciem a foro ad portam possent : &
 extra limes mille ferme passus, in Academiæ
 gymnasium ferens, pediti equitique hostium
 liberum spatium præberet. Eo limite Athe-
 nienses cum Attali præsidio & cohorte Dio-
 xippi, acie intra portam instruxerunt, signa ex-
 tulerunt. Quod ubi Philippus vidit, habere
 se hostes in potestate ratus, & diu optata
 cæde (neque enim ulli Græcarum civitatum
 infestior erat) expleturum, cohortatus mili-
 tes, «ut, se intuentes, pugnarent, scirent-
 » que ibi signa, ibi aciem esse debere, ubi
 » rex esset, » concitat in hostes equum, non
 ira tantum, sed etiam gloria elatus; quod,
 Prælum
 memorabi-
 le edit.

ingenti turba completis etiam ad spectaculum
 muris, conspici se pugnantem egregium duce-
 bat. Aliquantum ante aciem cum equitibus
 paucis

LIBER XXXI CAP. XXV 221

paucis evectus in medios hostes , ingentem ^{U. s. 552.}
a. C. 200. quum suis ardorem , tum pavorem hostibus ,
 injecit. Plurimos manu sua cominus eminus-
 que vulneratos compulsoisque in portam ,
 consecutus & ipse , quum majorem in angus-
 tiis trepidantium edidisset cædem , in teme-
 rario incepto tutum tamen receptum habuit :
 quia , qui in turribus portæ erant , sustine-
 bant tela , ne in permixtos hostibus suos
 conjicerent. Intra muros deinde tenentibus
 milites Atheniensibus , Philippus , signo re-
 ceptui dato , castra ad Cynosarges (templum
 Herculis , gymnasiumque , & lucus erat
 circumiectus) posuit. Sed Cynosarges , &
 Lyceum , & quidquid sancti amœnive circa
 urbem erat , incensum est , dirutaque non
 tecta solum , sed etiam sepultra : nec divini
 humanive juris quidquam præ inpotenti ira
 est servatum.

XXV. POSTERO die , quum primo clausæ
 fuissent portæ , deinde subito apertæ , quia
 præsidium Attali ab Ægina , Romanique ab
 Piræo intraverant urbem , castra ab urbe
 retulit rex tria ferme millia passuum. Inde
 Eleusinem profectus , spe improviso templi
 castellique , quod & inminet & circumdatum

*Diruit
omnia
circa
Athenas.*

U. c. 552. est templo , capiendi , quum haudquaquam
a. c. 200. neglectas custodias animadvertisset , & clas-
 sem a Piræo subsidio venire , omisso incepto ,

It Argos. Megarati , ac protinus Corinthum dicit . Et
 quum Argis Achæorum concilium esse au-
 diffset , inopinantibus Achæis , concioni ipsi
 supervenit . Consultabant de bello adversus
 Nabin tyrannum Lacedæmoniorum : qui , trans-
 lato imperio a Philopœmene ad Cyliadem ,

Achæis ad-
versus Na-
bin auxi-
lum pro-
mittit.
 nequaquam parem illi ducem , dilapsa cernens
 Achæorum auxilia , redintegraverat bellum ,
 agrosque finitimorum vastabat , & jam urbi-

bus quoque erat terribilis . Adversus hunc
 hostem , quum , quantum ex quaue civitate
 militum scriberetur (t) , consultarent ; Phi-
 lippus , demturum se eis curam , quod ad
 Nabin & Lacedæmonios adtineret , pollici-
 tus , nec tantum agros socrorum populatio-
 nibus prohibiturum , sed terrorem omnem belli
 in ipsam Laconicam , ducto eo exemplo exer-
 citu , translaturum . Hæc oratio quum ingenti

Postulat
vicissim
præsidia
urbibus
suis.
 hominum adsensu acciperetur : « Ita tamen
 » æquum est , [inquit] me vestra meis armis
 » tutari , ne mea interim nudentur præsidiis .
 » Itaque , si vobis videtur , tantum parate

(t) conscriberetur Gron. Crev.

LIBER XXXI CAP. XXVI 223

„ militum, quantum ad Oreum, & Chalcidem, *U. c. 552.*
„ & Corinthum tuenda satis sit: ut, meis ab *a. C. 200.*
„ tergo tutis, securus bellum Nabidi inferam
„ & Lacedæmoniis.» Non fefellit Achæos, *Frustra.*
quo spestasset tam benigna pollicitatio; au-
xiliumque oblatum adversus Lacedæmonios:
id quæri, ut obsidem Achæorum juventutem
educeret ex Peloponniſo, ad inligandam Ro-
mano bello gentem. Et id quidem coartiere
Cycliadas prætor Achæorum nihil adtinere
ratus, id modo quum dixisset, non licere
legibus Achæorum de aliis rebus referre;
quam propter quas convocati essent, decreto
de exercitu parando adversus Nabin facto,
concilium fortiter ac libere habitum dimisit;
inter adsentatores regios ante eam diem ha-
bitus. Philippus, magna spe depulsus, volun-
tariis paucis militibus conscriptis, Corin-
thum atque in Atticam terram rediit.

XXVI. PER eos ipsos dies, quibus Philip-
pus in Achaia fuit, Philocles præfectus re-
gius, ex Eubœa profectus cum duobus mil-
libus Thracum Macedonumque ad depopu-
lundos Atheniensium fines, e regione Eleu-
finis saltum Cithæronis transcendit. Inde di-
midia parte militum ad prædandum passim

U. c. 552. a. C. 200. per agros dimissa , cum parte ipse occultus
 loco ad insidias obportuno consedit , ut , si
 ex castello ab Eleusine in prædantes suos
 inpetus fieret , repente hostes effusos ex in-
 proviso adoriretur. Non fefeller insidiæ. Ita-
 que revocatis , qui discurrerant ad prædan-
 dum , militibus , instruictisque , ad obpugnan-
 dum castellum Eleusinem profectus , cum
 multis inde vulneribus recessit , Philippoque
 se venienti ex Achaia conjunxit. Tentata &
 ab ipso rege obpugnatio ejus castelli est. Sed
 naves Romanæ , a (u) Piræo venientes ,
 intromissumque præsidium absistere incepto
Philippus Athenas & Piræum frustra tentat.
 coegerunt. Diviso deinde exercitu , rex cum
 parte Philoclem Athenas mittit , cum parte
 ipse Piræum pergit : ut , quum (v) Philo-
 cles subeundo muros , & comminanda obpu-
 gnatione contineret urbe Athenienſes , ipsi
 Piræum levi cum præſidio reliquum expu-
 gnandi facultas effet. Ceterum nihilo ei Pi-
 ræi , quam Eleusinis , facilior , iisdem fere
 defendantibus , obpugnatio fuit. A Piræo
 Athenas repente duxit. Inde eruptione subita
 peditum equitumque inter angustias semiruti

(u) a del. Gron. Crev.

(v) dum Gron. Crev.

LIBER XXXI CAP. XXVII 225

muri, qui brachiis duobus Piræum Athenis
 jungit, repulsus; omissa obpugnatione urbis,
 diviso cum Philocle rursus exercitu, ad vas-
 tandos agros profectus, quum priorem po-
 pulationem sepulcris circa urbem diruendis
 exercuisset, ne quid inviolatum relinqueret,
 templo Deum, quæ pagatim sacrata habebant,
 dirui atque incendi jussit. Exornata eo genere
 operum eximie terra Attica, & copia dome-
 stici marmoris, & ingeniosis artificum, præ-
 buit huic furori materiam. Neque enim di-
 ruere modo ipsa templo ac simulacra evertere
 satis habuit; sed lapides quoque, ne integri
 cumularent ruinas, frangi jussit: &, postquam
 non tam ira satiata, quam iræ excendæ
 materia hæc deerat, agro hostium in Bœtiā
 excessit: nec aliud quidquam dignum memo-
 ria in Græcia egit.

*U. c. 552.
a. C. 200.*

*Templa
circa
Athenas
diruita.*

XXVII. CONSUL Sulpicius eo tempore in-
 ter Apolloniam ac Dyrrachium ad Apsum
 flumen habebat castra: quo arcessitum L.
 Apustum legatum, cum parte copiarum ad
 depopulandos hostium fines mittit. Apustius,
 extrema Macedoniæ populatus, Corrago,
 & Gerrunio, & Orgesso castellis primo in-
 petu captis, ad Antipatriam, in faucibus an-

*Roman⁹
populan-
tur
Macedo-
niæ
fines⁹*

*U. e. 552.
a. C. 200.* gustis sitam urbem , venit. Ac primo evo-
catus principes ad conloquium , ut fidei Roma-
norum se committerent , perlicere est cona-
tus : deinde , ubi , magnitudine ac mœnibus
situque urbis freti , dicta adspexerantur , vi
atque armis adortus , expugnavit ; puberibus-
que imperfectis , præda omni militibus con-
cessa , diruit muros , atque urbem incendit.
Hic metus Codrionem , satis validum &
muni-
tum oppidum , sine certamine ut dederetur
Romanis , effecit. Præsidio ibi relicto , Ilion
(nomen propter alteram in Asia urbem , quam
oppidum , notius) vi capitur. Revertentem
legatum ad consulem cum satis magna præda ,
Athenagoras quidam regius præfectus in tran-
situ fluminis a novissimo agmine adortus ,
postremos turbavit. Ad quorum clamorem &
trepidationem quum reveritus equo propere
legatus signa convertisset , conjectisque in
medium sarcinis aciem direxisset ; non tulere
inpetum Romanorum militum regii. Multi ex
iis occisi , plures capti. Legatus , incolui
exercitu reducto ad consulem , remittitur inde
exemplio ad classem.

*Reguli ad-
colæ Ma-
cedonum
jungunt se
Romanis.*

XXVIII. HAC satis felici expeditione bello
commisso , reguli ac principes adcolæ Mace-

LIBER XXXI CAP. XXVIII 227

donum in castra Romana veniunt, Pleuratus *U. e. 332^a
a. C. 200.*
 Scerdilædi filius, & Amynander Athamanum
 rex, & ex Dardanis Bato, Longari filius.
 Bellum suo nomine Longarus cum Demetrio
 Philippi patre gesserat. Pollicentibus auxilia
 respondit consul, Dardanorum & Pleurati
 opera, quum exercitum in Macedoniam indu-
 ceret, se usurum. Amynandro Ætolos con-
 citandos ad bellum adtribuit. Attali legatis
 (nam ii quoque per id tempus venerant)
 mandat, ut Æginæ rex, ubi hibernabat,
 classem Romanam opperiretur: qua adjuncta,
 bello maritimo, sicut ante, Philippum ur-
 gueret. Ad Rhodios quoque missi legati, ut
 capesserent partem belli. Nec Philippus segnitus
 (*jam enim in Macedoniam pervenerat*) ad-
 parabat bellum. Filium Persea, puerum ad-
 modum, datis ex amicorum numero, qui æta-
 tem ejus regerent, cum parte copiarum ad
 obsidendas angustias, quæ ad Pelagoniam
 sunt, mittit. Sciathum & Peparethum, haud
 ignobiles urbes, ne classi hostium prædæ ac-
 præmio essent, diruit. Ad Ætolos mittit le-
 gatos, ne gens inquieta adventu Romanorum
 fidem mutaret.

*Philippi
adparatus,*

*Mittit ad
Ætolos.*

*V. c. 552.
a. C. 200.* XXIX. CONCILIJ Ætolorum statuta die,
quod Panætolium vocant, futurum erat. Huic
ut obcurrerent, & legati regis iter adcele-
rarunt, & ab consule missus L. Furius Pur-
pureo legatus venit. Atheniensium quoque
legati ad id concilium obcurrerunt. Primi (x)
Macedones, cum quibus recentissimum foedus
erat, auditи sunt. Qui, « nulla nova re, ni-

*Oratio
Macedo-
num
in concilio
Ætolorum
contra
Romanos.*

» hil se novi habere, quod adferrent, » di-
xerunt: « quibus enim de caussis, experta
» inutili societate Romana, pacem cum Phi-
» lippo fecissent, compositam semel servare
» eos debere. An imitari [inquit unus ex
» legatis] Romanorum licentiam, an levita-
» tem dicam, mavultis? qui, quum legatis
» vestris Romae responderi ita jussissent, Quid
» ad nos venitis, Ætoli, sine quorum auco-
» ritate pacem cum Philippo fecistis? iidem
» nunc, ut bellum secum adversus Philippum
» geratis, postulant. Et antea propter vos, &
» pro vobis arma sumta adversus eum simu-
» labant; nunc vos in pace esse cum Philippo
» prohibent. Messanæ ut auxilio essent, pri-
» mo in Siciliam concenderunt: iterum, ut
» Syracusas obpresso ab Carthaginiensibus in

(x) *Primo Gron. Crev.*

VII
LIBER XXXI CAP. XXIX 229

» libertatem eximerent. Et Messanam , & Sy- U. c. 552.
» racusas , & totam Siciliam ipsi habent , a. C. 200.
» vētigalemque provinciam securibus & fas-
» cibus subjecerunt. Scilicet , sicut vos Nau-
» paqtī legibus vestris per magistratus a vobis
» creatos concilium habetis , socium hostem-
» que libere , quem velitis , lecturi , pacem
» ac bellum arbitrio habituri vestro ; sic Si-
» culorum civitatibus , Syracusas aut Messa-
» nam , aut Lilybæum indicitur concilium.
» Prætor Romanus conventus agit : eo im-
» perio evocati convenient : excelsō in sub-
» gestu superba jura redditem , stipatum
» lictoribus vident : virgæ tergo , secures
» cervicibus imminent : & quotannis alium
» atque alium dominum sortiuntur. Nec id
» mirari debent , aut possunt , quum Italæ
» urbes Rhegium , Tarentum , Capuam , ne
» finitimas nomineni , quarum ruinis crevit
» urbs Romana , ejusdem subiectas videant
» imperio. Capua quidem , sepulcrum ac mo-
» numentum Campani populi , elato & extori
» ejecto ipso populo , supereft ; urbs trunca ,
» sine senatu , sine plebe , sine magistratibus ,
» prodigium ; relicta crudelius habitanda ,
» quam si deleta foret. Furor est , si alieni-

U. c. 552. " genæ homines , plus lingua & moribus &
a. C. 200. " legibus , quam maris terrarumque spatio ,
" discreti , hæc tenuerint , sperare , quidquam
" eodem statu mansurum . Philippi regnum
" obficere aliquid videtur libertati vestræ ,
" qui , quum merito vestro vobis infestus
" esset , & nihil a vobis ultra , quam pacem ,
" petiit , fidemque hodie pacis pæctæ desiderat ?
" Adsuefacite his terris legiones externas , &
" jugum accipite . Sero ac nequidquam , quum
" dominum Romanum habebitis , socium Phi-
" lippum quæretis . Ætolos , Acarnanas , Ma-
" cedonas , ejusdem linguae homines , leves
" ad tempus ortæ cauſſæ disjungunt conjun-
" guntque : cum alienigenis , cum barbaris
" æternum omnibus Græcis bellum est , erit-
" que . Natura enim , quæ perpetua est , non
" mutabilibus in diem cauſſis , hostes sunt . Sed ,
" unde cœpit oratio mea , ibi desinet . Hoc
" eodem loco iidem homines de ejusdem Phi-
" lippi pace triennio ante decrevisti , iisdem
" improbantibus eam pacem Romanis , qui
" nunc pæctam & compositam turbare volunt .
" In qua consultatione nihil fortuna mutavit ,
" cur vos mutetis , non video .

LIBER XXXI CAP. XXX 231

XXX. SECUNDUM Macedonas , ipsis Roma-
nis ita concedentibus jubentibusque , Athe-
nienses , qui foeda passi justius in crudelita-
tem saevitiamque regis invehi poterant , in-
troducti sunt. Deploraverunt vastationem po-
pulationemque miserabilem agrorum. « Neque U. e. 552.
a. C. 200.
» id se queri , quod hostilia ab hoste passi forent:
» esse enim quædam belli jura ; quæ ut facere,
» ita pati sit fas. Sata exuri , dirui tecta ,
» prædas hominum pecorumque agi , misera
» magis , quam indigna , patienti esse. Verum
» enim vero id se queri , quod is , qui Ro-
» manos alienigenas & barbaros vocet , adeo
» omnia simul divina humanaque jura pollue-
» rit , ut priore populatione cum infernis Diis ,
» secunda cum superis bellum nefarium ges-
» serit. Omnia sepulcra monumentaque diruta
» esse in finibus suis , omnium nudatos ma-
» nes , nullius ossa terra tegi. Delubra sibi
» fuisse , quæ quondam pagatim habitantes in
» parvis illis castellis vicisque consecrata ,
» ne in unam urbem quidem contributi majo-
» res sui deserta reliquerint. Circa ea omnia
» tempora Philippum infestos circumfulisse
» ignes : semiusta & truncata simulacra Deum
» inter prostratos jacere postes templorum.

Athenien-
sum
oratio,

U. c. 552. » Qualem terram Atticam fecerit , exorna-
a. C. 200. » tam quandam opulentamque , talem eum , si
 » liceat , Ætoliam , Græciamque omnem factu-
 » rum . Urbis quoque suæ similem deformi-
 » tatem futuram fuisse , nisi Romani subve-
 » nissent (*y*) . Eodem enim scelere urbem
 » colentes Deos , præsidemque arcis Miner-
 » vam petitam : eodem Eleusine Cereris tem-
 » plum , eodem Piræei Jovem Minervamque ;
 » sed ab eorum non templis modo , sed etiam
 » mœnibus vi atque armis repulsum , in ea
 » delubra , quæ sola religione tutæ fuerint ,
 » fævisse . Itaque se orare atque obsecrare
 » Ætolos , ut , miserti Atheniensium , duci-
 » bus Diis inmortalibus , deinde Romanis ,
 » qui secundum Deos plurimum possint , bel-
 » lum fusciperent . »

*Legati
Romani
oratio.*

XXXI. TUM Romanus legatus : « Totam
 » orationis meæ formam Macedones primum ,
 » deinde Athenienses mutarunt . Nam & Ma-
 » cedones , quum ad conquerendas Philippi
 » injurias in tot socias nobis urbes venissem ,
 » ultro accusando Romanos , defensionem ut
 » accusatione potiorem haberem , effecerunt :
 » & Athenienses in Deos superos inferosque

(*y*) *venissent* Gron.

VII
fueris, et non
e, talem cum si
ur cunctis factu
nilem deformi
Romani subve
scelerem urbem
a arcis Miner
de Cereris tem
Minervamque;
solo, sed etiam
culum, in ea
tua fuerint,
que obsecrare
atulum, duci
de Romanis,
pollunt, bel

us: « Totam
dones primum,
Nam & Ma
rendas Philippi
rbes venientem,
detentionem ut
em, efficerunt:
eros inferosque

LIBER XXXI CAP. XXXI 233

» nefanda atque inhumana scelera ejus re- *U. c. 552.*
» ferendo, quid mihi aut cuiquam relique- *a. C. 200.*
» runt, quod objicere ultra possim? Ea-
» dem Cianos, Abydenos, Æneos, Maro-
» nitas, Thasios (ζ), Parios, Samios, Laris-
» senses, Messenios hinc ex Achaia, existi-
» mate queri; graviora etiam acerbioraque
» eos, quibus nocendi majorem facultatem
» habuit. Nam quod ad ea adtinet, quæ no-
» bis objecit; nisi gloria digna sunt, fateor
» ea defendi non posse. Rheygium, & Capuam,
» & Syracusas nobis objecit. Rheygium, Pyrrhi
» bello, legio a nobis, Reginis ipsis, ut
» mitteremus, orantibus, in praesidium missa,
» urbem, ad quam defendendam missa erat,
» per scelus posseedit. Comprobavimus ergo
» id facinus? an bello persecuti sceleratam
» legionem, in potestatem nostram redactam
» tergo & cervicibus poenas sociis pendere
» quum coëgissimus, urbem, agros, suaque
» omnia, cum libertate legibusque, Reginis
» reddidimus? Syracusanis obpressis ab ex-
» ternis tyrannis, quo indignius esset, quum
» tulissimus opem, & fatigati prope per
» triennium terra marique urbe munitissima

(z) *Thasios del. Gron.*

U. c. 552. » obpugnanda essēmus; quum jam ipsi Syra
a. C. 200. » cusani servire tyrannis, quam capi a nobis
» mallingent, captam iisdem armis & liberatant
» urbem reddidimus. Neque inficias imus;
» Siciliam provinciam nostrā esse, & civi-
» tates, quæ in partē Carthaginensium fue-
» runt, & uno animo cum illis adversus nos
» bellum gererunt, stipendiarias nobis ac
» vectigales esse. Quin contra, hoc & vos
» & omnes gentes scire vōlūmus; pro meri-
» to cuique erga nōs fortūham ēsse. An Cam-
» panorum pœnæ, de quā neque ipsi quidem
» queri possunt, nos pœnīteat? Hi homines;
» quum pro iis bellum adversus Samnitēs per
» annos prope septuaginta cū magnis nōstris
» cladibus gessissemus, ipsoſ fœdere primum;
» deinde connubio, atque inde cognationibus;
» postremo civitate nobis conjunxitsemus,
» tempore nōstro aduerso primi omnium Ita-
» liæ populorum, præſidio nōstro fœde inter-
» fecto, ad Hannibalem defecerunt: deinde;
» indignati se obsideri a nobis, Hannibalem
» ad obpugnādam Romā miserunt. Horum
» si neque urbs ipsa, neque homo quisquam
» supereret, quis durius, quam pro merito
» ipsorum, statutum indignari posset? Plures

1711
LIBER XXXI CAP. XXXI 235

» sibimet ipsi conscientia scelerum mortem *U. c. 532.
a. C. 204.*
» consiverunt, quam a nobis suppicio ad-
» fecti sunt. Ceteris ita oppidum, ita agros
» ademimus, ut agrum locumque ad habi-
» tandem daremus; urbem innoxiam stare
» incolumem pateremur; ut, qui hodie vi-
» deat eam, nullum obpugnatæ captæve ibi
» vestigium inveniat. Sed quid ego Capuam
» dico? quum Carthagini viæ pacem ac
» libertatem dederimus. Magis illud est peri-
» culum, ne, nimis facile viæ ignoscendo,
» plures ob id ipsum ad experiendam adver-
» fus nos fortunam belli incitemus. Hæc pro
» nobis dicta sint; hæc adversus Philippum:
» cuius domestica particidia, & cognatorum
» amicorumque cædes, & libidinem inhuma-
» niorem prope, quam crudelitatem, vos,
» quo propiores Macedoniæ estis, melius
» nostis. Quod ad vos adtinet, Ætoli, nos
» pro vobis bellum suscepimus adversus Phi-
» lippum: vos sine nobis cum eo pacem fe-
» cisistis. Et forsitan dicatis, bello Punico oc-
» cupatis nobis, coactos metu vos leges pa-
» cis ab eo, qui tum plus poterat, accepisse.
» Et nos, quum alia majora urguerent, de-
» positum a vobis bellum & ipsi omisimus.

U. c. 552. » Nunc & nos, Deum benignitate Punico
a. C. 200. » perfecto bello, totis viribus nostris in Ma-
 » cedoniam incubuimus : & vobis restituendi
 » vos in amicitiam societatemque nostram for-
 » tuna oblata est ; nisi perire cum Philippo,
 » quam vincere cum Romanis, mavultis. »

XXXII. HÆC dicta ab Romano quum essent,
Damocriti inclinatis omnium animis ad Romanos, Da-
prætoris mocritus prætor Ætolorum, pecunia, ut fa-
Ætolorum sententia. ma est, ab rege accepta, nihil aut huic aut
 illi parti adsensus, « Rem magni discriminis
 » consiliis nullam esse tam inimicam, quam
 » celeritatem, » dixit. « Celerum enim pœni-
 » tentiam, sed eamdem feram atque inutilem,
 » sequi ; quum præcipitata raptim consilia
 » neque revocari, neque in integrum resti-
 » tui possint. Deliberationis autem ejus, cuius
 » ipse maturitatem exspectandam putaret, tem-
 » pus ita jam nunc statui posse. Quum le-
 » gibus cautum esset, ne de pace bellowe,
 » nisi in Panætolico & Pylaico concilio, age-
 » retur, decernerent extemplo, ut prætor
 » sine fraude, quum de bello aut de pace
 » agere velit, advocet concilium : &, quod
 » tum referatur decernaturque, ut perinde jus
 » ratumque sit, ac si in Panætolico aut Pylaico

» con-

LIBER XXXI CAP. XXXIII 237

» concilio actum esset, » Dimissis ita suspensa
re legatis, egregie consultum genti aiebat: *U. c. 552.
a. C. 200.*
nam, utrius partis melior fortuna belli esset, *Dimissi
suspensa re
legatis.*
ad ejus societatem inclinaturos. Hæc in con-
cilio Ætolorum acta.

XXXIII. PHILIPPUS in pigre terra mærique parabat bellum: navales copias Demetriadem in Thessaliam (a) contrahebat. Attalum Romanamque classem, principio veris, ab Ægina ratus moturos, navibus maritimæque oræ præfecit Heraclidem, quem & ante præfecerat. Ipse terrestres copias comparabat, magna se duo auxilia detraxisse Romanis credens, ex una parte Ætolos, ex altera Dardanos, faucibus ad Pelagoniam a filio Perseo interclusis. Ab consule non parabatur, sed gerebatur jam bellum. Per Dassaretiorum fines exercitum ducebatur, frumentum, quod ex hibernis extulerat, integrum vehens; quod in usum militi satis esset, præbentibus agris. Oppida vicique partim voluntate, partim metu se tradebant. Quædam vi expugnata, quædam deserta, in montes propinquos refugientibus barbaris, inveniebantur. Ad

*Philippus
in pigre
bellum
parat.*
*Consul per
Dassare-
tiorum fi-
nes ducit
exercitum.*

(a) *Thessalia Gron. Crev.*

Tom. VII,

Q

*U. c. 552. Lyncum (b) stativa posuit prope flumen
a. C. 200. Bevum: inde frumentatum circa horrea Das-
faretiorum mittebat. Philippus consternata
quidem omnia circa, pavoremque ingentem
hominum cernebat: sed parum gnarus, quam
partem petisset consil, alam equitum ad ex-
plorandum, quoniam hostes iter intendissent,
misit. Idem error apud consulem erat. Mo-
visse ex hibernis regem sciebat, quam regio-
nem petisset ignorans. Is quoque speculatum
miserat equites. Haec duæ alæ ex diverso,
*Explorato-
res Roma-
ni & Ma-
cedones
concurrunt
dubio
eventu.*
quum diu incertis itineribus vagatae per Das-
faretios essent, tandem in unum iter convene-
runt. Neutros fecellit, ut fremitus procul
hominum equorumque exauditus est, hostes
adpropinquare. Itaque prius, quam in con-
spectum venirent, equos armaque expedie-
rant. Nec mora, ubi primum hostem videre,
concurrendi facta est. Forte & numero &
virtute, utpote lecti utrimque, haud inparæ,
æquis viribus per aliquot horas pugnarunt.
Fatigatio ipsorum equorumque, incerta victo-
ria, diremit prælium. Macedonum quadra-
ginta equites, Romanorum quinque & tri-
ginta ceciderunt. Neque eo magis explorati*

(b) *Lycum Gron. Crev.*

LIBER XXXI CAP. XXXIV 239

quidquam, in qua regione castra hostium
essent, aut illi ad regem, aut hi ad consu-
lem retulerunt. Per transfugas cognitum est,
quos levitas ingeniiorum, ad cognoscendas
hostium res, in omnibus bellis præbet.

XXXIV. PHILIPPUS, aliquid & ad carita-
tem suorum, & ut promptius pro eo pericu-
lum adirent, ratus profecturum se, si equi-
tum, qui ceciderant in expeditione, sepelien-
dorum curam habuisset, adferri eos in castra
jussit, ut conspiceretur ab omnibus funeris
honos. Nihil tam incertum nec tam inæstima-
bile est, quam animi multitudinis. Quod
promptiores ad subeundam omnem dimicatio-
nem videbatur facturum, id metum pigritiam-
que incussum: nam, qui hastis sagittisque &
ratalanceis vulnera facta vidissent, cum Græ-
cis Illyriisque pugnare adsueti, postquam
gladio Hispaniensi detruncata corpora brachiis
abscisis (c), aut tota cervice desecta divisa
a corpore capita, patentiaque viscera, & fœ-
ditatem aliam vulnerum viderunt, adversus
quæ tela, quosque viros pugnandum esset,
pavidi vulgo cernebant. Ipsum quoque regem
terror cepit, nondum justo prælio cum Ro-

*U. e. 552.
a. C. 200.*

*Macedo-
nes terren-
tur con-
speditis vul-
neribus
suorum,*

(c) *abscisis Grona Crev.*

Q 2

*U. c. 552.
a. C. 200.* manis congressum. Itaque , revocato filio
præsidioque , quod in Pelagoniæ faucibus
erat, ut iis copiis suas augeret , Pleurato
Dardanisque iter in Macedoniam patefecit.
Ipse , cum viginti millibus peditum , quatuor
equitum , ducibus transfugis , ad hostem pro-
fectus , paullo plus ducentos passus a castris

*Philippus
miratur
Romano-
rum
Castra.*

Romanis tumulum propinquum Athaco fossa
ac vallo communivit : ac , subiecta cernens
Romana castra , admiratus esse dicitur &
universam speciem castrorum , & descripta
suis quæque partibus , tum tendentium or-
dine , tum itinerum intervallis ; & negasse ,
barbarorum ea castra ulli videri posse . Bi-
duum consul & rex , alter alterius conatus
exspectantes , continuere suos intra vallum :
tertio die Romanus omnes copias in aciem
eduxit.

XXXV. REX vero ; tam celerem aleam
universi certaminis timens , quadringentos
Tralles (Illyriorum id , sicut alio diximus
loco , est genus) & Cretenses trecentos ,
addiro iis peditibus pari numero equitum ,
cum duce Athenagora , uno ex purpuratis ,
ad laceffendos hostium equites misit . Ab Ro-

LIBER XXXI CAP. XXXV 241

manis autem (*d*) (aberat acies eorum paullo *U. c. 552.*
a. C. 200.
plus quingentos passus) velites & equitum
duæ ferme alæ emissæ : ut numero quoque
eques pedesque hostem æquarent. Credidere
regii, genus pugnæ, quo adfuerant (*e*),
fore ; ut equites, in vicem insequentes re-
fugientesque, nunc telis uterentur, nunc ter-
ga darent ; Illyriorum velocitas ad excursio-
nes & impetus subitos usui esset, Cretenses
in invehementem se effuse hostem sagittas con-
jicerent. Turbavit hunc ordinem pugnandi
non acrior, quam pertinacior, impetus Ro-
manorum. Nam haud secus, quam si tota acie
dimicarent, & velites, emissis hastis, comi-
nus gladiis rem gerebant, & equites, ut se-
mel in hostem evesti funt, stantibus equis
partim ex ipsis equis, partim desilientes in-
miscentesque se peditibus, pugnabant. Ita nec
eques regius equiti par erat, insuetus ad sta-
bilem pugnam ; nec pedes concursator &
vagus, & prope seminudus genere armorum,
veliti Romano parvam gladiumque habenti,
pariterque & ad se tuendum, & ad hostem

*Equestris
pugna.*

(*d*) autem l. cum sublatis parentheseos signis
Gron.

(*e*) affueverant *Gron. Crev.*

U. c. 552. petendum armato. Non tulere itaque dimicacionem ; nec alia re , quam velocitate , tutantes se , in castra refugerunt.
a. C. 200.

XXXVI. UNO deinde intermisso die , quum omnibus copiis equitum levisque armaturæ pugnaturus rex esset , nocte cætratos , quos peltafas vocant , loco obportuno inter bina castra in insidiis abdiderat ; præceperatque Athenagoræ & equitibus , ut , si aperto prælio procederet res , uterentur fortuna : si minus , cedendo sensim ad insidiarum locum hostem pertraherent . Et equitatus quidem cessit : duces cætratae cohortis , non satis exspectato signo , ante tempus excitatis suis , occasionem bene gerendæ rei amisere . Romanus , & aperto prælio victor , & tutus a fraude insidiarum , in castra sese recepit . Postero die omnibus copiis consul in aciem descendit , ante prima signa locatis elephantis :

Tum pri-
mum ele-
phantis usi-
Romani.

quo auxilio tum primum Romani , quia capitulos aliquot bello Punico habebant , usi sunt . Ubi latentem intra vallum sensit , exprobrans metum subcessit . Postquam ne tum quidem potestas pugnandi dabatur , quia ex tam propinquis stativis parum tuta frumentatio erat , dispersos milites per agros equitibus extem-

Insidia
Philippi
inritæ.

Tum pri-
mum ele-
phantis usi-
Romani.

plo invasuris; octo ferme inde millia, inter-
 vallo (*f*) tuiorem frumentationem habi-
 turus, castra ad Octolophum (id est loco no-
 men) movit. Quum in propinquuo agro fru-
 mentarentur Romani, primo rex intra val-
 lum suos tenuit, ut cresceret simul & ne-
 glegentia cum audacia hosti. Ubi effusos
 vidit, cum omni equitatu & Cretensium au-
 xiliaribus, quantum equitem velocissimi pe-
 dites cursu æquare poterant, citato profectus
 agmine, inter castra Romana & frumentato-
 res constituit signa. Inde, copiis divisis, par-
 tem ad consecrandos vagos frumentatores
 emisit, dato signo, ne quem vivum relin-
 querent; cum parte ipse substituit, itineraque,
 quibus ad castra recursuri videbantur hostes,
 obsedit. Jam passim cædes ac fuga erat, nec-
 dum quisquam in castra Romana nuncius
 cladis pervenerat; quia refugientes in regiam
 stationem incidebant: & plures ab obsiden-
 tibus vias, quam ab emissis ad cædem, inter-
 efficiebantur. Tandem inter medias hostium
 stationes elapsi quidam trepidi, tumultum
 magis, quam certum nuncium, intulerunt
 castris.

U. c. 552.
 a. C. 200.
 Castra ad
 Octolo-
 phum mo-
 venta.

Vagos fru-
 mentato-
 res cædit
 Philippus.

(f) *millium intervallo.* Gron. Crev.

Q 4

*U. e. 552.
a. C. 200.*

XXXVII. CONSUL, equitibus jussis, quā quisque posset, opem ferre laborantibus, ipse legiones ē castris educit, & agmine quadrato ad hostem dicit. Dispersi equites per agros quidam (g) aberrarunt, decepti clamoribus aliis ex alio existentibus loco. Pars obvios habuerunt hostes: pluribus locis simul pugna cœpit. Regia statio atrocissimum prælrium edebat. Nam & ipsa multitudine equitum peditumque prope justa acies erat: & Romanorum, quia medium obsederat iter, plurimi in eam inferebantur. Eo quoque superiores Macedones erant, quod & rex ipse hortator aderat, & Cretensium auxiliares multos ex improviso vulnerabant, conferti præparatique in dispersos & effusos pugnantes. Quod si modum in inseguendo habuissent, non in præsentis modo certaminis gloriam, sed in summam etiam belli profectum foret: nunc, aviditate cœdis intemperantius insecuri, in prægressas cum tribunis militum cohortes Romanas incidere: & fugiens eques, ut primo signa suorum vidit, convertit in effusum hostem equos: versaque momento temporis fortuna pugnæ est, terga dantibus, qui

*Dein re-
pellitur.*

(g) quidem Gron. Creva

VII
LIBER XXXI CAP. XXXVIII 245

modo secuti erant. Multi cominus congressi,
U. c. 552.
a. C. 200.
multi fugientes interfecti : nec ferro tantum
periere , sed in paludes quidam conjecti ,
profundo limo cum ipsis equis hausti sunt.
Rex quoque in periculo fuit : nam , ruente
faucio equo , præceps ad terram datus , haud
multum absuit , quin jacens obprimeretur.
Saluti fuit eques , qui raptim ipse desiluit ,
pavidumque regem in equum subjicit. Ipse ,
quum pedes æquare cursu fugientes non
posset equites , ab hostibus ad casum regis
concitatis confossus periit. Rex , circumvectus
paludes pervias inviasque trepida fuga , in
castra tandem , jam desperantibus plerisque
incolumem evasurum , pervenit. Ducenti Ma-
cedonum equites eo prælio periere. Centum
ferme capti ; octoginta admodum ornati equi ,
spoliis simul armorum relatis , abducti .

XXXVIII. FUERUNT , qui hoc die regem
temeritatis , consulem segnitiae accusarent .
Nam & Philippo quiescendum fuisse , quum
paucis diebus hostes , exhausto circa omni
agro , ad ultimum inopiæ venturos sciret :
& consulem , quum equitatum hostium levem-
que armaturam fudisset , ac prope regem
ipsum cepisset , protinus ad castra hostium

U. c. 552. ducere debuisse. Nec enim mansuros ita per-
a. C. 200. culos hostes fuisse, debellarique momento
temporis potuisse. Id dictu, quam re, ut
pleraque, facilius. Nam, si omnibus peditum
quoque copiis rex congressus fuisset, forsitan
inter tumultum, quum omnes vieti metuque
perculsi ex proelio intra vallum protinus
inde supervadentem munimenta victorem hos-
tem fugerent, exui castris potuerit rex. Quum
vero integræ copiæ peditum in castris man-
sissent, stationes ante portas, praesidiaque
disposita essent, quid, nisi ut temeritatem
regis, effuse paullo ante secuti perculsos
equites, imitaretur, profecisset? Neque enim
ne regis quidem primum consilium, quo in-
petum in frumentatores palatos per agros
fecit, reprehendendum foret, si modum pro-
speræ pugnæ inposuisset. Eo quoque minus
est mirum, tentasse eum fortunam, quod
fama erat, Pleuratum Dardanosque, ingenti-
bus copiis profectos domo, jam in Macedo-
niā transcendisse. Quibus si undique circum-
ventus copiis foret, sedentem Romanum de-
bellaturum, credi poterat. Itaque, secundum
Philippos duas adversas equestres pugnas, multo minus
recedit. tutam moram in iisdem stativis fore. *Philippos*

LIBER
yatus, q
hostem v
ad consul
dos equi
cunda vi
jelictis,
XXXII
quum, V
set, nun
mane po
id quod
tis pars
est. Mo
gravi ag
ful, pri
missa,
quum se
dem sta
sumsit. S
lagonia f
vexit. In
nondum
petissent.
nium sta
versis lim
(h) Pel

LIBER XXXI CAP. XXXIX 247

ratus, quum abire inde & fallere abiens ^{U. c. 552.}
hostem vellet, caduceatore sub occasum solis ^{a. C. 200.}
ad consulem missio, qui inducias ad sepelien-
dos equites peteret, frustratus hostem, se-
cunda vigilia, multis ignibus per tota castra
relictis, silenti agmine abiit.

XXXIX. CORPUS jam curabat consul;
quum, venisse caduceatorem, & quid venis-
set, nunciatum est. Responso tantum dato,
mane postero die fore copiam conveniendi,
id quod quæsumit erat, nox dieique insequen-
tis pars ad præcipiendum iter Philippo data
est. Montes, quam viam non ingressurum
gravi agmine Romanum sciebat, petit. Con-
sul, prima luce caduceatore datis induciis di-
misso, haud ita multo post abisse hostem
quum sensisset, ignarus qua sequeretur, iis-
dem stativis frumentando dies aliquot con-
sumsit. Stuberam deinde petit, atque ex Pe-
lagonia frumentum, quod in agris erat, con-
vexit. Inde ad Pluvinam (h) est progressus,
nondum comperto, quam regionem hostes
petissent. Philippus, quum primo ad Brya-
nium stativa habuisset, profectus inde trans-
versis limitibus, terrorem præbuit subitum

(h) Pellinam Gron. Crev.

U. c. 552. a. C. 200. hosti. Movere itaque ex Pluvina Romanī;

& ad Osphagum flumen posuerunt castra. Rex haud procul inde & ipse, vallo super ripam amnis ducto, (Erigonum incolæ vocant) consedit. Inde satis comperto, Eordæam petituros Romanos, ad occupandas angustias, ne superare hostes artis faucibus inclusum aditum possent, præcessit. Ibi alia vallo, alia fossa, alia lapidum congerie, ut pro muro essent, alia arboribus objectis, ita ut locus postulabat, aut materia subpeditabat, permuniit (*i*); atque (ut ipse rebatur) viam suapte natura difficilem, objectis per omnes transitus operibus, inexpugnabilem fecit. Erant pleraque silvestria circa, incommoda phalangi maxime Macedonum: quæ, nisi ubi prælongis hastis velut vallum ante clipeos objecit, (quod ut fiat, libero campo opus est) nullius admodum usus est. Thracas (*k*) quoque romphææ, ingentis & ipsæ longitudinis, inter objectos undique ramos impiedebant. Cretensium una cohors non inutilis erat: sed ea quoque ipsa ut, si quis impetum faceret, in patentem vulneri equum

(*i*) *opere permuniit Gron.*

(*k*) *Thracæ Gron.*

*Occupat
angustias
qua iter in
Eordæam
erat.*

equitemque sagittas conjicere poterat , ita *U. c. 55^o.
a. C. 200.*
adversus scuta Romana nec ad trajiciendum
fatis magnam vim habebat , nec aperti quid-
quam erat , quod peteret. Itaque id ut va-
num teli genus senserunt esse , faxis passim
tota valle jacentibus incessabant hostem. Ea ,
majore cum sonitu , quam vulnere ullo , pul-
satio scutorum parumper succedentes Roma-
nos tenuit. Deinde , iis quoque spretis , par-
tim , testudine facta , per adversos vadunt
hostes : partim , brevi circuitu quum in ju-
gum collis evasissent , trepidos ex præsidii
stationibusque Macedonas deturbant : & , ut
in locis iapeditis difficiili fuga , plerosque
etiam obtruncant.

*Perrum-
punt
Romani
angustias.*

XL. ITA angustiæ minore certamine , quam
quod animis proposuerant , superatæ , & in
Eordæam perventum ; ubi pervastantis passim
agris , in Elimeam se recepit. Inde inpetum
in Orestidem fecit ; & oppidum Celetrum est
adgressus , in peninsula situm. Lacus moenia
cingit : angustis faucibus unum ex continent
iter est. Primo situ ipso freti , clausis portis ,
imperium abnuere : deinde , postquam signa
ferri , ac testudine succedi ad portam , obse-
fasque fauces agmine hostium viderunt

*U. c. 552.
a. C. 200.* priusquam experirentur certamen, metu in ditionem venerunt. Ab Celetro in Dassarretios processit, urbemque Pelium vi cepit. Servitia inde cum cetera præda abduxit, & libera capita sine pretio dimisit: oppidumque iis reddidit, præsidio valido inposito. Nam & sita obportune urbs erat ad inpetus in Macedoriam faciendo. Ita péragratis hostium agris, consul in loca jam pacata ad Apollonianam, unde orsus bellum erat, copias reduxit. Philippum averterant Ætolii; & Athamanes, & Dardani, & tot bella repente alia ex aliis locis exorta. Adversus Dardanos, jam recipientes ex Macedonia feso, Athenagoram cum expeditis peditibus ac majore parte equitatus misit, jussum instare ab tergo abeuntibus, &, carpendo postremum agmen, segniores eos ad movendos domo exercitus efficere. Ætolos Damocritus prætor, qui moræ ad decernendum bellum ad Naupactum auctor fuerat, idem proximo concilio ad arma conciverat: post famam equestris ad Octolophum pugnæ, Dardanorumque & Pleurati cum Illyriis transitum in Macedoniam, ad hæc classis Romanæ adventum in Oreum, &, super circumfusas tot Macedoniæ gentes, maritimam quoque instantem obsidionem.

LIBER XXXI CAP. XLI 251

XLI. Hæ causæ Damocritum Ætolosque *U. c. 352.*
restituerant Romanis : & , Amynandro rege *a. C. 200.*
Ætoli &
Athamanum adjuncto , profecti Cercinium
obsedere. Clauerant portas , incertum vi ,
Athama-
nes bellum
inferunt
Philippe.
an voluntate : quia regium habebant præsi-
dium. Ceterum intra paucos dies captum est
Cercinium , atque incensum. Qui superfue-
rant e magna clade , liberi servique , inter
ceteram prædam abducti. Is timor omnes ,
qui circumcolunt Boëben paludem , relictis
urbibus , montes coëgit petere. Ætoli , ino-
pia prædæ inde aversi , in Perrhæbiam (1)
ire pergunt. Cyretias ibi vi capiunt , foede-
que diripiunt : qui Malloëam incolunt , vo-
luntate in ditionem societatemque accepti.
Ex Perrhæbia Gomphos petendi Amynander
auctor erat : & inminet Athamania huic urbi ,
videbaturque expugnari sine magno certamine
posse. Ætoli campos Theffaliæ opimos ad *Theffal-*
liam po-
pulantur.
prædam petiere ; sequente , quamquam non
probante , Amynandro , nec effusas popu-
lationes Ætolorum , nec castra , quo fors
tulisset loco , sine ullo discrimine ac cura
muniendi , posita. Itaque , ne temeritas eorum
neglegentiaque sibi ac suis etiam cladis ali-

(1) *Perrabiam Gron.*

*U. c. 552.
a. C. 200.* cuius causa esset, quum campestribus locis
subjicientes eos castra Phecado urbi videret,
ipse paullo plus quingentorum passuum inde
tumulum suis, quamvis levi munimento tu-
tum, cepit. Quum Ætolii, nisi quod popu-
labantur, vix meminisse viderentur, se in
hostium agro esse; alii palati semiermes va-
garentur, alii in castris sine stationibus per
somnum vinumque dies noctibus æquarent,
Obprimun-
tur a
Philippo. Philippus inopinantibus advenit. Quem quum
adesse refugientes ex agris quidam pavidi
nunciascent, trepidare Damocritus ceterique
duces: & erat forte meridianum tempus,
quo plerique graves cibo sopiti jacebant. Ex-
citare igitur alii alias, jubere arma capere,
alios dimittere ad revocandos, qui palati per
agros prædabantur. Tantaque trepidatio fuit,
ut sine gladiis quidam equitum exirent, lo-
ricas plerique non induerent. Ita raptim educti,
quum universi sexcentorum ægre simul equi-
tes peditesque numerum explessent, incident
in regium equitatum, numero, animis, ar-
misque præstantem. Itaque primo in petu fusi,
vix tentato certamine, turpi fuga repetunt
castra. Cæsi captique quidam, quos equites
ab agmine fugientium interclusere.

LIBER XXXI CAP. XLII 253

XLI. PHILIPPUS, suis jam vallo adpropinquantibus, receptui cani jussit. Fatigatos enim equos virosque non tam proelio, quam itineris simul longitudine, simul præpropera celeritate, habebat. Iraque turmatim equites, in vicemque manipulos levis armaturæ, aquatum ire & prandere jubet: alios in statione armatos retinet, opperiens agmen peditum tardius du<um propter gravitatem armorum. Quod ubi advenit, & ipsis imperatum, ut, statutis signis armisque ante se positis, raptim cibum caperent, binis ternisve summum ex manipulis aquandi caufsa missis: interim eques cum levi armatura paratus instructus que stetit, si quid hostis moveret. Ætolii, (jam enim & , quæ per agros multitudo sparsa fuerat, receperat se in castra) ut defensuri munimenta, circa portas vallumque armatos disponunt, dum quietos hostes ipsi feroce ex tuto spe&tabant. Postquam mota signa Macedonum sunt, & succedere ad vallum parati atque instructi cœpere, omnes repente, relictis stationibus, per aversam partem castrorum ad tumulum, ad castra Athamanum perfugint. Multi in hac quoque tam trepidâ fuga capti cœsique sunt Ætoli.

*Ætoli
deferrunt
castra.*

*U. c. 552.
a. C. 200.* rum. Philippus, si satis diei supererisset, non dubius, quin Athamanes quoque exui castris potuissent, die per prælium, deinde per di-
reptionem castrorum absunto, sub tumulo in proxima planicie consedit, prima luce in-
frequentis diei hostem adgressurus. Sed Ætolii eodem pavore, quo sua castra reliquerant,
nocte proxima dispersi fugerunt. Maximo usui
fuit Amynander, quo duce Athamanes, iti-
nerum periti, summis montibus per calles ignotos sequentibus eos hostibus in Ætoliam perduxerunt. Non ita multos in dispersa fuga error intulit in Macedonum equites, quos luce prima Philippus, ut desertum tumulum vidit, ad carpendum hostium agmen misit.

XLIII. PER eos dies & Athenagoras regius præfectus, Dardanos recipientes se in fines adeptus, postremum agmen primo turbavit. Dein, postquam Dardani conversis signis direxere aciem, æqua pugna justo prælio erat. Ubi rursus procedere Dardani cœpissent, equite & levi armatura regii, nullum talis auxiliī genus habentes Dardanos, oneratos inmobilibus armis, vexabant : & loca ipsa adjuvabant. Occisi perpauci sunt, plures vulnerati, captus nemo, quia non excedunt

*Dardani
male
multati.*

LIB
temere
gnant,
bello,
coercit
cepto
nuit de
lorum
Alexan
Polem
tes me
ex ju
set, t
ret, t
certu
parum
gande
Rom
X
pio a
Malea
mionic
Athenie
per me
in auxili
ibi desu
citandam

LIVII
LIBER XXXI CAP. XLIV 255

temere ordinibus suis, sed confertim & pu-
gnant, & cedunt. Ita damna Romano accepta
bello, duabus per obportunas expeditiones
coercitis gentibus, restituerat Philippus, in-
cepto forti, non prospero solum eventu. Mi-
nuit deinde ei forte oblata res hostium Aeto-
lorum numerum. Scopas princeps gentis, ab Ætolorum
juventus in
Ægyptum
avecta,
Alexandria magno cum pondere auri ab rege
Ptolemæo missus, sex millia peditum & equi-
tes mercede conductos Ægyptum avexit. Nec
ex juventute Aetolorum quemquam reliqui-
set, ni Damocritus, nunc belli, quod insta-
ret, nunc futuræ solitudinis admonens, (in-
certum cura gentis, an ut adversaretur Scopæ,
parum donis cultus) partem juniorum casti-
gando domi continuisset. Hæc ea æstate ab
Romanis Philipoque gesta erant.

XLIV. CLASSIS a Corcyra ejusdem princi-
pio æstatis cum L. Apustio legato profecta,
Res mari-
gesta,
Malea superata, circa Scyllæum agri Het-
mionici Attalo regi conjuncta est. Tum vero
Atheniensium civitas, cui odio in Philippum
per metum jam diu moderata erat, id omne
in auxilii præsentis spem effudit. Nec umquam
ibi desunt linguae promptæ ad plebem con-
citandam: quod genus, quum in omnibus

U. c. 552. liberis civitatibus , tum præcipue Athenis ,
a. C. 200. ubi oratio plurimum pollet , favore multitudo-
 dinis alitur. Rogationem extemplo tulerunt,

*Decreta
Athenien-
sium in
Philip-
pum.* plebesque scivit , « ut Philippi statuae , ima-
 » gines omnes , nominaque earum , item
 » majorum ejus virilis ac muliebris sexus
 » omnium tollerentur , delerenturque : dies
 » festi , sacra , sacerdotes , quæ ipsius majo-
 » rumve ejus honoris caussa instituta essent ,
 » omnia profanarentur. Loca quoque , in
 » quibus positum aliquid inscriptumve ho-
 » noris ejus caussa fuisset , detestabilia esse ,
 » neque in iis quidquam postea poni dedica-
 » rique placere eorum , quæ in loco puro
 » poni dedicarique fas esset. Sacerdotes publi-
 » cos , quotiescumque pro populo Athenensi ,
 » sociisque , & exercitibus , & classibus eorum
 » precarentur , toties detestari atque execrari
 » Philippum , liberos ejus , regnumque , ter-
 » restres navalesque copias , Macedonum ge-
 » nus omne nomenque . » Additum decreto ,
 » Si quis quid postea , quod ad notam igno-
 » miniamque Philippi pertineret , ferret , id
 » omne populum Athenensem jussurum : si
 » quis contra ignominiam , prove honore ejus
 » dixisset , fecissetve , qui occidisset eum ,

» jure cæfurum. » Postremo inclusum, « Ut *U. c. 552.*
 » omnia, quæ adversus Pisistratidas decreta *c. C. 200.*
 » quondam erant, eadem in Philippo servaren-
 » tur. » Athenienses quidem literis verbisque,
 quibus solis valent, bellum adversus Philip-
 sum gerebant.

XLV. ATTALUS Romanique, quum Piræum primo ab Hermione petissent, paucos ibi morati dies, oneratique æque inmodicis ad honores socrorum, atque (*m*) in ira adversus hostem fuerant, Atheniensium decretis, navigant a Piræo Andrum. Et quum in portu, quem Gaureleon vocant, constitissent, missis, qui tentarent oppidanorum animos, si voluntate tradere urbem, quam vim experiri, mallent; postquam præsidio regio arcem teneri, nec se potestatis suæ esse respondebant; expositis copiis, omnique adparatu urbium obpugnandarum, diversis partibus rex & legatus Romanus ad urbem subeunt. Plus aliquanto Græcos Romana signa armaque non ante visa animique militum, tam promte fuccedentium muros, terruere. Itaque fuga extemplo in arcem facta est: urbe hostes potiti. Et in arce quum biduum loci se magis,

*Andros
capta a
Romanis.*

(*m*) ac quæ in iram Gron, Crev.

U. c. 552. quam armorum, fiducia tenuissent, tertio
a. C. 200. die pacti ipsi præsidiumque, ut cum singulis
vestimentis Delium Bœotiæ transveharentur,
Ea ab Romanis regi Attalo concessa : præ-
dam ornamentaque urbis ipsi avexerunt. At-
talus, ne desertam haberet insulam, & Ma-
cedonum fere omnibus, & quibusdam An-
driorum, ut manerent, persuasit. Postea &
ab Delio, qui ex pacto transvecti eo fuerant,
promissis regis, quum desiderium quoque
patriæ facilius ad credendum inclinaret ani-
mos, revocati. Ab Andro Cythnum trajece-
runt. Ibi dies aliquot obpugnanda urbe ne-
quidquam absumti : &, quia vix operæ pre-
tium erat, abscessere. Ad Prasias (continen-
tis Atticæ is locus est) Issæorum viginti
lembi classi Romanorum adjuncti sunt. Ii
missi ad populandos Carystiorum agros. Ce-
tera classis Geræstum, nobilem Eubœæ por-
tum, dum a Carysto Issæi redirent, tenuit.
Inde omnes, velis in altum datis, maris
medio præter Scyrum insulam Icum perve-
nere : ibi paucos dies, sœviente Boreæ, re-
tenti : ubi prima tranquillitas data est, Scia-
thum trajecere, vastatam urbem direptamque
nuper a Philippo. Per agros pælati milites

LIBER XXXI CAP. XLV 259

frumentum , & si qua alia usui esse ad ves- *U. c. 552.*
 cendum poterant , ad naves retulere. Præda *a. C. 200.*
 nec erat quidquam , nec meruerant Græci ,
 cur diriperentur. Inde Cassandream petentes ,
 primo ad Mendin , maritimum civitatis ejus
 vicum , tenuere. Inde quum , superato pro-
 montorio , ad ipsa moenia urbis circumagere
 classem vellent , fæva coorta tempestate ,
 prope obruti fluctibus , dispersi , magna ex
 parte amissis armamentis , in terram effuge-
 runt. Omen quoque ea maritima tempestas
 ad rem terra gerendam fuit. Nam , conlectis
 in unum navibus , expositisque copiis , ad-
 gressi urbem , cum multis vulneribus repulsi ,
 (& erat validum ibi regium præsidium) in-
 rito incepto regressi Canastræum (n) Palle-
 nes trajecere. Inde , superato Toronæ pro-
 montorio , navigantes Acanthum petiere. Ibi
 primo ager vastatus , deinde ipsa urbs vi capta
 ac direpta. Nec ultra progressi (jam enim &
 graves præda naves habebant) retro , unde
 venerant , Sciathum , & ab Sciatho Eubœam
 repetunt.

(n) *Canastrum Gron. Crev.*

*U. e. 552.
a. C. 200.*

*Conlo-
guium
Ætolorum
cum Atta-
lo & Ro-
manis.*

XLVI. IBI relicta clasfe, decem navibus expeditis sinum Maliacum intravere ad conloquendum cum Ætolis de ratione gerendi belli. Sipyrricas Ætolus princeps legationis ejus fuit, quæ ad communicanda confilia Heracleam cum rege & cum Romano legato venit. Petitum ex födere ab Attalo est, ut mille milites præstaret. Tantum enim numerum bellum gerentibus adversus Philippum debebat. Id negatum Ætolis : quod illi quoque gravati prius effent ad populandam Macedoniam exire, quo tempore, Philippo circa Pergamum urente sacra profanaque, abstrahere eum inde respectu rerum suarum potuissent. Ita Ætolii cum spe magis, Romanis omnia pollicentibus, quam cum auxilio dimissi. Apustius cum Attalo ad classem rediit. Inde consultari de Oreo obpugnando cœptum. Valida ea civitas & mœnibus, &, quia ante fuerat tentata, firmo erat præsidio. Conjunxerant se iis post expugnationem Andri cum præfecto Agesimbroto viginti Rhodiæ naves, tectæ omnes. Eam classem in stationem ad Zelasium miserunt, (Isthmia id super Demetriadem promontorium est perobportune obiectum) ut, si quid inde moverent Macedo-

LIBER XXXI CAP. XLVI 261

num naves, in præsidio essent. Heraclides *U. c. 552.*
præfetus regius classem ibi tenebat, magis *a. C. 200.*
per occasionem, si quam neglegentia hostium
dedisset, quam aperta vi quidquam ausurus.
Oreum ob-
pugnatum.

Oreum diversi Romani & rex Attalus obpugnabant: Romani a maritima arce, regii adversus vallem inter duas jacentem arces, qua & muro intersecta urbs est. Et ut loca diversa, sic dispari modo etiam obpugnabant: Romani testudinibus, & vineis, & ariete admovendo muris: regii ballistis, catapultisque & alio omni genere tormentorum tela ingerentes. Et pondere ingenti faxa jacebant, & cuniculos, & quidquid aliud priore obpugnatione expertum profuerat: Ceterum non plures tantum Macedones, quam ante, tuebantur urbem arcesque, sed etiam præsentioribus animis, & castigationibus regis in admissa culpa, simul (*o*) minarum, simul promissionum in futurum memores, ita ut parum in expugnatione celeri spei esset. Interim & aliud agi posse ratus legatus, relictis, quot satis videbantur ad opera perficienda, militibus, trajicit in proxima continentis: Larissamque (non illam in Thessalia

(*o*) & *simul Gron. Crev.*

*U. c. 552.
et C. 200.* nobilem urbem , sed alteram , quam Cremaſten
vocant) subito adventu , præter arcem , ce-
pit . Attalus quoque Ægeleon , nihil minus quam
tale quidquam in alterius obpugnatione urbis
timentibus , obpressit . Et jam quum opera in-
effectu erant circa Oreum , tum præsidium ,
quod intus erat , labore affiduo , vigiliis diur-
nis pariter nocturnisque , & vulneribus con-
Capitur. fectum . Muri quoque pars , ariete incusso
subruta , multis jam locis prociderat : per-
que apertum ruina iter nocte Romani , quod-
que super portum est , in arcem perruperunt .
Attalus luce prima , signo ex arce dato ab
Romanis , & ipse urbem invasit , stratis ma-
gna ex parte muris : præsidium oppidanique
in alteram arcem perfugere , unde biduo post
deditio facta . Urbs regi , captiva corpora
Romanis effere .

XLVII. JAM autumnale æquinoctium insta-
bat : & est finus Euboicus , quem Cœla vo-
cant , suspectus nautis . Itaque , ante hiemales
motus evadere inde cupientes , Piræum ,
unde profecti ad bellum erant , repetunt .
Apustius , triginta navibus ibi relictis , super
Maleam navigat Corcyram . Regem spatium
Initiorum Cereris , ut sacris interesset , tenuit .

LIV
LIBER XXXI CAP. XLVIII 263

Secundum Initia & ipse in Asiam se recepit, *U. c. 552.
a. C. 200.*
Agesimbroto & Rhodiis domum remissis. Hæc

ea æstate terra marique aduersus Philippum
sociosque ejus a consule & legato Romanis,
adjuvantibus rege Attalo & Rhodiis, gesta,
Consul alter **C. Aurelius** ad confectum bel-
lum quum in provinciam venisset, haud clam *Aurelius
Cof.
in Gallia,*
tulit iram aduersus prætorem, quod absente
se rem gessisset. Misso igitur eo in Etruriam,
ipse in agrum hostium legiones induxit : po-
pulandoque, cum præda majore, quam glo-
ria, bellum gessit. **L. Furius**, simul quod in
Etruria nihil erat rei, quod gereret, simul
Gallico triumpho inminens, quem, absente
consule irato atque invidente, facilius impe-
trari posse ratus, Romam inopinato quum
venisset, senatum in æde Bellonæ habuit :
expositisque rebus gestis, ut triumphanti sibi
in urbem invehiri liceret, petit.

XLVIII. APUD magnam partem senatus &
magnitudine rerum gestarum valebat, & gra-
tia. Majores natu negabant triumphum, « &
» quod alieno exercitu rem gessisset, & quod
» provinciam reliquisset aviditate rapiendi per
» occasionem triumphi ; id vero eum nullo
» exemplo fecisse, » Consulares præcipue,

*Furius
triumphus
petit.*

*Vario
sententia
in senatu.*

U. e. 552. » exspectandum fuisse consulem, » dicebant.
a. C. 200. « Potuisse enim castris, prope urbem positis,
» tutanda colonia, ita ut acie non decerneret,
» in adventum ejus rem extrahere. Et, quod
» prætor non fecisset, senatui faciendum esse.
» Consulem exspectarent: ubi coram discep-
» tantes consulem & prætorem audissent,
» verius de caussa existimaturos esse. » Magna
pars senatus nihil præter res gestas, & an
in magistratu suisque auspiciis geffisset, cen-
sebant spectare senatum debere. « Ex duabus
» coloniis, quæ velut claustra ad cohiben-
» dos Gallicos tumultus obpositæ fuissent,
» quum una direpta & incensa esset, trajec-
» turumque id incendium, velut ex continen-
» tibus testis, in alteram tam propinquam
» coloniam esset, quid tandem prætori fa-
» ciendum fuisse? Nam, si sine consule geri
» nihil oportuerit, aut senatum peccasse, qui
» exercitum prætori dederit, (potuisse enim,
» si non cum prætoris, sed consulis, exercitu
» rem geri voluerit, ita finire senatusconsul-
» tum, ne per prætorem, sed per consulem,
» gereretur) aut consulem, qui non, quum
» exercitum ex Etruria transire in Galliam
» jussisset, ipse Arimini obcurrerit, ut bello

» interesset, quod sine eo geri fas non esset. *U. c. 552.
a. C. 200.*
 » Non exspectare belli tempora moras & di-
 » lationes imperatorum. Et pugnandum esse
 » interdum, non quia velis, sed quia hostis
 » cogat. Pugnam ipsam eventumque pugnæ
 » spectari oportere. Fusos cæsosque hostes:
 » castra capta ac direpta: coloniam liberatam
 » obsidione: alterius coloniæ captivos recu-
 » peratos restitutosque suis: debellatum uno
 » proelio esse. Non homines tantum ea victo-
 » ria lætatos, sed Diis quoque immortalibus
 » per triduum supplicationes habitas, quod
 » bene ac feliciter, non quod male ac temere,
 » respublica a L. Furio prætore gesta esset.
 » Data fato etiam quodam Furiæ genti Gal-
 » lica bella.

XLIX. Hujus generis orationibus ipsius
 amicorumque victa est, præsentis gratia præ-
 toris, absentis consulis majestas; triumphum-
 que frequentes L. Furio decreverunt. Trium-
 phavit de Gallis in magistratu L. Furius
 prætor. In ærarium tulit trecenta viginti
 millia æris, argenti centum septuaginta mil-
 lia pondo: neque captivi ulli ante currum
 ducti, neque spolia prælata, neque milites
 secuti. Omnia, præter victoriam, penes

*Furius
triumphat.*

U. c. 552/ consulem esse adparebat. Ludi deinde a P.
 a. C. 200. Cornelio Scipione, quos consul in Africa
^{Scipionis}
^{milites}
^{agris}
^{donati,} voverat, magno adparatu facti. Et de agris
 militum ejus decretum, ut, quot quisque
 eorum annos in Hispania aut in Africa mili-
 tasset, in singulos annos bina jugera accipe-
 ret; eum agrum decemviri adsignarent. Trium-
 viri inde creati ad supplendum Venusinis co-
 lonorum numerum, quod bello Hannibalis
 adtenuatae vires ejus coloniae erant, C. Te-
 rentius Varro, T. Quinctius Flamininus, P.
 Cornelius Cn. F. Scipio. Hi colonos Venu-
 siam adscriperunt. Eodem anno C. Cornelius
 Cethagus, qui proconsul Hispaniam obtine-
 bat, magnum hostium exercitum in agro Se-
 detano fudit. Quindecim millia Hispanorum
 eo prælio dicuntur cæsa, signa militaria captæ
 octo & septuaginta. C. Aurelius consul, quum
 ex provincia Romam comitiorum causa ve-
 nisset, non id, quod animis præceperant,
 questus est, «Non exspectatum se ab senatu,
 » neque disceptandi cum prætore consuli po-
 » testatem factam: sed ita triumphum de-
 » cresce (p) senatum, ut nullius, nisi ejus,
 » qui triumphaturus esset, haud eorum, qui

(p) decr. Grön. Crev.

„bello interfuerint, verba audiret. Majores *U. c. 332.*
 „ideo instituisse, ut legati, tribuni militum, *a. C. 200,*
 „centuriones, milites denique triumpho ad-
 „fuerint; ut veritas rerum gestarum ejus, cui
 „tantus honos haberetur, publice videretur.
 „Ecquem ex eo exercitu, qui cum Gallis
 „pugnaverit, si non militem, lixam saltem
 „fuisse, quem percunctari posset senatus,
 „quid veri prætor vanive referret? » *Comitia.*

L. ANNONA quoque eo anno pervilis fuit.
 Frumenti vim magnam ex Africa adveftam
 ædiles curules M. Claudius Marcellus & Sex.
 Ælius Pætus binis æris in modios populo
 divisorunt: & ludos Romanos magno adpa-
 ratu fecerunt: diem unum instaurarunt: signa
 ænea quinque ex multatio argento in æra-
 rio posuerunt. Plebeii ludi ab ædilibus L.
 Terentio Massiliota (*r*) & Cn. Bæbio Tam-
 philo, quem prætorem designaverant, ter-
 toti instaurati. Et ludi funebres eo anno per
 quatriuum in foro, mortis M. Valerii Lævini
 caufa, a P. & M. filiis ejus facti: & munus

*Vilis
annona.*

*Ludi, in
quibus 25
paria gla-
diatorum.*

(q) *indixit Gron. Crev.*

(r) *Maffa Gron. Crev.*

U. c. 552. gladiatorium datum ab iis. Paria quinque &
a. C. 200. viginti pugnarunt. M. Aurelius Cotta, de-
 cemvir facrorum, mortuus. In ejus locum
 M'. Acilius Glabrio subsectus. Comitiis ædi-
 les curules creati sunt forte ambo, qui statim
 occipere magistratum non possent. Nam C.
 Cornelius Cethagus absens creatus erat, quum
 Hispaniam obtineret provinciam; C. Valerius
 Flaccus, quem præsentem creaverant (*s*),
 quia flamen Dialis erat, jurare in leges non
 poterat: magistratum autem plus quinque dies,
 nisi qui jurasset in leges, non licebat gerere.
 Petente Flacco, ut legibus solveretur, sena-
 tus decrevit, ut, si ædilis, qui pro se juraret,
 arbitratu consulum daret, consules, si eis
 videretur, cum tribunis plebis agerent, uti
 ad plebem ferrent. Datus, qui juraret pro fra-
 tre, L. Valerius Flaccus, prætor designatus.
 Tribuni ad plebem tulerunt, plebesque scivit,
 ut perinde esset, ac si ipse ædilis jurasset. Et
 de altero ædile scitum plebis est factum, rogan-
 tibus tribunis, quos duos in Hispaniam cum
 imperio ad exercitus ire juberent, ut C. Cor-
 nelius ædilis curulis ad magistratum gerendum
 veniret, & L. Manlius Acidinus decederet de
 provincia multos post annos. Plebes (*t*) Cn.
 Cornelio Lentulo & L. Stertinio pro consuli-
 bus imperium esse in Hispania jussit.

(*s*) *creabant* Gron. Crev. (*t*) *plebs* Gron. Crev.

in. Per quinq[ue] &
duum Cor, &
m. In ejus locum
datus. Comiti zac-
tore ambo, qui prim
us pellere. Non C.
n creverat esse, quum
minium; C. Velerius
non creverat (1),
juncte in lege non
erant plus quinque dies,
nam licet gerere
aut silvere, fera-
re, qui pro te juraret,
confides, si eis
testimonia agerent, ut
qui jurebat pro fra-
tore designatus,
princeps sicut
plebesque fecit. Et
ad nullis juravit. Et
huius est factum, rogan-
tis in Hispaniam cum
alibet, ut C. Cor-
nigeratum procul
vidimus decideret de
cato. Plebes (1) Ca-
minatio pro confili-
o spuma juit.

(1) p. 107 Grec. Crer.



B.I.G.

C Y M

Grauskala #13

A 1 2 3 4 5 6 M 8 9 10 11 12 13 14 15 B 17 18 19

B.I.G.

Black

3/Color

White

Magenta

Yellow

Green

Cyan

Blue

Inches
1 2 3 4 5 6 7 8
Centimetres
1 2 3 4 5 6 7 8 9 10 11 12 13 14 15 16 17 18 19 8

Farbkarte #13

